





Richard Ludlam

18585/A/1

L. LVIII

17/c

10/


27780


/5

157-151  
157-09



18585/A/1







22140  
*Evangelium Medici :*

SEU

**MEDICINA MYSTICA;**

DE

Suspensis Naturæ Legibus,

SIVE

**De MIRACULIS;**

Reliquisque ἐν τοῖς βιβλίοις Memoratis,  
quæ Medicæ indagini subjici possunt.

Ubi perpenditur prius Corporum Naturâ, sa-  
no & morboſo Corporis Humani Statu,  
nec non Motûs Legibus, Rerum Status  
super naturam, præcipue qui Corpus Hu-  
manum & Animam ſpectant, juxta  
Medicinæ Principia explicantur.

A BERNARDO CONNOR, M.D.  
è Regia Societate Londinenſi, nec  
non è Regali Medicorum Londinen-  
ſium Collegio.

Londini, Sumptibus Bibliopolarum Richardi  
Wellinton, in Cœmeterio D. Pauli; Henrici  
Nelme, in loco Royal-Exchange dicto, &  
Samuelis Briſcoe, in loco vulgò dicto Co-  
vent-Garden, MDCXC VII.



# IMPRIMATUR

Hic liber cui Titulus, *Evangelium  
Medici, seu Medicina Mystica  
de suspensis Naturæ Legibus,  
&c.*

*Tho. Millington, Præses,*

*Tho. Burwel*

*Rich. Torlesse*

*Guliel. Dawes*

*Tho. Gill*

} *Censores.*

Datum ex Ædibus Collegii  
nostri in Comitibus Cen-  
soriis nono die Aprilis,  
1697.

1  
Honoratissimo Viro  
D. CAROLO MONTAGUE,

Fisci Regii

CANCELLARIO,

E Supremis Angliæ Thesaurariis,

Regi à Secretioribus Consiliis,

Nec non Regalis Societatis Londinensis

PRÆSIDI.

**D**ivina, Vir Clarissime, cum  
Humanis, Sacra cum Pro-  
fanis, Vacillantes Naturæ Vires,  
& fluxiles Effectus cum Mira-  
culis, & cum Summi Numinis Po-  
tentia, juxta Medicinæ Principia,  
A 2 con-

conferre, & collata explicare, arduum nimis, & forsan temerarium plerisque videbitur. Cum præcipue hoc tam sublime Opus, hoc tam cœleste Iter à nemine hæctenus susceptum fuerit. Mihi ipsi ante Annos quosdam Effectuum eorum, qui juxta simul ac supra Naturæ Leges fiunt, Causas & Modum fortè contemplanti, visum est, quòd Illi prorsus Operam ludunt qui reconditam Miraculorum Naturam obtusiori cacutientis Rationis Acie perlustrant. Cum reliquis enim omnibus tunc existimavi quòd Effectus, qui sancitas Naturæ Leges superant, Ingeniū quoque Captum excedunt. Cum tamen deinde mecum diutius perpenderim, quòd omnes Corporum & Spirituum Effectus, tum illi, qui juxta

Na-

## Dedicatio.

iii

*Naturæ, vel Motûs Leges peraguntur, tum illi, qui Naturæ conatus exuperant, ab uno eodemque Æternæ Voluntatis Decreto immediatè producuntur; mihi statim proposui per Effectuum Naturalium Cognitionem, ad Effectuum super naturam notitiam, quasi per diversos gradus, paulatim ascendere, & utrosque effectus juxta ejusdem Legis Tenorem in hoc Libro illustrare. Ut autem sub tanti Nominis Auspiciis à mordacis Censuræ aculeis, & malevolorum dictæis incolumis evadam, Tuæ, Vir Spectatissime, Tutelæ novum hocce Tentamen committere non dubitavi. Cujus enim nomen hujus Operis fronti præfigere magis gestirem, quàm illius quem tam Prudens & Sagax Princeps suo*  
A 3      præfi-



præficere *Ærario*, & *Sanctiori-*  
*bus* interesse *Consiliis* voluit? *Cu-*  
*jus* *Fama* *decori* magis esse potuit  
 & *Ornamento*, quàm *illius*, qui  
*Tot* *Tantorumque* *Magnatum* *stir-*  
*pe* est oriundus? *Cujus* *Præ-*  
*sidium* ardentius exoptarem, quàm  
*illius*, quem tanta *Literatorum*  
*Societas* ad omnium vota semel  
 atque iterum elegit *Præsidem*? *Cu-*  
*jus* denique *judicio* *præcoccem* huncce  
*Ingenii* mei *Partum* *rudi* adeo  
*penicillo* *delineatum* *lubentius* *subji-*  
*cerem* *emendandam*, quàm *Illius*,  
 cui *Judicii* in *Publicis* *Rebus* *Sa-*  
*gacitas*, cui *Ingenii* *Perspicacitas*,  
 cui *notissima* *Cunctis* *Merita*, tan-  
 tam per totam *Angliam* *famam*,  
 tantam in *Senatu* *authoritatem*,  
 tantam apud *Regem* *gratiam* &  
*favorem* *acquisiverunt*, quod *Re-*

gi ipsi æquum fore visum est, Te  
ad Supremos Reipublicæ Hono-  
res evehere; ut suis Rebus domi  
& foris tutius consulere, ut Populi  
votis responderet, & ut tua meri-  
ta, collataque in Regnum Beneficia  
plenius compensaret.

Spero, Vir Illustrissime, quòd,  
etiamsi publica Regni Negotia to-  
tum Te, quasi continuos inter flu-  
ctus, agitatam detineant, Tibi  
tandem, compositis aliquando tantis  
Rebus, aut saltem, ad relaxandum  
Animum, aliquandiu prætermis-  
sis, vacabit identidem dicatas Tibi  
Orbis Literarii Curas & Studia so-  
lito genii candore intueri, & admit-  
tere, nec non gravioribus subinde  
Curis interponere. At, si forte in-  
cultum hocce meum Opusculum vi-

vidiorem Ingenii Tui perspicaciam  
satiare minus valeat, meminisse  
saltem haud dedigneris, quanto  
cultu & observantiâ hoc quale-  
cunque Munusculum offert, dicat-  
que,

Vir Nobilissime,

Tibi

Devotissimus,

Bernardus Connor.

---

EPISTOLA



---

---

# EPISTOLA

A D

*Meritissimum suum Amicum, D. B. M.*

E X

Anglico idiomate ab erudito J. W.  
Studios. Oxon. in Latinum con-  
versa, & Præfationis loco hic  
præfixa.

**N**ondum ex animo Tibi, Vir Litera-  
tissime, penitus excidisse reor nupè-  
rum isthoc Colloquium, quo Tu &  
Ipse de *Miraculis* disseruimus, & de opinione ar-  
gutiisquæ quorundam, qui negant ullo sese pacto  
concipere, quibus Viribus, quoque *Modo* effici pos-  
sent. Cuncta, quæ congerunt in partes suas, Argu-  
menta frigida nimis, & infirma visa sunt, utpote  
quæ

quæ hæc tantum suadere voluerunt, Omnes nimirum Effectus, qui Intellectum Humanum superant, vires utique summi Numinis superare; aut saltem necessum esse, ad expugnandos Incredulorum animos, ut Deus non solum *Miracula* coram edat, sed eadem etiam efficiendi *Rationem Modumque* patefaciat. Hoc sumus palam professi, illos nempe stupendos Effectus, quos pro *Miraculis* jure quidem exhibent Sacrae Paginae, aliquem supra sanctas Naturæ Leges Autorem fateri, ipsamque summi Opificis dextram virtutemque deprecari. Protinus in nostram ibant sententiam, quippe quos hac in parte diutius hæsitare merito puduit. Quamvis autem non potuerunt non persuasum habere istos hujusmodi Effectus, quos Historici spectatissimæ gravissimæque fidei narrant, inter *Miracula* jure censeri, ac præstitutas Naturæ vires omnino respicere; nè tamen opinioni nostræ facile nimis assentirentur, ut ipse mecum paulo diligentius perpenderem, utrum *Modi*, juxta quos *Miracula* Deus efficit, sub *Rationem* humanam cadere possent, & quis mihi tandem *Modus* vero similis videretur, sibi ut exponerem, efflagitabant.

At licet hoc Opus non sit Provinciae meae, quippe quæ quotidianos tantum, vulgaresque Naturæ Effectus, seu *Medicinam*, complectitur, (quæ profecto quicquid est Ingenii vel Otii mihi

pro-

prorsus exhaurit, & ex quâ magis indies perspicio, gratusque demiror providam summi Numinis Cyram) eorum tamen votis morem gerere cupiens, Rem totam mecum expendere, ac, quantum possem, enodatam dare pollicebar.

Non equidem tum primum; & hic & alibi gentium eadem hac de re Argumenta audiveram, & Opusculum quoddam ad hanc rem dilucidandam aliquot abhinc annis inchoaveram. Sin è tenebris suis rudiores istas, neglectasque Schedulas non eliciuisset hæc Disceptatio, in scriptis usque meis delituisse, nec unquam mihi fortassis, aut alii cuiquam legenti tædium fecissent. Cùm autem hoc Operis parùm consultò in me receperam, visum est Chartulas illas meas incudi denudò tradere, iisque deinde perlegendas dare, ac Tuo demum & Amicorum quorundam judicio cuncta permittere.

Rationes eas, *Hyporbesesque*, quas ad expediendos hujuscè rei nodos excogitaveram, & sibi tunc primum visas esse professi sunt, & plerisque pariter inauditas fore crediderunt; & quamquam pro re omni ex parte compertâ non habuerunt, hos nempe *Modos* ipsos eos esse juxta quos Deus effecit omnia, quotquot usquam facta fuerint, Miracula, hoc tamen haud ægrè sibi persuadere visi sunt, posse nimirum eos, qui Naturam Legesque Motûs non penitus ignorant, studiosè perpendos

pendos hos Effectus aliqua saltem tenus hinc intelligere.

Cum verò nonnullos hunc in modum Consilii mei participes fecissim, esse scilicet in animo mihi aliquam hac de re *Dissertationem* edere, iidem obnixè rogarunt, ut saltem ipsa summatim Argumenta, quasi praelibanda, in manus Hominum darem. Illis autem hoc postulantibus ideo minùs obsequi visum est, quod nondum in eundem quæque ordinem digesseram, quo fortè tandem Prælo committerem, quodque pro libitu inferendi quicquam, aut rescandi jus me penes diutius esse volui. Cum verò Tabula quædam Operis minùs consultò evulgata parum aliis, mihimet autem minimè placuit, & cum plerique Conjecturis exinde perperam factis nescio quid sibi Monstri præfinxerunt, visum est tandem ipsam totius instituti rationem immutare, immutatæque Exemplar paucis hisce in lucem dare.

Quod itaque, Vir Egregie, molior, hoc est. Cuncta *Miracula*, quæ sacra recenset Pagina, & quæ ad Corpora, præsertim Humana, spectant, per Rationem, Medicinæque, seu Naturæ, Principia dilucidare, Intellectuique subicere in me recipio. Contendo autem (si modò revera unquam extiterint isti Effectus, & si omnes juxta pariter, atque supra Naturæ Leges Effectus præsentem *immediatamque* summi Nominis virtutem deponcant, quod nemo sanus negaverit,) non magis arduum esse conceptu *quo Modo* infi-

nita



*Proœmium.* v

nita Numinis Potentia sese Corporibus immiscens *Miracula* efficit, quàm quo repetit indies neglecta Naturæ Phænomena. Hinc mihi polliceor persuasos iri illos in Religione nostrâ *Pyrhones*, *Deistas*, iisque saltem *Miraculis*, quæ commemorant optimæ fidei Autores, protinus assensuros, cum non perspicuè minus eadem fieri, quàm stipulam ab igne exuri, posse cognoverint.

Humani Corporis fabricæ totum Opus innititur, cujus singula sæpè Membra Anatomicè perlustravi, eademque porò ope Chymix in Elementa sua primaria, minutasque Particulas sæpè resolvi: non minus enim Constructionem ejus penitus eum intueri oportet, qui dilucidare velit stupendas illas quas præter Naturæ Leges subiit olim, Mutationes, quàm qui istas explicare aggreditur, quas secundum Naturæ Leges quotidie subit. Ob miseram suam hac in parte Ignorantiam plurimi paucis abhinc sæculis Theologi, qui hujusmodi Effectus susceperunt explicandos, adeò crassas pinguesque nobis *Miraculorum* Ideas effinxerunt; & ipse nonnullos in iis, quas peragravi, regionibus vidi, qui aut quæstu, aut incitia ducti, minus observata Phænomena, rarioresque Naturalium Causarum Effectus pro *Miraculis* venditarunt: Hæc aut fraus aut ignorantia primam penè originem *Scepticismi*, *Deismo* vires & incrementum, dedit.

Corporis

Corporis autem Humani fabricâ hunc in modum pro fundamento positâ, variisq; ejus Partibus, quantum per ipsos Sensus, Microscopia, Anatomiam, Ignem, aliâque id genus Experimenta potui, perspectis; pergo deinde diversos explicare *Modos*, secundum quos Naturalem ejus Statum præter Naturæ Leges à suprema Numinis Potentiâ mutatum olim fuisse accepimus. Cum enim pro comperto habebam è Materia solâ exstructum esse Corpus Humanum, & hanc ipsam Materiam nihil aliud esse quam Particularum quarundam, quæ *Molem*, *Figuram*, & *respectivum* ad se invicem *Situm* habent, arctissimum Nexum & Unionem; omnes porro Mutationes, quæ præter Naturæ Leges eidem quoad *Molem*, *Figuram*, *Situmve* queant accidere, Intellectui quopue subjici posse illicò mihi persuasi. Antè verò quàm reconditiora hæc Argumenta occipiam, quæ subtiliorem poscunt Indaginem, non abs re fore videtur, *Causam*, *Naturam*, *Legesque Motûs* accuratius exquirere; quippe quòd à solo Motu omnes, qui juxta Naturam, & ab ejusdem *Motûs Legum suspensione* omnes qui præter Naturam fiunt Effectus, seu *Miracula*, causas & ortus habent. *Leges* autem *Motûs* triplici *Modo* suspendi posse contendo; juxta quas *Motûs suspensas Leges* non magis arduum est ipsa *Miracula*, quàm secundum receptas ejusdem *Leges* quotidianos Naturalium Causarum Effectus, explicare.

Quam-

Quamvis autem moneo ad hasce *Motûs suspensas* *Leges* commodè posse referri omnia, quotquot unquam fuerint, *Miracula*, non est tamen in animo mihi cuncta *Miraculorum* genera considerare, sed ea solum quæ omnium hactenus *Eruditorum* *Ingenia* maximè torserunt. Cætera verò, quæcunque forsitan occurrant, à quopiam acrioris *Judicii* ad aliquam *Suspensionis* nostræ legem possint aptè referri.

Inter omnes, uti spes est, aliquando tandem constabit, *Librum* hunc nostrum (etsi de *industriâ* memet à *Sacris Literis* & *Religione* abstinco, utpote à *Provincia* meâ prorsus alienis) magno usui fore: prout *Eruditi* nonnulli, cautissimique hac in parte *Theologi* mihi coram fateri non dubitarunt. Non enim *Cogitata* hac de re mea *publici juris* unquam fecissem, nisi quorundam *Amicorum* hortatu jussuque, qui *Rerum Sacrarum* commodo melius, quàm ipse poteram, visum fuit providere. Hic etiam libet palam profiteri, me nihil aliud in hac *Dissertatione* moliri, quàm ut exquiram quantum stupendos eos in *Corporibus Effectus*, qui *Naturæ vires* superant, per *Medicinæ Principia* perscrutari possimus, & confirmare. Hoc enim *Argumentum* & à *Theologicis Studiis* prorsus alienum est, nec idem, quod sciam, ullus unquam *Medicus*, nedum *Celeberrimus Ille*, omnibusque, & *Tibi* præ cæteris ex affinitate notissimus, *Religionis Medici* *Author*, attigit. Omnes, uti spe-

ro



ro, quotquot hunc Tractatum perlegerint, me in hoc Opusculo Religioni tantum & Medicinæ promovendæ operam dedisse pro comperto habebunt; aded ut abs Te, Amico simul & æquo Rerum æstimatore, hoc gratiæ duplici nomine mihi met ausum polliceri, Te nempe vindicem fore

*Tui*

Lond. Octob. 22.

*Cultoris*

Anno æræ salutis,

*Humilimi,*

1696.

**B. Connor.**

---

**Evangelium**

EVANGELIUM MEDICI:

Seu

Medicina Mystica,

DE

Suspensis Naturæ Legibus,

Sive

De Miraculis,

Reliquisq; εν τοῖς Βιβλίοις memo-  
ratis, quæ Medicæ indagini  
subjici possunt.

ARTIC. I.

*De statu Corporis, præcipue Orga-  
nici, secundum naturam.*

**I**N primo hujus Operis vesti- *Artic. I.*  
bulo necesse visum est obser- *Scopus O-*  
vare, quod uti supremus Re- *peris.*  
rum Opifex duas creare dignatus  
est substantias, *Materiam* nempe  
B &

*Artic. I.* & *Spiritum*, sic duas sancire voluit  
 Duæ natu- in Natura *Leges*, quibus effectus  
 ræ leges, earundem peragantur, *Leges* nem-  
 leges mo- pe *Motus*, quibus corporum ef-  
 tus & mo- fectus producuntur, & *Leges Mo-*  
 rum. rum, quibus animi affectus &  
 munia reguntur. Hæ autem duæ  
*Leges*, nullam inter se affinita-  
 tem, nullum commercium, aut  
 mutuam à se habent dependen-  
 tiam; quia non solum diversis,  
 sed etiam plane oppositis rebus  
 dicatæ sunt. Medicorum est *natu-*  
*ram corporum* atq; *leges motus* illu-  
 strare, & *Morum Legibus* obtem-  
 perare tantum; vel <sup>a</sup> iis *Legibus*  
 quæ nobis à natura sub *rationis*  
 nomine insitæ sunt, vel <sup>b</sup> iis quæ  
 cœlitus nobis ipsis sunt traditæ, vel  
 per <sup>c</sup> alios nobis inde patefactæ:  
 Divinarum vero rerum Interpre-  
 tes, non tantum *Morum Legi-*  
*bus* obsequi ipsi, sed etiam eas-  
 dem aliis <sup>d</sup> instillare, & palam  
 promulgare debent. Quoniam  
 autem

[<sup>a</sup>, <sup>b</sup>, <sup>c</sup>, &  
 reliquæ in-  
 termixtæ  
 literæ quæ  
 ad margi-  
 nem referri  
 deberent, ad  
 notas finis  
 libri ap-  
 pensas re-  
 feruntur.]

autem sancita jam tum <sup>e</sup> *Nova*, *Artic. 1.*  
tum <sup>f</sup> *Veteris Legis*, pro regendis  
moribus decreta, multis confir-  
mata sunt, & quasi sigillata <sup>g</sup> *mi-*  
*raculis*; & quoniam hæc *Mira-*  
*cula* in solis fere corporibus pro-  
ducta sunt, & in humano præci-  
pue corpore transacta, congru-  
um mihi visum est, juxta *Motus*  
*leges*, & juxta *Medicinæ principia*,  
*Miraculorum naturam* investiga-  
re, ut non tantum veritas *Legum*  
*Morum* atq; æquitas, sed etiam  
provida summi *Legislatoris* maje-  
stas elucescat. Ut autem res tota  
clarius in lucem prodeat, diver-  
sos *Corporis Humani* status, &  
motus ipsius naturam prius ex-  
plorare necessum erit.

De Humano igitur Corpore  
supra naturæ suæ terminos elato  
præcipue tractaturus, haud abs-  
re fore existimavi, quidpiam de  
genuina *Corporis*, præcipue *Orga-*  
*nici*, indole obiter prælibare; ut  
B 2 clarius



*Artic. I.* clarius pateant ea quæ de *miraculo* ipsius *Statu* dicturus sum. Uti enim necessum est, *insitos Corporum* affectus & proprietates dignoscere, ut proprios & naturales ipsorum effectus concipiamus & explicemus, sic quoq; ut *supernaturales Corporum* status elucidemus, *Corporum* ipsorum natura, quæ utriusq; status est fundamentum, prius erit investiganda.

Natura  
materiæ.

Etiamsi dubitare nullatenus liceat de vera multarum <sup>h</sup> *Rerum*, à *corporibus* natura penitus discrepantium, existentia; nihil tamen perspicua concipimus mente, præter *corpora* ipsa, seu *materiam*. Nihil autem per *materiam* exprimimus, nisi substantiam in omnes dimensiones vere extensam, quæ varias habet partes sibi applicatas, & extra se positas; quæ partes, in minores adhuc particulas, & hæ adhuc in

in minores sine fine dividi possunt. Materiei igitur cujusslibet particulæ in eo conveniunt, quod omnes longæ sint, latæ, & profundæ; discrepant tamen in eo, quod hæ diversa *mole*, illæ peculiari *figura*, aliæ citatori *motu* Materiæ species. sint donatæ; & triplici hocce discrimine innumera illa tam fluida quam solida corpora efformant, ex quibus tota mundi machina compingitur. Unaquæq; autem materiæ particula ita in se intime solida est, ita spatium, in quo continetur, mole sua, etsi exigua, vere replet, ut nullum Materia est solida, unde impenetrabilis. prorsus aliud corpus in eodem simul spatio admittere, nec aliud corpus solidum ipsa inire, aut penetrare valeat: Unde omnes corporum, & Orbis totius partes contigua quadam vicinia sibi tantum succedunt, & sic sibi appositæ in immensam seriem extra ingenii aciem protenduntur.

Artic. I.

Tota mundi *materia* in duas *Corporum* species formata est, *Organica* nempe, & *Inorganica*. *Inorganica Corpora sunt ea quæ moleculis* seu integrantibus partibus, nulla textura aut structura diversis, sed *homogeneis, & sibi ubiq; similibus constant.* Hujusmodi Corpora maximam mundi partem constituunt; qualia sunt, *Stellæ, Cœli, Planetæ, Aer, Aqua, Terra, Mineralia omnia, Lapidēs, Sanguis, omnes Humores & Liquores*: Omnis enim portio aeris, aquæ, lapidis, sanguinis, & reliquorum Corporum inorganicorum, eandem habet texturam & indolem, cum tota massa aerea, aquea, lapidea, sanguinea, & totius massæ nomine insignitur.

Quid Corpus Organicum.

Corpora vero organica sunt ea, quæ multis diversæ fabricæ organis totidem quasi machinulis efformantur, *quæ, inquam, constantem & peculiarem habent diversarum*



versarum partium sitam, & dissimilem cujusq; partis structuram & usum. Hujusmodi sunt Vegetantia & Animantia omnia: Quælibet enim Planta multis partibus situ, textura, & usu discrepantibus potitur. Alia nempe Arboris pars vocatur radix, alia truncus, medulla alia, alia folia; quibus vegetatio fruticis promovetur. Animantia quoq; omnia multiplici Organorum numero & serie, cerebro nempe, corde, pulmonibus, stomacho, trunco, artubus, variisq; id genus partibus gaudent, quibus vitales & animales motus peraguntur.

Hic autem de occulto Corporis Humani statu tractaturus, non de cœlis, aere, lapidibus, aut aliis mineralibus, non de terra, aqua, aut aliis hujusmodi inorganicis corporibus agam, sed de iis tantum quæ numeroso organorum apparatu instructa sunt, uti

*Artic. I.* Animantia omnia. Præ cæteris autem animantibus de Corpore Humano, mirabili Medicinæ objecto, hic præcipue nobis sermo est instituendus. Hic autem Corpus nostrum non quatenus intra naturæ suæ gyrum comprehenditur, nec quatenus Medicinæ contemplandum pro conservanda aut restauranda valetudine subjicitur, sed quatenus supra nativum statum elevari potest, hic nobis præcipue tractandum est.

Investigandum nempe quot & quibus modis genuinus ipsius status divinitus mutari potest: Omnes enim qui hætenus de Corpore humano scripserunt Medici, alii statum ipsius secundum naturam, seu sanum; alii statum præter naturam, seu morbosum, perquam accurate illustrarunt; nulli autem hucusq; statum ipsius super naturam seu miraculosum,

Tres corporis humani status.

sum, perpenderunt. Quare novum atq; arduum nobis tentandum est iter, & extra solitum Medicinæ stadium nonnihil excurrendum est. Cum enim affirmant omnes, quod præter sanum & morbosum Corporis nostri statum, varii fuerint status ipsius super naturam, & cum nemo hactenus hosce status juxta Medicinæ principia illustrare tentaverit, operæ pretium mihi visum est, eosdem, quanta possem solertia, ad rationis normam reducere; ut illi, qui de hujusmodi miraculis dubitarunt, eadem concipiant; & illi qui eadem admiserunt, ratione demum illustrata, intensiori & vividiori fide credant. Ne autem in insolita hacce & quasi cœlesti indagine mens nostra per devia passim sine duce divagetur, *Naturæ* vestigiis insistendum est. Etiam si enim in illustrandis *miraculis* naturæ leges exce-

*Artic. I.* excedere necessum sit, ab illis  
tamen recedere non licet; &  
etiamsi Corporis Humani status  
super naturam juxta statutas *mo-*  
*tus* leges explicare non valea-  
mus, in illis tamen explican-  
dis insitos corporum affectus &  
phænomena perpendere oportebit. Quod ut rite peragamus,  
naturalis Corporis Humani fa-  
brica, motus, & munia prius  
erunt obiter prælibanda.

---

ARTIC.



A R T I C. II.

De statu Corporis Humani secundum Naturam.

**H**omo totus ex triplici co-  
alescit substantia, <sup>a</sup> *Spiritu*, *Corpore*, & *Anima*. *Spiritus* est pars hominis *cogitans*, quæ vulgo anima rationalis nuncupari solet, etsi nullum animæ ministerium vere exerceat, ut infra patebit. Anima sunt fluida corporis, *Sanguis* nempe ac *Spiritus animales*. Corpus vero ipsum est mira illa ac concatenata partium solidarum seu organorum series & fabrica, quæ *Spiritus* & animæ fulcrum est & domicilium. Spiritus, rationis iudex, cum libero agat arbitrio, animæ, quæ necessitate quadam operari cogitur, munia non obit, sed *sensus*

Tres hominis partes.

Spiritus non est anima.



*Artic. 2.* *sus* duntaxat est author, & motus voluntarii arbiter. Anima vero, seu humores & liquor nervorum, vitam corporis conservant, involuntarios nempe cordis & respirationis motus suo motu producant. Quibus motibus cessantibus, vita corporis extinguitur, moxque recedente ab exanimi cadavere spiritu cogitante, hominis natura dissolvitur. Hic autem de parte hominis cogitante, quæ suam ipsius cogitationem & captum superat, & quæ sensuum aciem fugit, agere non fert animus, sed de corpore tantum & anima, quæ rationis non solum, verum etiam sensuum scrutinio magis obvia patefcunt.

Corporis  
humani  
duæ partes.

Duæ in Humano Corpore observari possunt partes, *integrantes* nempe, & *elementares*. Partes integrantes seu organicae, sunt conspicuae, aut saltem sensilis magni-

magnitudinis, uti cor, hepar, *Artic. 2.*  
manus, pedes; & Anatomiae o-  
pe structura ipsarum detegitur.  
Particulæ vero elementares, seu  
*prima principia*, sunt exilissimæ  
& insensiles atomi, ex quibus in-  
vicem conjunctis, & in debitum  
situm, texturam, & seriem dispo-  
sitis, partes *integrantes* constru-  
untur; hujusmodi Elementa non  
cultri acie, sed ignis tantum Chy-  
mici ope extrahuntur. Atomi  
autem nomine hic nihil aliud in-  
telligi velim, nisi minimam cor-  
poris alicujus particulam ab aliis  
particulis vere divisam, & in se  
sine fine divisilem.

Si igitur minutissima corporis Partes E-  
nostri Principia juxta *Chymia* lementa-  
scrutinium perpendamus, res. to-  
tum corpus in quatuor materiae  
species, in certam nempe parti-  
cularum *Terræ* elementaris, *A-*  
*quæ*, *Salis*, & *Sulphuris*, propor-  
tionem resolvetur. Quæ parti-  
culæ

*Artic. 2.* culæ variis modis, & in diversa quantitate sibi appositæ, moleculas discrepantis indolis & texturæ efformant. Et hæ moleculæ strictius aut laxius inter se associatæ, partes corporis alias fluidas, uti humores, alias solidas, uti carnem & ossa, constituunt. *Molecula est quævis vel minima mixti alicujus corporis portio, quæ ex quatuor primis principis coalescit.* Sic omnis portio carnis vel sanguinis, ex terra, aqua, sale, & sulphure, constat: Ut autem hæ moleculæ ex atomis elementaribus constantes solidas partes efforment, in tenuissima duplicis generis stamina abeunt, vascula nempe, & vasculares fibras. Vascula sunt venæ, arteriæ, nervi, lymphæductus, & vasa glandularum excretoria. Ex his autem solis vasis non coalescit totum corpus, ut plurimi voluerunt; sed & adsunt præterea innumera

Partes Or-  
ganicæ.

Textura  
corporis  
humani.

innumera filamenta cava, seu *Artic. 2.*  
fibrae vasculares gracillimæ, quæ  
prout arctiori vel laxiori nexu  
stringuntur, partes alias aliis  
solidiores constituent; quemad-  
modum sunt ossa, cartilaginee,  
ligamenta, membranæ, tendines,  
musculi, & glandulæ; & hæ fi-  
bræ in magna quantitate sibi su-  
perpositæ multa strata, & quasi  
lamellas filamentosas efformant;  
quæ indies post ortum ab appel-  
lente & alente sanguine in lon-  
gum & latum turgentes, non ve-  
ro in numero crescentes, eximi-  
am tandem corporis humani  
molem efformant.

Corpus Humanum in duas Partes fluidæ & organicæ.  
adhuc alias partes, solidas nem-  
pe & fluidas, seu humores, divi-  
dendum est: Solidas partes jam  
recensuimus. Fluidæ partes sunt  
*sanguis, lympa, spiritus anima-*  
*les, saliva, mucus narium, fer-*  
*mentum ventriculi & intestino-*  
*rum,*



*Artic. 2. rum, bilis, succus pancreaticus, adeps, humores oculorum, lachryma, semen virile, ovi muliebris latex lymphaticus, humor pericardii, menstrua, urina, & sudor.* Omnes autem hi humores præter urinam, menses, & sudorem, peculiarem habent usum in corpore nostro. Urina vero, menstrua, sudor, & fæces, excrementa sunt foras amandanda. Omnes humores à massa sanguinea tanquam totidem à communi parente fluvio germani rivuli derivantur.

Tres motus sanguinis.

Massa hæc sanguinis triplici motu, eoque perenni agitur, fluidi nempe, fermentationis, & circulationis. Tribus hisce motibus jugiter attenuatur, & principia ejusdem in tumultuoso hocce conflictu absumptis angulis atteruntur; unde indito impetu, & quasi œstro percita evolant & dissipantur; quare perenni egent reparatione, ut exhalanti-

um

um particularum jaëctura ab ingestis alimentis refarciatur. Plurima igitur diversæ indolis pabula ab animantium & plantarum familiis deprompta deglutiuntur. Hæc alimenta dentibus attrita, & à lingua cum saliva subacta à faucibus per gulam in ventriculum detruduntur; ibidemq; partim à propriis principiis salinis, partim à fermento stomachi lymphatico, partim ab ambientium viscerum calore, partim à jugi diaphragmatis & musculorum abdominis motu compressa & attrita digeruntur, seu per quasdam horas dissolvuntur, donec in fluidum quoddam liquamen, quod *Chymus* vocatur, convertuntur. Hicce Chymus per pylorum à peristaltico ventriculi motu, & ab impulsu diaphragmatis in intestina detruditur, in quibus accedente bilioso & pancreatico succo, necnon oc-

Digestio  
& Chylus.

C                      cur.

Artic. 2. currente fermento à glandulis Peyerii intestinalibus eructato ulterius eliquatur & comminuitur. Quare tenuior ipsius & fluidior portio, relictis pone fœcibus per podicem excernendis, à sitientibus vasorum lacteorum ostioliis in cavitatem intestinorum hiantibus, sub *Chyli* nomine, consistentia, & colore albicante lac referens, absorbetur. Hinc Chylus per mesentericas Asellii glandulas ad Pecqueti receptaculum cum affluente lymphâ miscendus & ulterius diluendus vehitur. Illinc per ductum Thoracicum à rene sinistro ad jugulum usq; supra dorsi vertebrae porrectum in subclaviâ venâ sinistram exoneratur. Istinc declivi tramite per venâ cavâ ad cordis ventriculum dextrum tendit, & tanquam rivulus cum toto massæ sanguinæ flumine à toto corpore huc confluyente commiscetur; ubi cum

Chyli pro-  
cessus.

Sanguis-  
catio.

cum eodem subactus, per totum corpus & per exilissimos & anfractuofos partium canaliculos jugiter circulatur; ab inspirato aere rarefactus, intestina principiorum turba fermentescit, & cruoris tandem naturam assumit. Sanguis sic à sanguine elaboratus & confectus, perenni circuitu à corde, tanquam à machina hydraulica ad omnes & singulas corporis partes per arterias propellitur, & à corporis partibus per venas ad cor denuo revertitur, hinc iterum in orbem confestim agitandus.

Hujus sanguinis triplex est usus; præcipuus ut calore suo & variis motibus vitam conservet; tota enim corporis nostri vita in solo sanguine sita est: alter ut ad omnes corporis partes delatus easdem nutriat: tertius demum, ut in variis corporis glandulosis partibus diversos humores mul-

*Ufus Sanguinis.*



*Artic. 2.* tiplici usui dicatos deponat. Quicquid aliquem humorem à sanguine secernit glandulæ, filtri, coli, vel cribri nomine solet appellari. Hujusmodi glandulas seu colatoria per totum corporis nostri habitum, per internos ejusdem recessus, & inter musculeas carnes, passim disseminatas reperimus, ut in diffitis & diversis hisce locis varia fluida ab appellente sanguine tanquam ab inexhausto fonte colentur.

*Circuitus  
Sanguinis.*

Totus igitur purpurei laticis torrens à dextro cordis ventriculo per arteriam pneumonicam ad pulmones propellitur, ibidemq; à subeunte & commixto aere rarefactus, & coccineo colore tinctus, ad lævum cordis ventriculum redit; inde mox per aortam ad totum corpus emissus protruditur. Ad cerebrum evectus animales spiritus, motum & sensum corporis partibus largituros in glandulosum

losum cerebri corticem, & illinc *Artic. 2.*  
in nerveos tubulos deponit. Ad  
lymphaticas glandulas appellens,  
limpidum, pellucidum, balsami-  
cum quendam & coagulari ap-  
tum liquorem exonerat, qui *lym-* *Secretio*  
*pha* dicitur, & in propriis *lym-* *Animalis.*  
*phæductibus* ad cor & sanguinem  
uti flumina in mare à quo sca-  
turiunt, revertitur. Per glandu-  
las lachrymales lymphaticum  
quoq; humorem in oculum, ut  
irrigatus facilius moveatur, ex-  
puit. Per glandulas *Membrana*  
*pituitaria* muco nasum oblini-  
t, ne à pertranseunte respirationis  
aere exiccatus areſcat. Copiosam  
salivam in buccas diluendis cibis  
& lubricandis faucibus dicatam  
mandat. Per glandulas Stoma-  
chi, intestinorum, & pancreatis  
lymphaticum quoque succum di-  
gerendis dapibus destinatum lar-  
gitur. Lachrymæ, humor na-  
rium, saliva, fermentum ventri-  
culi,

*Artic. 2.* culi, succus pancreaticus, fermentum intestinorum, imo humor pericardii, ejusdem omnino indolis sunt cum lympa, & non nisi nomine tantum tenus ab ipsa discrepant. Idem sanguis ad jecur properans succum biliosum per acinosas ejusdem glandulas ad duodenum intestinum sub *felis* nomine transmittit. In renibus copiosum à sanguine serum secernitur, ne cruoris principia à luxuriante phlegmate nimis diluantur, aut ne dissoluta nimis tumultuoso fermentationis conflictui inepta reddantur. In laxa & flaccescente lienis substantia motus sanguinis refrænatur, ne citatiori raptatus cursu citius quam par est circulum percurrat. In glandulis cutis milliariibus per totum corporis ambitum sitis, sudor & transpirationis materia ab affluente sanguine separatur. In testibus filtratur sperma-

spermaticus succus, quod semen *Artic. 2.*  
perperam (ut infra patebit) vo-  
citari solet, ut non tantum ho-  
minis species propagetur, sed e-  
tiam ut robur corpori accersatur,  
uti vox eunuchorum gracilis, &  
languidæ eorundem vires satis  
demonstrant. Sicque sanguine  
ad omnia corporis colatoria ju-  
xta circuitus leges jugiter appel-  
lente *Secretio animalis* peragitur.

Sanguis porro ad musculorum *Muscularis*  
fibras accedens, & eorundem tu- *motus.*  
bulos subiens, necnon cum oc-  
currentibus ibidem spiritibus ani-  
malibus per appensos nervos af-  
fluentibus præter modum rarefa-  
ctus, vel, ut aiunt, explosus, e-  
asdem fibras dilatat, & dilatan-  
do abbreviat; & hoc modo mo-  
tus producitur muscularis. Si  
musculi sic contracti musculos  
habeant antagonistas seu opposi-  
tos, motus erit voluntatis arbi-  
trio & nutui animæ subjectus; si



*Artic. 2.* vero muscoli nullis æquilibrentur antagonistis, uti cor, muscoli respirationis, & fibræ musculares œsophagi, ventriculi, & intestinorum, motu convellentur involuntario & perenni, qui ex arbitrio animæ neque accelerari, neque retardari, multo minus superprimi poterit.

Structura  
Corporis  
humani.

Tota igitur humani corporis machina ex plurimis organis, seu partibus integrantibus textura diversis compingitur. Quodlibet organum ex certo & determinato *fibrarum vascularium* numero constat. Quælibet fibra ex exilissimis, & visum fugientibus terreis, aqueis, salinis, & sulphureis diversæ figuræ particulis, tanquam ex totidem *elementis*, in miras formas, multiplices machinulas, & elateres abeuntibus constat. Omnes hæ partes solidæ perluente sanguine, aliisque fluidis irrigantur. Nativus itaque corporis

corporis humani status est, ut ex *Artic. 2.*  
solidis & fluidis partibus mutuo  
quodam & officioso ministerio si- *Quid sani-*  
bi invicem subservientibus, effor- *tas.*  
metur. Solidæ enim partes situ,  
textura, & usu discrepantes flui-  
das partes seu humores conti-  
nent, movent, depurant, dige-  
runt, exaltant, fæcibus expurgant,  
variisque usibus idoneos reddunt.  
Humores vicissim perenni cir-  
cuitu citati & effervescentia par-  
tes solidas alunt, alimento ipsi  
restaurantur; in diversis corpo-  
ris colis utiles & fæculentos fuc-  
cos deponunt, naturales cordis  
& respirationis motus vitam no-  
stram constituentes producant,  
& omnia reliqua partium solidi-  
orum munia suo appulsu & in-  
fluxu moliuntur, & peragunt.

Cæterum, corpus nostrum non *Diversi*  
tantum ex solidis & fluidis parti- *Corporis*  
bus constituitur, sed etiam ex *Humani*  
acceritis indies ab eduliis nova- *affectus.*  
rum

*Artic. 2.* rum particularum stratulis & ag-  
gerie, ad eximiam tandem, præ-  
fixam tamen, magnitudinem ex-  
tumesceat. Progressivis aliisque  
voluntariis motibus mentis im-  
perio subjectis libere movetur.  
Quinque sensuum beneficio ex-  
ternarum rerum imagines & af-  
fectus animo per nervos condu-  
cit. Internos quoque animi  
conceptus, linguæ vocem & lo-  
quelam modulantis ministerio,  
exprimit. Omnes suas à natura  
præscriptas partes ita sibi semper  
continuas habet, ut non tantum  
in unico semper reperiatur loco,  
sed etiam omnia alia corpora à  
loco in quo continetur removeat.  
Quoad ipsius genesim, maris &  
fœminæ conjugio generatur. Post  
ortum, animantium & plantarum  
substantia pastum ad præfixum  
roboris & molis fastigium paula-  
tim evehitur, donec post elapsos  
plurimos annorum orbes, si non  
morbis

morbis saltem sponte sua, laxa- *Artic. 2.*  
ta tandem & enervata partium  
textura, præ vappescente senectâ  
extinguitur. Sed de his omni-  
bus intra quosdam annos fusius  
agam in duobus Tractatibus quos  
publici juris facturum sum, unum  
*De Principiis Medicinæ & Fer-*  
*mentatione*, alterum *De OEcono-*  
*mia Animalî*, illum Chymicis,  
hunc Anatomicis experimentis  
illustratum.

---

ARTIC.



## ARTIC. III.

*De Statu Corporis Humani præter Naturam.*

*Artic. 3.* **U**T Corporis humani statum super naturam rite perpendamus, necesse est ut non tantum statum ipsius sanum, sed etiam morbosum obiter illustremus, ut ad miraculorum naturam, causas, & effectus tanquam ad instituti nostri scopum & metam præstrato quasi per diversos gradus itinere paulatim tandem accedamus. Corporis nostri status secundum naturam, uti jam innuimus, est debita illa partium solidiorum & fluidiorum dispositio, qua per mutuum eorundem influxum, & concursum omnia corporis & animi munia rite peraguntur. Corporis autem status præter

Quid sanitas.

Quid morbus.

præter naturam seu æger, est de- Artic. 3.

pravata aut perturbata earundem partium dispositio, qua omnia vel aliqua corporis seorsim, aut animi, vel utriusque simul munia læduntur, vel quædam abolentur. Alii enim morbi u-

sum tantum partium lædunt, uti ophthalmia, podagra: alii usum earum penitus diruunt, uti gutta

*serena, surditas, paralyfis.* Qui-

Sedes  
morbo-  
rum.

dam morbi totum corpus afficiunt, uti *febres, apoplexia, epilepsia, convulsio.* Quidam corporis

tantum partem lædunt, ut Asthma, colicus dolor, podagra, hydrops abdominis, gonorrhœa.

Quidam corpus tantum affligunt, uti paralyfis: alii animam turbant, uti delirium, melancholia, insomnia. Alii denique corpus

& animam cruciant, uti mania, phrenitis, soporosi & hysterici affectus, dolores omnes, & tormenta.

Pro-

*Artic. 3.* Prolixum nimis hic foret, & procul ab instituto remotum pleniorē morborum historiam tradere, quæ sola in ingenti volumine vix contineri posset. Ne tamen res penitus intacta prætermittatur, morborum omnium sedem & causas contrāctiori obiter penicillo delineare licebit.

Tres morborum Classes. Morbi omnes ad tres classes reduci possunt, morbos nempe partium *solidarum*, morbos *fluidarum*, & morbos *utrarumque partium*.

Morbi Chirurgici. Partes solidæ, ossa nempe & carnes, quinque tantum modis lædi possunt. Vel enim tumore præter modum turgent, vel vulnere inciduntur, vel ulcere aut carie corroduntur, vel a loco removentur, uti in herniis, prolapsu uteri, ani, & ossium dislocationibus; vel à contusione aut fractura dissolvuntur. Hujusmodi partium solidarum seu organorum morbi, etiamsi medicorum

dicorum digni sint consilio, Chi- *Artic. 3.*  
rurgorum ut plurimum curæ me-  
dendi relinquuntur.

Partium vero fluidarum mor-  
bi, qui perspicaci medicorum ju-  
dicio curari debent, alii in massa  
sanguinea siti sunt; alii in spiri-  
tibus animalibus hospitium te-  
nent. Hospites sanguinis affectus  
ad duas species reduci possunt: *Morbi san-*  
vel ad eos qui cruoris massam ni- *guinis.*  
mis inspissant, seu quod idem est,  
ad eos qui motum ipsius tum fer-  
mentationis, tum circuitus re-  
tardant; & ad eos qui eandem  
nimis attenuant & dissolvunt, ac  
utrumque hunc motum nimis ac-  
celerant. Longe plures sunt mor-  
bi in quibus sanguis crassitie qua-  
dam nimis lentescit, quam in  
quibus ad citatiorem quam par  
est motum stimulatur. Ad hanc e-  
nim ultimam classem solæ Febres  
aut febriles affectus reduci pos-  
sunt. Sub priori vero ordine re-  
liqui



*Artic. 3.* liqui fere omnes massæ sanguinæ affectus collocari possunt. In statu sanguinis spisso principia ejusdem *salina* & *sulphurea* fixa sunt & crassa; molecule ipsius grandiores sunt, multo *tartaro* & *sale acido* fixo aggravatæ; unde torpido quodam & quasi restudineo gressu circulatur: Et sic in angustis partium canaliculis, & præcipue in tortuosis glandularum anfractibus, præ lentore nonnunquam retinetur & sistit. Itaq; in cursu sic impeditus sanguis, obstructions, inflammationes, scirrhus, sarcomata, verrucas, pustulas, œdemata, impetigines, variosq; alios tumores, & infarctus tum in visceribus, tum in habitu corporis juxta partium debilitatem, & peculiarem ipsius intemperiem producet; Corporis atq; animæ munia torpore quodam illaqueata retardabit, & corpus ad exercitium minus agile red-

Sanguis  
spissus.

reddet. Hinc somnolenti, he- Artic. 3.  
betes, melancholici, hypocon-  
driaci.

Si sanguis hicce spissus sale aci- Sanguis  
salus.  
do luxuriante nimis it aliunde  
aculeatus, non tantum segniori  
circuitu agitabitur & intestino  
motu, sed etiam spiculis suis sa-  
linis hinc inde partium texturam  
dilaniabit, & in ulcus eliquabit,  
uti in *Phthisicis*, *Scrophulosis*, *Scor-  
buticis*, *Venereis affectibus*, in gan-  
grena, carie, carbone, cancro, a-  
liisque tumoribus erodentibus,  
juxta varios falsedinis & acrimo-  
niæ gradus videre est; in quibus  
sanguis salinis hujusmodi aculeis  
totus echinatus, non tantum mol-  
liorum carnum texturam strigi-  
lis instar paulatim dilacerat, sed  
etiam solidiorum ossium fibrosas  
laminas altius erodit. Salini ii- Dolores  
unde.  
dem cuspides nunc *cephalalgiam*,  
nunc *cardialgiam*, *colicum* nunc  
*dolorem*, nunc *nephriticum*, *arthri-  
ticum*,  
D

*Artic. 3. ticum, rheumaticum, nunc pleuriticum, variosque id genus atroces dolores & cruciatus acicularum instar stimulando excitant, corpusque nonnunquam, substantiam ipsius abradendo, furtim emaciant. Hujusmodi autem morbi in partibus simul fluidis & solidis hospitantur.*

Morbi  
spirituum.

Qui in spiritibus animalibus habitant morbi, alii pariter à suppresso aut retardato eorundem motu, vel à diminuta copia; alii à devio & effero eorum orgasmo proveniunt. Ad primam classem reducuntur *Catalepsis, Apoplexia, Coma somnolentum, Carus, Vaternus, Paralysis, Stupor, Tremor, Lassitudo, Debilitas, Timor*. Ad ultimum vero ordinem redeunt *Mania, Phrenitis, Delirium, Fatuitas, Melancholia, Vertigo, Convulsio, Motus Convulsivi, Epilepsia, Hysterici affectus, Horror, Rigor, Ira, Dolor*. Uti omnes

nes sanguinis morbi à causis exter- Artic. 3.  
nis, nempe vel à nimio cibo aut po-  
tu, vel à motu præpostero aut diutur-  
niori quiete, vel à somno aut vi-  
giliis immoderatis, vel ab aere  
insalubri, vel à retentione excre-  
mentorum, aut excretionem reti-  
nendorum, vel denique ab ani-  
mi pathematis proveniunt; sic  
quoque omnes fere spirituum  
affectus aut defectus, præter iram  
& timorem, à sanguinis intem-  
perie, tanquam à causa conti-  
nente, ut plurimum procedunt.  
His autem diutius immorari fo-  
rèt potius praxis medicæ funda-  
mentis explicandis insistere, quam  
propositi nostri scopum illu-  
strare. Quare relicta hac trita  
sanitatis & morborum indagine,  
per abruptam & insolitam viam  
ad statum Corporis Humani su-  
per naturam elati cursum diri-  
gamus.



## ARTIC. IV.

## De statu Corporis Humani super naturam.

Artic. 4.

Statu su-  
pernatu-  
ralis cor-  
poris.

**P**Ræmisso Corporis Humani sano & morbofo statu, nunc demum exploremus quot & quibus modis idem status super naturam elevatus esse supponitur. Nihil enim impedit quominus multa animo concipiamus, quæ sensibus percipi non possunt, quando ea quæ sensibus objiciuntur cum iis quæ sensuum aciem fugiunt æquo comparantur judicio. Quidni igitur perpendamus utrum *miracula* quæ circa corpus humanum nobis traduntur, cum corporis humani fabrica & cum ratione conciliari possent? Cum enim corpus humanum totum ex materie conflatum

tum sit, & cum tota hæc materia ex innumeris particulis à se vere divisis & diversa mole, situ, & figura donatis exurgat; status ipsius mutari non potest aut conservari super naturam, quin varietur, aut conservetur moles, situs, & figura particularum ejusdem. Mihi igitur hic statui juxta *Medicinæ fundamenta* indagare, utrum omnes *modi* quibus corporis humani status, seu partium & particularum ejusdem moles, situs, aut figura mutata esse super naturam, aut supra naturam conservata esse creduntur, ad *rationis normam* & ad quoddam veluti *Systema* redigi possent. Quare perpenſis primum *motus* natura & legibus, nec non triplici *motus suspensione*, sequentia, & plurima alia stupenda circa corpus humanum *phenomena*, quæ *miracula* quoque esse fatebor, explicare aggrediar.

D 3 Quo.

*Artic. 4.* Quomodo nempe concipi potest quod Corpus humanum ardente igne cinctum non comburatur? Quomodo per mare aut super undas ambulare poterit, nec immergatur? Quomodo sine alimentis diutissime, imo in perpetuum vivere potest? Quomodo generari potest ex foemina sine mare? Quomodo formari potest sine mare & foemina? Quomodo recens extinctum, imo & ante plura saecula in pulverem jamdudum reductum ad vitam revocari potest? Quot modis multiplicari non potest ipsius praesentia? Ut itaque haec omnia clarius elucescant, de singulis seorsim paulo fusius agendum est.

Advertere obiter liceat quod longe alia est corporis humani cum tota sua mole spectati natura, seu status, & alia atomorum exilium ex quibus tota ipsius moles coalescit. Natura enim corporis

poris humani est ut omnes ipsius partes & particulæ in debita serie, ordine, positura, & structura simul cohæreant. Natura vero particularum exiguarum non est ut ita in organicam texturam sint dispositæ, ad omnem enim fitum & texturam perinde se habent; sed ut extensa quadam mole, & figura donentur; quibus nullatenus spoliari possunt. Nulla enim materia, nisi forte posset in nihilum redigi, potest unquam esse sine aliqua figura & magnitudine. Quare minutissimorum elementorum natura everti nunquam potest; potest tamen dirui corporis humani status. Partes enim ipsius dissolvi possunt, dissolutæ possunt ulterius dividi, & comminui; possunt citatiori motu agitari, vel omni motu destitui; Particulæ ipsius proprias figuras exuere, & novas induere possunt. Brevi,

*Artic. 4.*  
Discrimen  
inter mix-  
tum &  
mixti par-  
ticulas.



*Artic. 4.* miris & variis modis mutari potest corporis humani œconomia ; genuinus vero particularum ipsius status mutari maxime, vel everti penitus nunquam potest.

Supremus Rerum Opifex, qui solus est unica & immediata effectuum omnium causa, etiamsi juxta *motus leges*, quas ipse sancivit, omnes *naturæ* effectus hætenus ut plurimum produxerit, poterit tamen pro arbitrio, vel easdem *leges* abolere penitus, vel suspendere aliquamdiu, prout ipsi libitum fuerit ; & suspensis hujusmodi *legibus*, eosdem effectus, vel novos creare poterit. Qui effectus sic creati, quoniam supra solitum *naturæ* cursum producuntur, *Miracula* rite dicuntur. Sed hæc *miracula* æque facile concipi poterunt mente, & explicari ratione, ac illi effectus qui juxta sancitas *naturæ* & *motus leges* produci passim solent ; quia

uterque

Effectus  
naturales  
vere super  
naturales  
sunt, & vi-  
ce versa.

uterque effectus, & ille qui legi *Artic. 4.*  
est conformis, & alter qui sus-  
pensa lege producitur, ab æqua-  
li ipsius voluntate, & æquali vo-  
luntatis efficacia unice & imme-  
diate dependet. Unde illi effe-  
ctus, qui vulgo *naturales* dicun-  
tur, æque vere *supernaturales*  
sunt, ac illi qui solent *miracula*  
vocitari; & vicissim *miracula* æ-  
que corporum, in quibus produ-  
cuntur, conditioni & naturæ con-  
veniunt, ac phænomena, quæ  
juxta *sancita naturæ decreta* in ip-  
sis producantur. Uti in decursu  
hujus operis fusiùs observabimus.  
Quoniam itaque omnes effectus  
vel à *vigente*; vel à *suspensa mo-  
tus lege* producuntur, de *motus*  
natura aliquid hic præmittere ne-  
cessum erit, ut effectuum super  
naturam modus & causa clarius  
innotescant.

## ARTIC. V.

*De vigentibus motus legibus.*

*Artic. 5.  
De Natura  
Motus.*

**O**Mnes naturæ effectus solius *motus* ministerio peraguntur. *Motus* quidem *leges* novimus; quidnam vero sit *motus*, aut quænam sit ipsius causa, haud ita perspicue concipimus. Scimus quod *omnis motus est localis*, seu quod idem est, videmus quod omne corpus motum transit ab immobili quodam mundi puncto, quod mente concipimus, ad aliud punctum immobile. Novimus pariter quod corpus motum non à seipso sed ab alio movetur. Observamus quoque quod corpus ita motum juxta diversos *motus* gradus, quibus citatur, alia obvia corpora, si molis non sint immensisioris à loco

loco removet, illisque, uti pyro- *Artic. 5.*  
bolus à tormento bellico in mu-  
rum projectus, motum commu-  
nicat; & quantum de suo motu  
communicat, tantundem de ip-  
so deperdit. Quid vero commu-  
nicat, aut deperdit, non patet.  
Patet tamen quod nihil sui trans-  
mittit, aut deponit. Nihil enim  
in pyrobolo aut in alio quovis  
corpore reperitur præter mate-  
riam, aut materiæ partes. Nullam  
autem suæ materiæ partem trans-  
fert: Ejusdem namq; ponderis  
est semper & molis. Imo etiamsi  
aliquas suæ materiæ partes trans-  
ferret, inquirendum ulterius fo-  
ret, quomodo translatae partes  
motum inderent; natura enim  
sua indere non possunt: Quia in  
se nihil intus habent, aut natura  
sua transmittere nihil valent præ-  
ter suas particulas. Particulæ  
autem non sunt *motus*, neq; na-  
tura sua motu donantur, quia  
ad



*Artic. 5.* ad motum & ad quietem perinde se habent.

Præterea, si unum corpus sponte sua, aut insita quadam virtute aliud corpus movere posset, seipsum dubio procul natura sua moveret. Consentiunt tamen omnes quod nihil potest à seipso in motum cieri; sed quod primus corporum motus fuerit à solo Deo inditus; ac proinde ab eodem unice à primordiis rerum hucusq; in pari quantitate conservatus. Conservare autem motum idem est ac eundem jugiter reproducere. Quid vero reproducitur adhuc anceps est & abditum: Certum tamen quod nihil revera novum creatur, nec aliquid vere distinctum à corpore moto, & à spacio in quo movetur. Si enim observemus æreum centum librarum globum ad unius miliaris distantiam à tonante tormento bellico in murum  
pari-

pariter aheneum impetu pernici- *Artic. 5.*

cissimo projectum; nihil clara  
mente concipiemus præter glo-  
bum, aerem in quo movetur, &  
murum in quem irruit. Verum  
quidem est quod comparamus  
seu colligimus mente punctum  
in quo corpus moveri incepit,  
punctum in quo moveri desiit,  
& omnia puncta, per quæ suc-  
cessive ad motus terminum tran-  
siit; ex qua comparatione ali-  
quem *motus* conceptum nobis for-  
mamus. Cum autem hicce de

motu conceptus penes mentem  
duntaxat resideat, in se motus  
nihil revera erit ante intellectus  
examen existens, sed erit tantum  
mentalis de moto corpore respec-  
tus. Unde etiamsi motus dici  
quodammodo posset, *transitus*  
*corporis a puncto quodam mundi*  
*immobili*, quod mente fingimus,  
*ad aliud punctum immobile*; hic-  
ce *transitus* nihil percipitur esse

Motus in  
se nihil  
est.

vete

*Artic. 5.* vere distinctum ab animo concipiente, seu corpus motum cum spatio & utroq; *motus* termino comparante. Motus igitur non est qualitas ulla, aut ut loquuntur, Entitas, ab uno corpore in aliud corpus transiens: Nihil enim præter materiam sola figura & magnitudine donatam ex ullo corpore in aliud vere transmigrare potest.

Ex his igitur inferre fas est, quod cum motus alicujus corporis in se nihil revera sit, non poterit esse vera, efficiens, aut naturalis causa cur aliud corpus moveatur, in quod motum corpus irruit; sed corpus motum seu appellens est tantum *occafio*, cur quietum corpus juxta statutas motus leges à supremo motus Authore moveatur. Quare etiam si vulgo existimemus quod corpora omnia à se invicem moventur, à Deo tamen solo vere, immediate & unice

unice moventur. Moventur ta-  
men juxta leges ab ipso stabili-  
tas. Nempe quod unum corpus  
non tantum ex occasione motus  
alterius corporis appellentis &  
irruentis moveatur, sed etiam  
juxta diversas utriusq; corporis  
conditiones, diversis motus spe-  
ciebus, nempe vel *fermentatio-  
nis*, vel *fluidi*, vel *translationis*,  
vel *circulationis*, vel aliis id ge-  
nus motibus citetur. Medicorum  
igitur est *Chymia* & *Anatomia*  
ope diversas corporum conditio-  
nes, partium nempe figuram,  
molem, situm, & texturam in-  
vestigare, ut diversas motu-  
um occasiones & species, nec  
non effectuum differentias expli-  
cent; etiamsi motus ipsius natu-  
ram, divinam nempe volunta-  
tem, explicare non valeant. In-  
numeris enim jam compertum  
est experimentis, quod unum  
corpus, etiamsi eodem mo-  
tus

Artic. 5.

Motus di-  
versi à di-  
versis cor-  
porum  
motorum  
conditio-  
nibus.



*Artic. 5.* tus gradu raptetur ac aliud, juxta diversam tamen molem & texturam, longe diversum ab alio corpore effectum producet. Imo etiamsi similis foret textura, par motus gradus, & æqualis utriusq; corporis magnitudo, si tamen figura discrepent, diversos quoq; effectus elicient & operabuntur. Uti in mixtorum corporum Elementis, *Terra, Aqua, Sale, & Sulphure*, videre est. Particula enim *Aqua*, quæ ovalis supponi potest, longe aliam sensationem in nerveis linguæ papillis excitat, ac particula salis, quæ spiculis, & quasi prominentibus acutis monticulis hispida est. Obtusa quippe Aquæ corpuscula nullam vim exerunt, nullo sapore sunt sensilia. Asperæ autem salis particulæ quodam acrimoniæ sensu nerveas linguæ lanugines non tanum leniter titillant, sed etiam acriter vi nonnunquam

nunquam caustica mordent. Plicatiles pariter & teretes sulphuris villi longe aliam à scabris, porosiss & insulsis terræ particulis saporem inducunt. Facilius longe est corpus nostrum acuto gladii mucrone quam obtuso ferri extremo perfodere. Non satis itaq; est dixisse, quod omnes corporum effectus à motu eorundem peraguntur, sed sagaciori ulterius indagine corporum figuram & molem perspicaces debent medici investigare, ut *modus*, quo effectus eorundem producuntur, altius pelluceat.

Cum igitur *motus* sit effectuum omnium causa unica, & motus unice & immediate à solo Deo procedat, *Deus* erit unica & immediata effectuum omnium causa. Ac proinde materia, materiæ figura, & moles, quæ vulgo *naturales*, seu *secundæ causæ* vocantur, veræ causæ non sunt;

Nullæ sunt  
veræ cau-  
sæ natura-  
les.

E . . . . . sed

Artic. 5. sed tantum *passiva quadam*, apta tamen *instrumenta & occasiones*, quæ summum Opificem ad producendos, quibus destinata sunt, effectus determinant. Ut lutum, cæcis oculis applicatum, non est causa, sed tantum occasio, cur *cacitatis* causa à supremo luminis Authore tolleratur.

Hactenus itaq; observavimus, quod etiam si Deus, non tantum primus sit, sed & unicus corporum *motor*, & quamvis naturales omnes corporum effectus solus operetur, mutuo tamen corporum concursu & conflictu utitur, ut hosce effectus juxta *motus leges* æterno liberæ voluntatis decreto sancitas producat. Nunc autem solerti disquiramus scrutinio, utrum eadem *immensa Potestas* varios in corporibus effectus sine ullo corporum ipsorum concursu, sine ulla

*de suspensis Natura Legibus.*

51

ulla motus lege, & sine ullo *Artic. 5.*  
prorsus naturæ auxilio, miro  
quodam & stupendo modo pro-  
ducere valeat.

---

E 2    A R T I C

---



## ARTIC. VI.

## De suspensis motus Legibus.

*Artic. 6.* ETiam si ostenderim quod,  
 juxta stabilitas jam *motus*  
*leges*, Deus ex occasione motus  
 unius corporis, aliud corpus con-  
 stanter ipse moveat; videamus  
 tamen, utrum semper unum cor-  
 pus ex occasione motus alterius  
 corporis irruentis movere teneat-  
 ur; vel, utrum unum corpus si-  
 ne occasione motus alterius in  
 motum ciere valeat. Durum fo-  
 re videtur, quod supremus Le-  
 gislator suis legibus quas ex im-  
 menso liberæ voluntatis arbitrio  
 ante primordia rerum condidit,  
 ita obstringatur, ut nihil præsta-  
 re posset, nisi juxta regulas quas  
 ipse rebus præscripsit; cum pe-  
 nes omnes hominum, nullius im-  
 perio

Leges na-  
 turæ su-  
 spendi  
 possunt.

perio subditorum, societates, li- *Artic. 6.*  
bera relicta sit potestas, ut, pro  
secura personarum & rerum tu-  
tela, leges solemni decreto non  
tantum sanciant, sed etiam, ut  
sancitas, prout necessitas postu-  
laret, pleno senatu abolere vale-  
ant penitus, vel suspendere ali-  
quandiu. Nemo itaque aude-  
bit asserere, quod minor erit  
summi Numinis quam hominum  
tum in condendis tum in suspen-  
dendis legibus potestas & præro-  
gativa. Quare dubitare nulla-  
tenus licet, quin leges *motus*,  
quas libere sancivit, pro arbitrio  
suspendere poterit. Statuta au-  
tem semel legum *motus* suppres-  
sione, æque clare concipi pote-  
runt, & explicari *miracula*, ac  
communes naturæ effectus, &  
*apparentiæ*, quæ vigentibus *mo-*  
*tus* legibus per totam nunc mun-  
di machinam passim producun-  
tur.

Artic. 6.

Duo motus.

Motus solidi.

Motus fluidi.

Observare itaque prius opus est, quod, uti duæ sunt corporum species, solida nempe & fluida; sic duplex erit eorundem motus; motus nempe totius corporis, & motus insensibilium particularum ipsius. Corpora solida partes habent arcto sibi vinculo ita cohærentes, ut moveri non possint nisi motu totius, uti lapis vel lignum. Fluidi vero corporis partes ita disjunctæ sunt, ut non tantum communi totius mixti motu moveantur, sed etiam singulæ minutissimæ particulæ motu proprio & intestino circa axem à permeante rapidissimo *æthere* turbinatim rotentur: quæ rotatio fluiditatem conservat, uti in aere, fluminibus, mari, & in omnibus liquoribus videre est. Si autem hæc rotatio sensibus non percipiatur, uti in aqua in quiescente cyatho contenta, *fluidi motus* proprie vocatur; si ve-

ro sensilis sit, & cum spumoso quodam æstu, aut effervescentia sine igne aut aliqua alia causa manifesta turgescat, fermentatio rite nuncupatur. Uti in *aqua forti* cum argento, aut cum oleo seu sale *tartari* eliquato, rarefcente & fermentescente cernimus.

*Artic. 6.*

Quid fermentatio.

His ita præmissis, nunc de-  
mum sedulo exploremus, utrum  
humana mente concipi potest  
*modus quo miracula* produci pos-  
sunt. Creditur vulgo, quod quo-  
niam *miracula* sunt effectus qui  
*naturæ leges* excedunt, ingenii  
quoque captum superant: unde  
miraculorum interpretes ad su-  
premam numinis potestatem cœ-  
ca mente recurrere solent. Di-  
cunt enim, & merito quidem,  
quod Deus omnia præstare po-  
test, quæ sibi aut rationi repug-  
nare non videntur: *Miracula* i-  
gitur, inquiunt, etiamsi ratio-  
nis

Modus  
miraculo-  
rum in-  
quiren-  
dus.



Artic. 6. nis indaginem fugiant, rationi tamen non contradicunt, ac proinde Deus eadem, quoties ipsi lubebit, operari poterit. Verum hoc animum veritatis avidum non satiabit. Nemo enim non videt, quod supremum & absolutum est summi numinis imperium in omnia corpora, & in reliquas, quas ipse creavit, substantias; ipsius nutui subijciuntur, à sola ipsius voluntate dependent, & conservantur; & in omnem statum elevari, aut mutari possunt, qui ipsorum naturæ non refragatur. Scimus quoque, & probavimus supra, quod non tantum *miracula* omnia, sed etiam solita, & communia naturæ phænomena, à Deo unice & immediate producuntur. Non satis igitur est dixisse, Deum esse unicum rerum omnium, & effectuum, tum naturalium, tum supernaturalium, autho-

authorem & causam, sed ulterius *Artic. 6.*  
inquirendum, *quomodo* immensa  
ipfius potentia corporibus aut re-  
bus in quibus hujusmodi effectus  
producit, vere applicatur. Jam  
posuimus quod omnes naturæ ef-  
fectus juxta flatutas *motus* leges  
peraguntur ; & Philosophi hu-  
jusmodi *motus leges* ad certas clas-  
ses, & ad quoddam veluti Syste-  
ma reducerunt, ut naturæ phæ-  
nomena clare & perspicue expli-  
cent. Præcipuæ autem *motus le-*  
*ges* hæ vulgo recensentur.

1. *Corpus quod movetur ab alio* Tres mo-  
*corpore movetur.* tus leges.

2. *Corpus in motu positum mo-*  
*tum abviis corporibus, si molis non*  
*sint ingentis, communicat.*

3. *Corpus in motu positum, in*  
*motu semper persistit, donec motum*  
*alteri corpori communicat.*

Ex

## Artic. 6.

Ex tribus hisce *motus legibus*,  
 variæ aliæ *leges* deduci solent, ut  
 naturales Corporum effectus cla-  
 rius illustrentur. *Communia* igitur  
*naturæ phænomena sunt effectus*  
*vigente motus lege producti.* Ego  
 autem Corporis Humani *Status*  
*super naturam* hic explicaturus,  
 ad aliam longe causam recurram,  
 quàm ad sanctitas naturæ leges,  
 necesse est. Miracula enim nul-  
 lo naturæ ministerio, nulla mo-  
 tus lege producuntur. Ut autem  
 miraculosi effectus clarius eluce-  
 scant, sagaciori trutina perpen-  
 dendum est, quænam verè sit  
*miraculi natura.*

Quid mi-  
 raculum.

Quidam dicunt quod *miraculum*  
*est stupendus effectus qui sensus per-*  
*cellit & ingenii captum excedit.* Ve-  
 rum quam multi sunt naturæ effe-  
 ctus qui sensuum aciem & ratio-  
 nis indaginem superant? Quid  
 stupendius ortu & occasu astro-  
 ut

rum, vel, ut malunt, Telluris? Quid *Artic. 6.*  
 æstu maris? Quid vegetantium  
 germine? Animantium genesi?  
 Motu muscolari? Aquarum stygi-  
 arum effervescencia? Quid mira  
 & constanti temporum vicissitu-  
 dine? Quid materno Brutorum  
 in pascenda prole amore & indu-  
 stria? Quid sæviente morborum  
 cohorte? Quid innumeris aliis  
 abditis naturæ arcanis admiratio-  
 ne dignius? Nihil enim verius  
 unquam dici potuerit, quam quod

Ἐν πάντι τοῖς φυσικοῖς ἐστὶ τὸ θαυμάσιον.

Si itaque allata hæc *miraculi* de-  
 scriptio vera esset, omnes natu-  
 ræ effectus continua forent mira-  
 culorum series & catena. Quare  
 non sat est dixisse miraculum es-  
 se stupendum effectum, sed ulte-  
 rius natura ipsius indaganda est,  
 & ratio, cur tanto stupore homi-  
 num census percellat, plurimi e-  
 nim sunt *stupendi effectus* qui sacro  
*miraculi* nomine insigniri non me-  
 rentur.

Affir.



Artic. 6.

Vulgaris  
miraculi  
definitio.

Affirmant alii quod *miraculum* est *supernaturalis effectus ex peculiari Dei mandato productus*. Verum hæc quoq; definitio omnibus naturæ effectibus competit. Adverti enim hic superius quod omnia phænomena seu communes corporum effectus supernaturales vere sunt, seu à Dei influxu unice & immediate dependentes. Omnes enim naturæ effectus solo motus ministerio perficiuntur: Motus autem non à rebus ipsis motis, sed à suprema numinis voluntate vere & unice procedit; ac proinde motus huiusce effectus cum non à corporum motorum natura, sed à suprema potestate producantur, *supernaturales* dici rite merentur; quoniam naturæ vires æque vere excedunt, ac illi effectus qui vera miracula vulgo vocitari solent. Unde hæc pariter *miraculi* notitia naturam illius nondum clare demonstrat. Ut

Ut igitur genuinam *Miraculi* Artic. 6.

indolem quanta possum perspicuitate detegam, observare opus est, quod etiamsi vera *Miracula* & communia naturæ *phænomena* in hoc conveniant, quod utraq; supernaturalia dici quodammodo possent, seu à supremi Numinis nutu & imperio unice & æquali modo dependentia; illud tamen interest discrimen, quod solita naturæ *phænomena* juxta corporum conditiones & statutas *Motus leges* producantur; *Miracula* vero à nulla corporum conditione, naturæ auxilio, aut *Motus lege* dependent; sed per diversas longe, imo planè oppositas *Natura legibus* vias peraguntur. Unde quicquid de *Natura Effectibus* dici solet, contrarium de *Miraculis* dicendum est; ac proinde quoniam diximus quod *phænomenon* naturale vigente *Motus lege* producitur; sic *Miraculum*

Artic. 6.  
Vera mi-  
raculi na-  
tura.

*raculum* feriente eadem lege producendum est. Miraculum igitur recte definiri potest *effectus suspensa Natura*, seu motus *lege productus*. Suspendi autem non possunt leges nisi ab eodem qui *Leges* condidit. Cum igitur *Motus Leges* à solo Deo sancitæ sint, non nisi à solo Deo suspendi aut aboleri possunt; ac proinde <sup>a</sup> Deus solus poterit Miracula operari, aut saltem <sup>b</sup> aliis operandi potestatem solus concedere potis erit. Concedere autem potestatem aliis, est iisdem suæ voluntatis ministris vim infundere, cujus solius ope destinatos huiusmodi effectus in peculiarem quendam finem producant. Hæce autem *virtus infusa* nihil vere concipitur esse, nisi *divina voluntas* personis, quæ *Miracula* operari creduntur, & corporibus, in quibus *Miracula* producantur, efficacius applicata; quæ huiusmodi

modi personis utitur tanquam *Artic. 6.*  
totidem instrumentis, ut de  
creta sua patefaciat. Unde quo-  
niam hæc instrumenta, uti ma-  
nus calamus movet, vel pes li-  
gonem adigit, Deus applicat, ip-  
se solus vere *Miracula* operatur;  
quia sola ipsius potentia per ap-  
plicata huiusmodi instrumenta in  
corpora, in quibus miracula pro-  
ducuntur, transmittitur.

Non satis autem est asseruisse  
quod miracula omnia post su-  
spensas *Motus Leges* producun-  
tur, sed inquirendum ulterius  
quot modis eadem leges suspen-  
di possunt; & quomodo iisdem  
suspensis stupendi huiusmodi &  
miri effectus sequuntur. Uti e-  
nim ad varias *legum Motus* clas-  
ses omnia naturæ phænomena  
reducuntur, ita sub certis su-  
spensarum *Motus legum* capiti-  
bus miracula omnia non tantum  
locari, sed etiam clara mente  
con-



*Artic. 6. concipi, & explicari possunt.*

Atq; ita, uti tres jam statuimus  
præcipuas motus leges, sic tribus  
modis eadem leges suspendi pos-  
sunt.

Vel enim,

Tres mo-  
tus legum  
suspensio-  
nes.

1. *Corpus moveri poterit sine  
occasione motus alterius corporis ir-  
ruentis.*

Vel,

2. *Data Corporis irruentis oc-  
casione Corpus poterit non moveri.*

Vel,

3. *Corpus in motu positum, mo-  
tum subito deperdere poterit, non  
communicato eodem alteri corpori  
ambienti.*

Hisce tribus legum motus  
suspensionibus omnes corporum  
*status*

*status super naturam* explicari facile possunt. Non dico tamen quod hac legum æternarum dispensatione ita clare & perspicue *miraculorum* natura innotescat, & stabiliatur, ut alius forsan ab acutioris ingenii viris excogitari non posset eorundem producendorum *modus*. Sed affirmo tantum, quod *miracula* per *suspensas* has *Motus leges* æque perspicue solvi possunt, ac communia naturæ phenomena per sancitas *Motus leges*, in vigore persistentes, vulgo explicari solent. Uti enim unum naturæ *phenomenon* in se magis difficile non est quam aliud, ita unum quoque *Miraculum* non est magis stupendum, nec in se vere magis difficile, quam aliud; quia æque facile potest suspendi una lex motus ac alia; & *Miraculum* non nisi suppressa una vel altera motus lege unquam produci potest.

F

Meum

Artic. 6.  
Animad-  
versio.

Meum autem non est hic probare, quod unquam fuerint *Miracula* à Deo producta. Sed ego tantum *Miracula* quæ ex longa argumentorum serie, & fido Scriptorum testimonio à mysticarum rerum interpretibus vera esse supponuntur, juxta suspensas *Motus leges* illustrare conabor. Non dico tamen quod *legis Motus* suspensio natura sua *miraculum* operetur, sed dico tantum quod posita semel *legis Motus suppressione* miraculum sponte sua sequitur. Advertendum autem quod aliud longe est *Motum* ipsum, & aliud *Motus Legem* suspendere. Lex enim *Motus* suspendi potest, etiam si *Motus* ipse in vigore persistat, uti contingeret, si forte corpus humanum a in ardente igne positum non comburatur: & vicissim *Lex Motus* suspendi potest in corporibus, in quibus nul-  
lus

lus adhuc productus est Motus, *Artic. 6.*  
uti <sup>e</sup> in primo corporum Motu à  
*supremo Motore* sine occasione  
Motus aliorum corporum pro-  
ducto videre est. Ut autem hæc  
omnia clarius elucescant de *tri-  
plici Motus legum suspensione* si-  
gillatim & paulo altius agendum  
est.

---

F 2 ARTIC.

---



## ARTIC. VII.

*De Prima Motus lege suspensa.*

*Ubi ostenditur quod Corpus moveri poterit sine occasione motus alterius corporis irruentis.*

*Artic. 7.*

**T**otus hujus operis cardo circa hanc unam volvitur hypothesim, nempe quod *Leges motus a summo Legislatore conditæ ab eodem suspendi possunt.* Quare plane sequitur quod etiam si corpora ex occasione motus aliorum corporum impellentium moveri soleant, sine ullo tamen hujusmodi impulsu aut conflictu moveri poterunt. Tribus autem modis corpus hoc modo in motum cieri poterit: Vel enim corpus motu sui totius uniformi & cum tota sua mole movetur;

vel

Tres modi primæ suspensionis.

vel singulæ minutissimæ ejusdem *Artic. 7.*  
particulæ non tantum communi  
totius, sed etiam proprio motu a-  
gitantur; vel singulæ exilissimæ  
particulæ non tantum moventur,  
sed etiam figuras deponunt, &  
novæ figuræ illis insculpuntur.

Juxta *primum movendi mo-*  
*dum* plane concipi potest quo- Primus  
movendi  
modus.  
modo aspectabilis hæcce myn-  
di *Materia* in tam diversas par-  
tes, in tam miras formas, in tam  
diffitos <sup>a</sup> orbes, & <sup>b</sup> vortices pri-  
mitus disposita est & coagmen-  
tata. Hoc pariter modo omnes  
mundi partes denuo dissolvi, fi-  
tum mutare, invicem confundi,  
& in pristinum *Chaos* reduci,  
urbes condi, conditæ everti,  
montes transferri, poterunt. Cor-  
pus quodvis per aerem ad Ame-  
ricam ferri, ad <sup>c</sup> cœlum elevari,  
aut ad alia quævis remotissima  
loca sine ullo alio impellente cor-  
pore transportari poterit. Tota

*Artic. 7.* terrei vorticis <sup>d</sup> compages intestinis motibus convelli & succuti poterit. Possunt <sup>e</sup> maria removeri, ita ut pedestri exercitui ab Anglia in Galliam per medium Oceanum pateat semita. Aqua <sup>f</sup> *abyssi* intra nuclei terrei repagula inclusæ laxatis hinc inde claustris in altum ad Terræ marginem evehi, & Terræ superficiem si non fortasse totam simul, saltem successive, *diluvio* quodam inundare potest. Eadem <sup>g</sup> aqua sub vaporum forma expansa, in tanta copia incumbenti aëri immisceri potest, ut densa caligine noctis tenebras imitante solis radios transmittere non valeat.

Secundus  
movendi  
modus.

Juxta *secundum movendi modum* exigua omnium corporum elementa dissolvi possunt, dissoluta dividi ulterius, divisa per totum mundum dissipari, & dissipata demum in unum <sup>h</sup> cumulum

lum iterum coacervari, per exi- *Artic. 7.*

lissimos omnium corporum poros<sup>i</sup> transmitti; brevi, omnium corporum partes, & particulæ, situm & texturam mutare possunt. Hinc patet quod homo quivis, qui<sup>k</sup> ante biduum vel triduum ex motus intestini in fluidis corporis defectu mortuus est, restaurato principiorum sanguinis motu ad vitam revocari poterit. Hoc etiam modo<sup>l</sup> morbi subito curari, vel subito infestare poterunt. Materia enim morbida in toto sanguine vel in aliqua corporis parte latitans subito auferri potest, vel intus corrigi. Atque ita materia quævis, corneam, nervos opticos, auditorios, linguales, cutaneos, vel alios corporis nervos infarciens, & paralyfim<sup>m</sup> producens subito abripi potest. Sicque<sup>n</sup> cæci videre, <sup>n</sup> surdi audire, <sup>o</sup> muti loqui, <sup>p</sup> paralytici sentire, & <sup>q</sup> clau-



*Artic.* 7. di ambulare poterunt. Vel huiusmodi nervorum canaliculi aliena materia infarciri & obturari possunt, unde homines surdi, muti, cœci, paralytici evadere, & usu membrorum privari possunt.

Nec tantum peculiare corporis partes morbis curari & iisdem subito affici & cruciari poterunt, sed etiam totum corpus, & tota sanguinis massa subito corrumpi, & inquinari poterit. Non opus autem est novam ullam aut heterogeneam materiam sanguini addere, ut morbi in eodem producantur; sed sufficit latentes morborum fomites, salina nempe ipsius principia suscitare, & in novas figuras eadem formare, ut *pestes*, febres, *lepra*, scabies, & varii istiusmodi affectus sequantur. Possunt enim salia acris intra purpurei laticis compagem, & intra sulphurea ejusdem involu-

lucra

lucra irretita exaltari & iisdem totus sanguis aculeari: unde sanguis austerus vel acris evadet. Eadem pariter salina principia acuta spicula possunt & acrimoniam deponere, vel intra texturam sanguinis abscondi & involvi, ut sanguinem falso suo acore non inficiant. Unde memoratis jam morbis & symptomatis homo potest *ex eadem lege* curari. Potest quoque sanguis ab atroci dolore agitari maxime, atque rarefieri, & ita demum attenuari, ut per totum corporis habitum, & per hiantes cutis porulos sub *cruenti* <sup>u</sup> *sudoris* forma Sudor sanguineus. transudare valeat. Nec hoc ita mirum videbitur, cum in *Praxi medica* frequenter observemus, quod urina per stomachum in *obstructionibus renum* viam sibi pandat, quod sanguis per glandulas intestinales in *fluxu hepatico* & in *dysenteria*, per glandulas renum

in

*Artic. 7.* in mictu sanguineo, per membranam pituitariam in *hemorrhagiaris*, per podicem in *hemorrhoidibus*, per pulmones in *sputo & tussi* cruentis, per uteri tunicas in *fluxu menſtruorum*, per veretrum in *æſtuoſa & præſervida tentione*, per ventriculi membranas in *vomitu ſanguinis*, ab apertis vaſculorum ſanguiferorum oſculis eructetur. Quidni igitur ſanguis rarefactus maxime per miliares cutis glandulas, & bibulos ejuſdem porulos, ſine ullo proſuſu *miraculo* tranſire valeat. Innumeri enim piloſarum arterioſarum furculi ad ſummam cutem propagati ſunt; unde ſanguis ab extremis horum vaſculorum oſtiolis ibidem exputus, ſi aliunde ſubtilior factus maxime ſit, per apertos *epidermatis* porulos foras fluitabit.

Tertius  
movendi  
modus.

Juxta *tertium* denique *movendi modum*, omnia cujuſcunque naturæ

turæ corpora in alia quævis corpora transformari possunt. Quod ut rite percipiamus, observare opus est, quod *particulæ unius corporis non discrepant ullatenus a particulis alterius cujuscvis, nisi quoad molem, texturam, figuram & proportionem*; ita ut si elementares partes ex quibus lignum constat induerent figuras particularum aquæ figuris similes, servata pari proportionem, lignum statim in aquam converteretur. Dubitandum autem non est quin tanta sit supremi Numinis potestas ut cuilibet vel minimæ materiæ particulæ omnes figurarum species vel excavando insculperet, vel incutendo imprimeret. Unde triangulus in cubum, cubus in conum formari, conus in rhomboeidem figuram, Rhomboeides in trapeziam, sphæricam, cylindricam, pyramidalem, stelliformem, fusiformem, ovalem, anguillarem,

Quælibet materiæ figura in omnes alias figuras mutari potest.

&



*Artic. 7.* & reliquas id genus figuras transmutari possunt. Nec tantum innumeras figuras assumere possunt corporis alicujus particulæ, sed etiam innumeris modis sibi apponi & applicari possunt; quæ diversa particularum applicatio diversas texturas efformare apta est, & corpora diversæ naturæ & effectus constituere. Uti videmus quod aqua ex eodem fonte exhausta, & per hortum pro irrigandis plantarum radicibus aspersa, in mille diversæ indolis fructus abit. Quidam enim fructus sapore acerbo, quidam dulci, alii austero, amaro alii, hi acido, illi mordaci, juxta diversam pororum fruticis texturam, linguæ papillas titillant, vel pungunt; etiam si omnes ex uno eodemque latice fuerint saturati. Cum igitur juxta *statutas motus leges*, aqua sponte sua in varias formas convertatur, haud erit  
con-

conceptu difficile, quomodo su- Artic. 7.  
premus motor, sine ulla motus  
lege, aut corporum ipsorum au-  
xilio, corpora omnia in omnes,  
in quas ipsi lubet figuras & tex-  
turas transmutare valeat.

Ex his igitur inferre datur  
quod quævis portio, imo parti-  
cula Aeris, Aquæ, Terræ, vel al-  
terius *simplicis*, aut *mixti corpo-  
ris*, multas & dissimiles figuras  
assumere potest; aliæ enim parti-  
culæ salinis cuspidibus acumi-  
nari, aliæ in sulphureos & lubri-  
cos villos excudi, aliæ in scabras  
& porosas terræ figuras exca-  
vari, aliæ in læves & ovales a-  
quæ formas tornari possunt, &  
juxta diversam eorundem pro-  
portionem & contextum in *x* vi-  
num, in *y* sanguinem, in *z* panem,  
in *1* oleum, in *2* serpentem, in *3* pe-  
diculos, in *4* humanum corpus, cor-  
pus humanum in *5* Jalem, & in in-  
numeras alias formas, eversa fi-  
gura,

*Artic. 7.* gura, & mole, sine fine transmutari poterunt. Nec hoc ita stupendum cuiquam videbitur, qui advertet quod caro, panis, fructus, radices, & alia edulia solidiora in ventriculum ingesta, trium horarum spacio in fluxile quoddam, & albicans liquamen, quod *chylus* nuncupatur, resolvuntur; chylus in sanguinem, sanguis in carnem, ossa, reliquamq; corporis nostri substantiam quotidie convertuntur. Nec tantum tota alimentorum massa, sed etiam minutissima eorundem elementa figuras deponunt. Vinum enim, cerevisia, hydromel, & reliqua potulenta, panis, herbæ, fructus omnes, saccharum, sal, acetum, aromata, & reliqua fere quæ deglutimus pabula, præter animalium carnes, copioso sale acido luxuriant. Hic autem sal *Acidus* ita distringitur, & ita mutatur ipsius figura,

Conversio  
unius sub-  
stantiæ in  
aliam se-  
cundum  
naturam.

Alimenta  
acido re-  
dundant.

ra, ut totus fere in sal *Alkali Artic. 7.*

convertatur in stomacho & in sanguine; ita ut si centies laudabilis sani hominis sanguis destilletur, ne guttulam quidem salis *acidi*, copiosum tamen salem *alkalinum* largietur; etiam si ex omnibus alimentis solæ fere carnes, sale *alkalino* fuerint impregnatae, & in reliquis cibis sal *acidus* prædominium exercent.

Præterea *Spiritus Vini*, *Cornu Cervi*, *Salis Armoniaci*, *Aqua Fortis*, *Spiritus Vitrioli*, *Sulphuris*, *Salis*, *Aluminis*, & reliqui omnes *Liquores Salini*, & *Sulphurei*, repetitis sæpius destillationibus acrimoniam exuunt, & in aquam insulsam convertuntur.

Aqua ipsa, uti mihi hic *Londini* bona fide asseruit, & ipse primus expertus est, vir egregius amicus meus *Edmundus Dickenson*, M. D. (& uti post illum denotat *Cl. Robertus Boyle*,)

lenis-

Aqua in  
terram  
conversa.



*Artic. 7.* lenissima per triennium super ignem in vasis vitreis strictissime occlusis destillatione, in *Terram elementarem* servato fere eodem pondere transmutatur. Cum itaq; tot tantaq; corporum, & particularum mutationes juxta statutam motus legem præ oculis quotidie peragantur, non mirum erit quod suspensa hac lege, & agente suprema *Numinis* potestate, nativus corporum status mille modis variari potest.

ARTIC. VIII.

*De secunda Motûs Lege suspensa,  
ubi probatur quòd data Corpo-  
ris irruentis Occasione Corpus  
poterit non moveri.*

**U**Ti jam supposuimus, quòd *Artic. 8.*  
*Corpus poterit moveri si-*  
ne occasione motûs alterius Cor-  
poris impellentis, sic quoque pari  
ratione supponere licet, Quòd  
*Corpus poterit non moveri etiamsi*  
*perniciissimo Corporis irruentis im-*  
*petu impellatur*; unde planè se-  
quitur, quod etiamsi centum li-  
brarum *pyrobolus* ex tormento  
bellico impetu rapidissimo explo-  
sus projiciatur in meum vel aliud  
quodvis Corpus, ipsum nullate-  
nus movebit, sed ab ipso tanquam  
ab immoto muro resiliet. *Quomodo*  
*homo po-*  
*test fieri*  
*invulnera-*  
*bilis.* Et-  
iamsi ferocientes mille armati in  
ipsum sclopëtis vel sagittis colli-  
ment,

*Artic. 8.* ment, etiamsi gladiis, securibus, fustibus ipsum impetant, & mille modis cruciari conentur, nullo tamen contundetur, aut perfor- dietur vulnere. Etiamsi mille equis omnes ipsius artus in di- versas partes simul divellantur, non dilacerabitur. Etiamsi *Harpyarum*, vulturum, aut rapacium id genus volucrum unguibus & rostris dilaniandum relinquatur, integrum permanebit. Etiamsi famelicis sævientium<sup>a</sup> belluarum rictibus, & balænarum faucibus devorandum exponatur, illæsum persistet. Etiamsi totum simul deglutiatur, & in<sup>b</sup> Cœtorum ven- triculo sine ullo externi Aëris commercio contineatur, vita ta- men fruetur. Vel enim contento in capaci balenæ stomacho aëre, etsi exiguo, cum mediocri & in- sensibili respiratione pascetur, uti fœminæ in *hystericis affectibus* si- ne ulla prorsus sensibili respiratio- ne vivunt, & pro mortuis non-  
nun-

FeritasBel-  
luarum re-  
frænata.

nunquam sepeliuntur ; vel sine *Artic. 8.*  
ullo prorsus aëre ambiente, sed  
ex retento inspirato prius aëre  
juxta secundam legis motus suspen-  
sionem, vivit ; evolaturus enim  
per habitum devorati Corporis  
aer in cursu impediri, ab ambitu  
Corporis ad internos ejusdem re-  
cessus repelli, & sanguinem de-  
bita sui quantitate intus fovere  
potest.

Ex hujus quoque Legis suspen-  
sione <sup>c</sup> *Corpus humanum*, <sup>a</sup> *Rubus*,  
vel aliud quodvis inflammabile  
Corpus, etiamsi ardentissimo ig-  
ne undique cingatur, poterunt  
tamen non comburi, aut in ci-  
neres reduci. Aut si forte flam-  
mas, uti *Rubus*, capiant ; coacer-  
vatis in vorticem flammis pote-  
runt non consumi. <sup>Potest  
flamma  
non com-  
buere.</sup> Igneæ enim  
particulæ, non comburunt ex  
innata ulla virtute, aut insito im-  
petu ut supra vidimus, sed quia  
supremus motus Author voluit,  
ut, *ex occasione hujus impetû,*  
G 2 ipse



*Artic. 8.* ipse dissolvat seu comburat projecta in ignem Corpora; velle quoque poterit ut eadem non dissolvantur, etiamsi rapidissimis ignearum scintillarum cohortibus vorticoso impetu irruentibus impetantur. Velle pariter poterit ut à nullo alio Corpore impellente meum vel aliud quodvis Corpus diruatur, imo ne quidem à loco dimoveatur. In hoc autem casu motus ipse non supprimitur etsi motûs *Lex* suspendatur. *Lex* enim motûs in flagrante igne est, ut quodvis projectum Corpus accendat, aut dissolvat, seu partibus illius dissociatis motum communicet, poterit tamen flamma motum non communicare projecto Corpore, etiamsi motus ipsius proprius semper in vigore persistat.

Quomodo  
quis potest  
vivere in  
æternum.

Cæterum, ex hac pariter suspensione motûs lege clarè inferre possumus quòd homo potest fieri immortalis, & potest in æternum

num vivere sine alimentis. Pos- Artic. 8.

sunt enim omnes Corporis partes in eodem situ semper retineri, possunt quoque omnes Corporis elementares particulæ à dissolutione cohiberi. Sanguis & alii humores, etiamsi perenni intestino motu intra se agitentur, impediri possunt quominus vapescant, seu quominus principia ipsorum diffringantur, aut eorundem abradantur anguli; quominus eædam particulæ per habitum Corporis non exhalent, & reparatione non egeant. Brevi, tota quanta nunc est Corporis mei materia, cum eadem figura, situ, numero, fabrica, & usu partium, in statu in quo nunc est, in perpetuum conservari potest; ac proinde Corporis mei Vita non solum per<sup>f</sup> quadraginta dierum spacium, sed etiam in

<sup>e</sup> æternum sine alimentis perdurare poterit. Ideo enim nos dapes ingerimus, ut sanguinis prin-

G 3      cipia,

*Artic. 8.* cipia salina & sulphurea intestino conflictu nimis attrita, & dissoluta, nec non per τὴν περιεργίαν Corporis jugiterevolantia jugi alimentorum accessu refarciamus. Si igitur principiorum attritio & transpiratio juxta *suspen-*  
*sam hanc motus legem* præpediatur, nullum fiet eorundem dispendium, ac proinde nulla opus erit reparatione.

Sanguinis ipsius principia ita aliquando spissa sunt, & tam viscido cæmento sunt alligata, ut sine ulla motus legis suspensione per quindecim, imo octodecim dies, uti in canibus ipse vidi, sine alimentis à dissolutione cohiberi valeant. Unde *pro miraculo* semper haberi non deberet si forsitan aliquando quidam sine cibis per plurimos dies vitam protrahant. Uti in Maniacis quibusdam, aliisque nonnunquam ægrotantibus videre est.

A R T I C.

ARTIC. IX.

*De Tertia motûs Lege suspensa.*  
*Ubi cernitur quòd Corpus in*  
*motu positum, motum suum*  
*subitò deperdere poterit, non*  
*communicato eodem alteri*  
*Corpori ambienti.*

**N**ON tantum Corpus quod- *Artic. 9.*  
vis sine impulsu alterius  
Corporis moveri, & impulsui  
ejusdem resistere, sed etiam mo-  
tum suum subitò deperdere po-  
terit, nec illud in aliud Corpus  
transmittat. Unde manifestum  
est quòd *globus tormentarius*, in  
murum projectus, in medio iti-  
nere sisti subitò potest. Quod  
immanis rupis ab alto vi adacta,  
vel proprio ponderé decidens, po-  
terit suppresso motu in aëre li-  
brari. Quod<sup>a</sup> flumen ad mare  
properans in cursu sisti potest.



*Artic. 9.* <sup>b</sup> Solis, reliquorumque cœlestium Corporum motus supprimi potest. Motus omnes animales, sanguinis nempe, cordis, respirationis, & spirituum suspendi possunt in humano Corpore, & mors subito invadere potest sine prævia ulla morborum sævitie. Nec tantum motus Corporis solidi totius, sed etiam particularum minimarum fluidi cujuscvis Corporis supprimi potest. Quo suppresso fluida omnia, ut Aër, Aqua, & Liquores omnes in solidum Corpus coalescent. Corpus enim solidum à fluido in hoc tantum discrepat, quòd partes illius in mutuo quodam amplexu quiescant. Singulæ verò fluidi Corporis particulæ, motu proprio & intestino agitantur; quo motu sublato, in solidum Corpus abeunt, uti aqua fit glacies. Sicque <sup>d</sup> mare in parietes hinc inde divisum solidescere potest; solidi quoque Corporis particulæ  
à

à mutuo contactu dissociatæ, & *Artic. 9.*  
circa centrum suum rotatæ, fluidæ evadunt, uti glaciës in aquam  
eliquata, saccharum vel sal in aqua resoluta, uti particulæ auri  
in *aqua regali* natantes, fluitare videntur.

Nunc triplici modo concipere possumus quomodo *Corpus humanum* super mare vel in aëre ambulare, vel quomodo *ferrum*, plumbum, vel aliud quodvis Corpus grave super aquam natare poterit. Vel enim aufertur tota Corporis præmentis gravitas, seu ambientium Corporum compressio, *juxta primæ suspensionis legem*; vel unda in fluore remanens gravitanti Corpori resistit, ipsumque subfulcit, *juxta secundæ Legis motûs suspensionem*; vel suppresso aquæ vel aëris fluore, *juxta tertiam hanc suspensæ legis regulam*, super solidam aream incedet Corpus. Patet enim quod si Corpus meum toto suo pon-

*Artis.* 9. pondere spolietur, etiamsi fluidam aquam calcaret, nunquam immergeretur, quin imò per aëra volaret. Obviam quoque est quòd Corpus meum, etsi remaneat tota ipsius gravitas, ad fundum fluidi nunquam præcipitabitur, si prementi pedi mare, vel aër, sublato *fluidi* motu, reinitatur; quin imò æque facile in aqua, & in aëre ambulabit, ac in pavimento marmoreo.

Longè autem plures difficultates occurrunt cur sublata gravitate super undas Corpus incedat, quàm cur ipsum remanente gravitate solidescens mare subfulciat. Quia si auferatur tota Corporis humani gravitas, Aër, & reliqua ambientia Corpora removeri deberent, aut saltem compressio ipsorum suspendi; removeri autem non debet aër, quia Corpus sine respiratione vivere non potest; aut si forte viveret, sublata compressione

one externa, tumeret nimis, uti *Artic. 9.*  
fit quando, aëre sub applicatis  
scapulæ cucurbitulis, nimis rare-  
facto & attenuato, caro in mo-  
lem sublevare solet. Unde longè  
facilius & clarius concipitur  
quòd Corpus meum cum toto  
suo pondere in renitentis & sub-  
sulcientis maris superficie ince-  
dat, quàm quòd tota sua exutum  
gravitate progredereetur. Hoc  
enim modo æquè clarè concipi-  
tur quòd<sup>2</sup> Corpus meum in aqua  
vel in aëre per horizontalem  
lineam ambulare potest ac inter-  
ræ superficie. Imo per divergen-  
tem vel perpendicularem lineam  
<sup>h</sup> homo poterit cum toto suo  
Corpore per quandam quasi sca-  
lam aëream per gradus & inter-  
valla calcantibus pedibus in ina-  
ni fluido resistentem, ad <sup>i</sup> Cælos  
ascendere; eodem plane modo  
quo nos ipsi ad altissimorum  
montium cacumina anhelis a-  
scendimus.

Longè



*Artic. 9.* Longè plures Corporum status super naturam sub *prima legis motus suspensione*, quàm sub reliquis duabus collocari possunt; non solum enim recensita superius in illo capite *Miracula*, sed etiam quæ hic inferius de multiplici Corporis humani ortu & generatione dicturus sum, ad illam quoque classẽ reduci possunt.

---

---

ARTIC. X.

*De Humani Corporis genesi ex  
Mare & Fæminâ.*

**E**Tiamfi juxta sancita jam *Art. 10.*  
*Naturæ Decreta* Corpus  
humanum, uti ac reliqua Ani-  
mantia, ex mutuo Maris & Fæ-  
minæ conjugio generetur, nihilo-  
minus tamen in peculiarem ali-  
quando finem à summo Opifice  
*ex fæminâ sine mare, ex mare sine*  
*fæminâ*, imo *sine mare & fæmi-*  
*nâ* stupendo quodam & insolito  
modo formatum esse perhibetur.  
Quoniam itaque mihi hic pro-  
posui diversos Corporis humani  
ortus illustrare, opus erit prius  
perpendere obiter *modum* quo ge-  
nerationis opus juxta statutas Na-  
turæ leges perficitur, ut clariùs  
pateant ea quæ de miraculosa ip-  
sius formatione dicturus sum.

Om-

Art. 10.

Omnia Corporis virilis & muliebris organa præter partes genitales similis omninò sunt fabricæ & paris ubiq; proportionis. Vir pendentes habet duos *Testes* membraneo loculo inclusos; quorum uterque totus ex exiguis, tibicæ instar musicæ, perforatis canaliculis & serpentinis quasi ductibus constat, qui, filacei instar glomi, sibi superpositi sunt. In his canaliculis elaboratur & discernitur succus quidam peculiaris, quem medici *semen virile* nuncuparunt; quem tamen Ego *fermentum* tantum viri *seminale* vocitari mallem; quia non in ipso, sed in sceminâ tantum semen seu germen continetur. Hic humor per proprios tubulos ad capsulas quasdam in penis cavitatem hiantes vehitur, quas *vesiculas seminales* nominant, in quibus coacervatur, & conservatur succus hicce fermentaceus, donec pro data occasione, ab æstuante

Partes generationis viri.

Ve-

*Veneris* ira per veretri urethram *Art. 10.*  
in uterum fœminæ prolem formaturus ejaculatur.

Mulier autem sub imo ventre quandam habet cavitatem vesicalem quam *uterum* solent nuncupare. Hic uterus in duas *Tubas* versus dextrum & sinistrum latus protuberat. His tubis appensa sunt duo corpora glandiformia, quæ antiqui *Testes* muliebres, neoterici *Ovaria* vocant; *seminaria* tamen nuncupari maluerim. In his *seminariis* continentur plurimæ membranosæ *vesiculæ* limpido & ferè pellucido latice turgidæ; quæ in innumeris distinctis loculis, uti granatorum semina, inclusæ sunt, & ab ambientibus vasis sanguiferis succum nutritium jugiter expuentibus paulatim aluntur, donec ad præfixam quandam magnitudinem extumescunt. Hæ *vesiculæ* hodiè *Ova* nuncupari solent; *semina* verò humana vocitari

Partes generationis  
fœminæ.



*Art. 10.* tari potius merentur. Uti enim bombycis vel tritici semen totum bombycem & totam tritici spicam cum seminibus continet, sic unaquæque seminis muliebris *pyxis* membranea omnes corporis humani partes comprehendit; imò longè ante commercium fœminæ cum viro formata & in debitum situm disposita in prolifico hocce liquore integra Corporis nostri stamina & rudimenta natitant. Uterus præterea longo canali *vagina* dicto foras hiat, per quam vaginam penis virilis ingreditur, & egrediuntur *menstrua*, *fœtus*, nec non *fluoris albi* & *Gonorrhœæ* materia; & per labra ipsius *Urina* excernitur.

Quomodo  
generatio  
perficitur.

Præmissa partium generationi inservientium structura, nunc perpendendum quomodo *generatio* ipsa perficitur. Post elapsos quosdam ætatis annos, *Vir* & *Fœmina* ab aucto nativo calore  
&

& humorum fermentatione venereo quodam œstro perciti, ad oscula & mutuos amplexus, libidinem satiaturi, ruunt. Hoc in congressu, Vir, non sine voluptate, in uteri muliebris cavitatem feminale illud fermentum seu succum illum fermentaceum emittit, qui in testibus elaboratur. Hic succus partim cum circumeunte sanguine, partim rectâ viâ per *tubas Fallopianas* ad seminaria fertur, & *semina* in illis tanquam in totidem diversis nidulis latentia, *auræ* instar *prolificæ*, subit & penetrat; & prout unum aut alterum ex seminibus erit maturum, nempe prout debitam dispositionem seu magnitudinem acquisiverit, fermenti instar illud rarefaciet, intestinum inquam & expansivum motum cum limpido & lymphatico seminis latice, in quo delineata fluctuant Corporis stamina, inibit, eundem attenuabit, stamina ipsa expandet & distendet,

H

Art. 10. det, porulos eorundem aperiet ;  
 ficque attenuatus ambiens liquor  
 dilatatos staminum porulos sub-  
 ibit, ipsos ampliabit, & largiùs  
 nutriet ; donec, crescente indies  
 seminis mole, *membraneum domi-*  
*cilium* tandem præ magnitudine  
 disrumpet & per annexas *tubas*  
 in *uteri* cavitatem semen delabe-  
 tur ; ibiq; uteri parietibus, media  
 placenta leviter alligatum, ab  
 appellente matris sanguine per  
 umbilici vasa sine ulla respiratio-  
 ne alimentum constanter recipi-  
 et. Interim ab intestina hacce  
 seminis turgescencia, torpentes  
 antea humores in motum agita-  
 buntur, & agitati partes solidas,  
 Cor præcipuè movebunt. Cor  
 autem semel motum moventem  
 liquorem in appensas arterias ad  
 extrema Corporis propellet. Pro-  
 pulsus liquor antecedentem li-  
 quorem ad Cor iterum Urgebit.  
 Hic liquor seu Sanguis ad Cor  
 denuo redux Cor iterum move-  
 bit,

Punctum  
 saliens est  
 Cor, pri-  
 mum vi-  
 vens & ul-  
 timum  
 moriens.

bit, & à Corde vicissim in or- Art. 10.

bem movebitur. Sicque incipit  
& conservatur partium solidarum  
motus ac humorum circuitus.

Primus enim humorum motus  
est causa primi & ultimi motus  
Cordis, & motus Cordis est vi-  
cissim causa cur humores perpe-  
tuum in circulum volvuntur; non  
verò cur inter se fermentescant.

Hæc enim fermentatio ab orta  
inter dissimiles Sanguinis parti-  
culas lucta & certamine depen-  
det. Fermentescentibus igitur &  
circulantibus *seminis* humani hu-  
moribus, & fluidis, stamina so-  
lida, & *Organicæ partes* ex sup-  
peditato à matre fermentationi  
& nutritioni continuo pabulo  
indies magis magisque turge-  
bunt. Sicque quod primò *se-*

*men* fuit *germinis* nomine insigni- Diversi  
ætatis gra-  
dus.

nitur; quod Germen mox *Em-  
bryo* vocatur, dein *Fætus*, hinc  
*Infans*, *Puer* deinde, postea *Ado-  
lescens*, *Juvenis*, *Vir*, & tandem

H 2 *Senex*,



Art. 10. *senex*, pro diverso Corporis incremento & ætatis gradu nuncupatur. In quovis autem statu, etiam sub minima Corporis mole, *Homo* vocatur, modo *Spiritus*, qui anima solet appellari rationalis, Corpori rêverà præsens sit. Unde fœtus æq; completus est homo, ac vir, aut senex; quia Corpus non fœtus duntaxat, sed etiam Embryonis æquè integrum est ac Corpus adulti, cum ex pari Organorum numero, & cum simili eorundem situ & textura construatur.

Partus  
quomodo  
fit.

Eodem modo quo semen *fermento viri prolifico* turgescens, ex *seminario* viam sibi pandit in uterum, sic ex utero fœtus, mole grandior, & crescentibus viribus robustior factus, huc illucque volvendo sese, & calcitrando membranea dilacerat involucra; unde ruptis quasi carceris repagulis, foras sibi sub auras exitum per vaginam, sequentibus pone *secundinis*, molitur.

Ani-

Animantium igitur omnium generatio (imò & plantarum vegetatio) in nova Organorum aut partium formatione non consistit, sed in hoc tantum quod fermentum maris seminale stamina jam in semine verè delineata, & in brevi voluminis gyro comprehensa, expandat, & aptiora reddat, ut largius alimentum & incrementum sumant. Corpus enim humanum etiamsi totum, & omnibus Organis instructum, in semine, longè ante fermenti virilis appulsum, verè contineatur, mole tamen *lentem*, aut *formicam*, animalcula exigua non superat. Ut igitur ad molem extumescat majorem, per expansos & dilatatos exilissimarum fibrillarum porulos majorem alimenti copiam admittere debet. Sic observamus quod granum *tritici* aut *hordei* faciliùs longè, & citiùs in æstivo quàm in hyberno tempore pullulat,

Art. 10. quia solis ardore germen laxatur magis & expanditur, ut succo nutritio è terræ visceribus à solis radiis elevato ad interiores seminis recessus per sitientes & bibulos ejusdem porulos capacior pateat aditus.

Cæterum, ut Generatio plenius adhuc illustretur, congruum foret solerti examine inquirere, quomodo disposita in ordinem *seminis*, seu *germinis humani* stamina primitus fuerint delineata. Rancida illa veterum Medicorum sententia jamdudum exolevit, qua contendebant quòd maris & fœminæ semina in utero commixta *virtutis* cujusdam *plasticae* beneficio in plurimas & constantes diversorum Organorum formas sponte sua abierunt. Patet enim, ut jam vidimus, quòd nullum est in viro semen. Patet quoque quòd humor ille in præservida tentigine à glandulis vaginæ muliebris *lacunis* per

*pudendi*

*pudendi labra excretus, est po- Art. 10.*

tiùs titillationis & voluptatis stimulus, quàm scēminæ pro generatione symbolum; si enim generando scētui quid conferret hic humor, tantum abest ut effœti instar excrementi pro lubricanda vagina foràs amandaretur, quin imo in uteri claustris pro formanda prole arctiùs includeretur. Quare in sensu quo Veteres seminis naturam intellexerunt, neque vir, neque scēmina ullo forent semine scēcundi. Inter omnes itaque hodie sanioris iudicii Medicos convenit, quòd omnes Corporis nostri partes in solius matris *seminariis* ante viri commercium à solo & supremo Naturæ Authore verè formatæ sunt. An verò in primordiis rerum omnia semina in prima muliere intra sese tanquam intra innumeras pyxides fuerint contenta, an per Mundi Machinam tunc fuerint

H 4 dispersa,



*Art. 10.* dispersa, an in typis seminalibus post cujusque foeminae ortum formata, an verò hic & nunc, prout Naturæ necessitas exigit, à summo Conditore creata, prolixum, arduum, & supervacaneum foret hîc loci investigare. Quare sat erit cum cæteris asserere, quòd in compendiofo seminis humani gyro tenuissima Corporis nostri stamina cum debito eorundem situ, cum solito Organorum omnium numero & figura ante Actum Venereum verè continentur.

Prærogativa matrum præ maribus. Ex his inferre datur quantas sibi Prærogativas vindicare possunt foeminae præ maribus; quantoque cultu & honore Liberi Matres suas prosequi deberent. Mulier enim sola totum ferè generationis opus perficit; ipsa sola semen, seu rudimenta Corporis, ante viri consortium continet; multis ærumnis obnoxia est gravida Mulier; multis tor-

mi-

minibus in partu cruciatur; ipsa *Art. 10.*  
pascit fovetque in utero fœtum,  
& post partum mammarum lacte  
alit; unde intensior est utpluri-  
mum Matris quam Patris in Li-  
beros Amor. Vir autem post  
unius momenti voluptatem ni-  
hil amplius de prole cogitat, &  
in ipso libidinis æstu tam parum  
generando fœtui suppeditat, ut  
vix parentis nomen mereatur,  
nullum enim est in viro semen,  
& nihil largitur præter ferment-  
tum quoddam *seminale*, quod  
partes fœtûs non format, sed  
jam formatas expandit; uti e-  
nim agricola fimo, cineribus,  
calce viva, aut arenis, tanquam  
totidem fermentis terram colit,  
ut projecta ac sata semina pro-  
ducat, sic mas latentia tantùm in  
fæminæ seminibus germina pro-  
lifico quodam fermento fœcun-  
dat. Matres autem ex tanto il-  
lis à Liberis præstando honore  
superbire aut insolescere non de-  
be-

Art. 10.  
Fœminæ  
non sunt  
vere ma-  
tres, sed  
matrices.

berent ; quia ipsæ non tam *Matres* verè sunt, quàm *Matrices*, in quibus semina aliunde formata pullulant ; fœminæ enim semen ipsæ aut fœtum non formant, sed ipsum tantùm jamdiu formatum nutriunt ; imò ipsum magis non possunt non nutrire, & parturire, quàm ferax solum sata semina ardente æstivo sole non potest non expandere & proferre : unde non ex libero matris arbitrio, sed ex necessaria *Naturæ* seu motus lege fœtus generatur, & ex eadem lege in lucem prodit ; imò in lucem editus ex pari legis necessitate ob urgentem quendam & extus insitum amoris in prolem stimulum, non à Mulieribus duntaxat, sed ab ipsis belluis & volucris, rationis, ut aiunt, expertibus materna quadam industria nutritur. Plura hic de naturali Corporis humani genesi subjicere, foret extra propositi nostri scopum divagari, quare ad  
status

status ipsius super naturam tan- *Art. II.*  
dem revertamur.

---

ARTIC. XI.

*De Corporis Humani genesi ex  
Fœmina sine Mare.*

**Q**Uum ex statuta partium  
Genitalium structura Ge-  
nerationis opus & natura ex so-  
lito maris & fœminæ conjugio  
nobis innotescat, nunc sagacius  
perpendamus utrum suspensa hac  
solitæ generationis *Lege* clarè  
concipere valeamus, quomodo  
ex sola <sup>a</sup> fœminâ, sine ullo pror-  
sus maris commercio, sed agen-  
te tantùm supremo Numine Cor-  
pus humanum enasci poterit.

*Generatio*, ut jam supra in- *Quid ge-*  
nuimus, aliud nihil est quàm *neratio.*  
*staminum in semine muliebri con-*  
*tentorum debita expansio & rare-*  
*factio fermenti maris prolifici vir-*  
*tute*



*Art. 11. tute inducta;* cujus intestinæ turgescentiæ ope delineata *Germinis* rudimenta majorem alimenti copiam sugere & in dilatatos porulos absorbere apta redduntur; undè molem acquirunt majorem, & paulatim crescendo ad eximiam tandem magnitudinem extumescunt. Cum autem, ut supra probavimus, Corpus motum obvium Corpus naturâ suâ aut vi insitâ non moveat, sed ipsum supremus *Motor* ex irrudentis Corporis occasione in motum solus verè concitet; & cùm expansio & rarefactio quædam sit *Motus* species, patet quòd spermaticus maris succus cum femine muliebri commixtus, illud non fermentat, aut expandit ratione motus ullius aut qualitatis, quam verè & propriè in stamina germinis à se transmittit, nihil enim transferri potest ab uno Corpore in aliud præter materiam; sed quia ex occasione appulsus

appulsus fermenti virilis fummus *Art. 11.*

Archetypus delineatas seminis fibrillas verè & immediatè distendit. Quid igitur impediet quo minùs *juxta primæ*, quam supra recensuimus, *legis motus suspensionem*, Deus ipse solus sine ullo Fermenti virilis appulsu, miscela, aut ope, stamina, quæ ipse solus sine viri aut sæminæ auxilio in debitam seriem & ordinem jamdudum primus disposuit, expandere, rarefacere, porulos filamentorum dilatare, ambientes seminis membranas, & involucria ampliare valeat. Ampliatis autem semel & motu cælitùs indito devolutis *Virginei seminis staminibus*, *Germen*, eodem plane modo quo per naturalem in imprægnata conjuge generationem, *in<sup>b</sup> cælibe & intatio uteri claustro* incrementem sumet, & in Embryonem, fœtumque paulatim turgescet. Sufficiens enim alimenti copia à circumeunte & appellente sanguine per expansos & bibulos filamentorum porulos sup-  
pedi-

Art. 11. peditabitur; unde in tota sua mole indies tumbent, & claustra sua seu vesiculares *seminariorum* cancellos, in quibus recondita sunt, dirumpent, inde per appensas Fallopii *Tabas* in utericavum delabentur, ibique media *placenta* tanquam carneo & spongioso cæmento uteri parietibus adhærebunt, affluentem sanguinem per innumerās vasculorum *placentæ* propagines insugent. Sicque nutritis paulatim solidis seu organicis seminis partibus, & concitatis in motum vitalem ejusdem humoribus, ex pusillo *Germinē* fiet *Embryo*, ex Embryone fœtus, fœtusque, collectis sensim viribus, ab angusto domicilio post novem tandem menses per os uteri, & per vaginam, viam sibi foras sub liberiores auras patefaciet.

Unde patet quòd non facilius erit primum hominem ex terra sine ullo maris aut fœminæ semine creare, quàm alios homines ex semine fœminæ sine maris consortio generare.

rare. Imo si quis secum rem ritè *Art. II.*  
totam perpenderet, videbit forsan,  
quòd non magis stupendum est,  
quod Homo ex sola muliere gene-  
retur sine viri commercio, quàm  
quòd ex maris & fœminæ congres-  
su formetur ; cum concursus viri sit  
tantùm occasio cur ipse supremus  
rerum omnium Parens *generet*, qui  
est immediata, imò unica, utriusque  
Phænomeni, & effectum omnium,  
causa.

---



## ARTIC. XII.

*De Corporis Humani ortu sine Marē  
& Fœmina.*

Art. 12. **S**I retrò ad Orbis conditi primordia mentis nostræ aciem recto tramite retorqueamus, & continuam istinc innumerorum effectuum sibi hucusque hereditario quodam jure succedentium, & à se mutuo dependentium catenam & seriem contemplemur, reperiemus, quòd uti cæterarum rerum, sic & *Generationis humanæ* origo cum Mundi tantum origine incepit. Ut autem *Generatio* semel inciperet, formari debuit *primus Homo*, qui foret primævus cæterorum *Genitor*; generari autem non potuit ex Patre aut Matre, cum ipse primus fuerit humani generis parens: nec ex se, aut à se gigni potuit, quia non potuit esse.

esse sui parens & proles. Quare  
sine ullo prorsus maris & fœmi-  
næ conjugio ex rudi adhuc & indi-  
gesta<sup>a</sup> tellure à supremo Opifice  
coagmentari debuit. Si mortui  
quoque resurgerent, cadavera ip-  
sorum jam in pulvisculum redacta  
ex informi materia iterum construi  
deberent. Magis autem conceptu  
difficile non est, quomodo organi-  
cum grandioris molis Corpus ex  
eximia terræ quantitate cum vita,  
motu nempe & sensu, subito for-  
metur; quàm quomodo rudimen-  
ta seu delineamenta corporum no-  
strorum ex patris & matris congres-  
su generatorum in pusillo seminis  
germinè sine prævia generatione  
creentur. Primaria enim corpo-  
rum, etiam nostrorum, stamina  
nullo naturæ auxilio, aut motus le-  
ge, in organicas hasce texturas &  
machinulas ante generationem pri-  
mitùs disposita sunt; sed suspensà  
*primâ motus lege*, à summo Numi-  
ne immediatè delineata in compen-  
diosum

*Art.* 12. diosum & vix præ parvitate credibile volumen contrahuntur. Unde prima Corporis nostri *delineatio* æque verè *Miraculum* est, ac primi Parentis *creatio*.

Corporis  
humani  
Analyfis  
Chymica.

Ut autem clarâ mente concipiamus quomodo informis glebæ materia in tam miras & multiplices Corporis humani partes & texturas converti posset, supponamus quod rei cujuscpiam sani in patibulo suspensi Corpus, centum libras grave, totum, cum ossibus, carne, & sanguine, vasis Chymicis destillandum committatur; peculiarem *salis volatilis alkalini*, *sulphuris* seu olei foetidi, *phlegmatis* seu aquæ insulsæ, *salis fixi alkalini*, & *terræ elementaris* quantitatem in pari pondere largietur; ita tamen ut major sit *phlegmatis* quantitas quam *terræ*, major *terræ* quàm *sulphuris*, & major tandem *sulphuris* quam *salis*. quadruplex hoc particularum elementarium genus non nisi mole tantum & figura à se invicem discrepant.

screpant. Terra, quæ in porosis *Art. 12.*  
suis alveolis reliqua principia ebibit  
& fulcri instar sustentat, mole gran-  
dior est quàm sulphur, sal, aut a-  
qua. Sal, cum solus linguæ papil-  
las acredine quadam pungat, an-  
gulis acutis solus est hispidus; ter-  
ra vero, sulphur, & aqua, quæ in-  
fulsa sunt, obtusa figura, etiamsi di-  
versa donantur.

Cum itaque experientia doceat  
quòd Corpus humanum centum li-  
bras pendens, totum ex certa *Ter-  
ræ, Aquæ, Salis, & Sulphuris* pro-  
portione coalescat; nunc videamus  
quomodo *primum* seu τὸ πρῶτόν  
Corpus humanum ex informi ma-  
teria formatum est. Ponamus igi-  
tur sumi centum *terræ & aquæ*, vel  
alterius cujusvis materiæ libras, ut  
humanum solitæ magnitudinis Cor-  
pus cum centum librarum pondere  
construatur: Ut Corpus humanum  
inde educatur, peculiaris Terræ ele-  
mentaris, Aquæ, Salis & Sulphuris  
proportio formari subitò debet: Ex



Art. 12. hac particularum quadriga in diversa quantitate sibi mixtâ plurimæ diversæ texturæ partes, tum fluidæ tum solidæ, exurgent. Duæ hic obviâ veniunt difficultates, quomodo nempè indigesta hæcce & uniformis materia in quadruplex hoc particularum genus convertetur, & quomodo in tot dissimiles partes conversâ, in Corpus humanum abibit. Ut autem harum difficultatum caligo experientiæ lumine dissipetur, observamus in *Arte Chymica* quod sulphur elementare & sal in aquam & terram sponte sua convertuntur, quod denotat eadem fuisse ex aqua & terra primitus orta. Experimur pariter quod aqua cum pauca terra per hortos aspersa in salinas & sulphureas mille plantarum partes abeunt. Alimenta solida in chylum, sanguinem, carnem, & ossa mutantur. Cum igitur in naturali animantium & plantarum vegetatione aqueæ & terreæ partes in salinas & sulphureas, & hæ vicissim

cissim in illas, ex intestini earundem motûs Lege præ oculis quotidie convertantur ; mirum non erit cur à supremo naturæ Authore sine ulla intestini motûs Lege, aut Corporum ipsorum auxilio, *juxta primæ motûs Legis suspensionem* non tantum aqua & terra in salem & sulphur, sed etiam omnia cujuscunque naturæ Corpora in alia diversæ indolis Corpora transformentur. Si autem centum materiæ Libræ in diversas *aquæ, terræ, salis & sulphuris* proportionales fuerint mutata, concipietur facile quomodo Corpus humanum ex iisdem in solidas & fluidas partes dispositis conflabitur.

Qui seriò perpendebit quàm stupendas machinas humana ars constituere solet, non inficiabitur quin tanta sit supremi Artificis potentia ut ex debita *terræ, aquæ, salis & sulphuris* proportionem Corporis humani fibrillas & stamina texat, texta in *Organicas & diversas for-*

*Art. 12.* mas conjungat, disponat, &, humoribus per totam partium & Organorum compagem fluitantibus, intus in motum cieat vitalem. Videmus enim quanta industria & artificio, horologia ex rotis, elateriis, & flaminibus construuntur, ut tempus metiantur. Artificialia capita efformantur, quæ vocem humanam imitantur. Factitia manus tantis machinulis movetur, ut sponte sua seu motu proprio vocabula cum calamo scriptorio in charta innaret. Psittacos rationis aliunde & sensus expertes docemus verba quædam proferre. Muti hominis, & ab ortu surdi lingua ita movetur aliquando, ut quædam verba articulari posset. Pyrii pulveris ope & pyrotechnicis instrumentis, currus, equos, & armatos homines in aëre repræsentamus. Æstuantis maris unda in oppositas rupes irruens humanas aliquando, & equinas formas in rupibus insculpit. Ex argento in spiritu nitri dissoluto, &

**cum**

Stupenda  
instru-  
menta hu-  
mana arte  
confecta.

cum mercurio in aqua diluto, post *Art. 12*

quadraginta dies vegetale quoddam  
sponte suâ cum ramis & fructibus  
pullulat, quod *arbor Dianæ* à Chy-  
micis nuncupari solet. Varia Or-  
gana musica in symmetricum ordi-  
nem disposita, miris illecebris irre-  
tiunt, & suavi sonorum modula-  
mine aures titillant. Nemo nescit

quòd in visceribus terræ varii repe-  
riantur lapides, & alia mineralia,  
quæ veram linguæ, rostri, dentis,  
capitis, manus, pedis, veretri vi-  
rilis, arboris, cornu, & aliorum  
Corporum formam exhibent. Cùm  
igitur juxta *statutas Motûs Leges*  
tot tantæque stupendæ fabricæ, vel  
naturæ industriâ, vel humana arte  
construantur, arduum non erit  
concupere, quomodo supremus ar-  
tifex peculiarem quandam *aquæ,*  
*terræ, salis & sulphuris* proporti-  
onem in Organicas diversæ texturæ  
partes disponat, & partes ipsas in  
humani Corporis formam compin-  
gat. Poterit enim minutissimas

Corpora  
stupendo  
naturæ a-  
tificio con-  
structa.



Art. 12. horum elementorum particulas in cava stamina, seu vasculares fibrillas formare ; poterit has fibrillas suis humoribus repletas & multis modis sibi intertextas in diversa Organa disponere ; & eadem Organa, in continua quadam serie, & in debito quodque situ sibi alligata in humanum Corpus sponte sua abibunt.

Si autem Corporis nostri stamina ex majori longè *terra & salis* quàm *sulphuris* aut *aquæ* proportionem consent, & stricto præterea vinculo sibi adjungantur, solidas & graves partes, uti *Ossa*, cartilagine, *Tendines*, & *Ligamenta* efformabunt : Uti enim trabes tecta firmiter, & ossa Corporis nostri machinam subfulciunt, sic redundans in mixtis *terra* solidum illis stabilimentum conciliabit. Si verò præ *terra*, *aqua*, & *sale*, *sulphur* seu *oleum* exuperet, *adipem* constituet : Si æqualis ferè sit *aquæ*, *terræ*, *salis*, & *sulphuris* miscela, partes laxiores quidem,

dem, sed solidas, construēt, quales *Art. 12.*  
sunt Musculi, Membranæ, vasa om-  
nia, & glandulæ: Si tandem par-  
tes aqueæ luxurient penitus, & mi-  
nor sit salis & sulphuris, & minima  
terræ quantitas, sanguis inde orie-  
tur, reliquique fluitabunt humo-  
res.

Postquam itaque Corpus huma-  
num ex debito *Ossium, Musculorum,*  
*Viscerum, Membranarum, & Va-*  
*sorum* numero sic construētur, &  
postquam vasa cordi & cerebro ap-  
pensa propriis fluidis erunt repleta;  
Cordi & stagnantibus adhuc in vasis  
liquoribus motus indatur; *Sanguis,*  
*Spiritus animales,* & reliqua fluida  
in circularem statim motum agita-  
buntur, & cunctis partibus vitam  
largientur; quæ vita nihil aliud est  
quàm quinque Organorum sensus,  
nec non Cordis, Respirationis, &  
fluidorum Corporis motus. Unde  
Corpus ex terra sic confectum, non  
tantum erit Corpus Organicum,  
sed etiam animatum. Si præterea  
Corpori

*Art. 12.* Corpori sic animato Spiritus seu substantia cogitans uniatur, quæ ex lege suæ unionis Corpora externa percipiat, affectus Corporis regat, in Corpus imperium exerceat, & liberos ex voluntatis suæ arbitrio motus in eodem producat, Corpus non tantum erit *animale*, sed etiam *Animal rationale* uno horæ momento exurget.

Haud facilius erit Corpus humanum ex centum materiæ libris cum tota sua mole construere, quàm idem ob indefessam materiei cujusvis ad divisionem & ad omnes figuras aptitudinem, ex uno materiæ granulo cum debito partium situ, ac numero conficere, & in breve imo invisibile volumen contrahere. Unde patet quòd Corpus humanum æquè totum ac integrum in exiguo feminis cujuslibet muliebris germinis, etiamsi non sit animatum, continetur, ac in prægrandi centum librarum massa; cum Corporis humani Natura aut integritas non in  
majori

maiori aut minori ejusdem dimen-  
sione vel magnitudine, sed potius  
in peculiari & constanti diversarum  
partium situ, fabrica, & numero  
consistat.

Art. 12.

Non solum *primum Corpus* hu-  
manum ex informi gleba formari,  
sed etiam ex <sup>b</sup> *costa*, manu, pede,  
aut alia quavis Corporis humani  
parte <sup>c</sup> *prima Fœmina* sine fœminæ  
concurſu extrahi potuit, juxta ean-  
dem *Legis motûs suspensionem*. Si  
autem Corpus primæ parentis ex  
solo viri *latere* fuit constructum,  
non potuerat mole aut pondere su-  
perare quantitatem materiæ ex quâ  
*latus* ipsum constabat, quia quan-  
titas materiæ, ex quâ Corpus quod-  
vis conditur, est vera semper pon-  
deris & magnitudinis ejusdem men-  
sura. Quare vel paucæ virilis co-  
stæ materiæ, tanquam stabili basi  
nova statim superaddita est mate-  
ria, ut fœminæ statura viri staturæ  
pro generanda prole aptè respon-  
deat, vel fœmina primum cum pu-  
fillo



*Art. 12.* fillo formata Corpore, ex assumpto indies alimento ad debitam Muliebris Corporis magnitudinem, Puellarum more, paulatim adolevit. Uti hoc modo prima Corporis humani delineatio explicari potest, sic prima quoque cæterorum<sup>d</sup> animantium & <sup>e</sup> vegetantium formatio explicari posse videtur.

---

## ARTIC. XIII.

*De Humano Corpore redivivo.*

**U**lteriùs indagere necesse est  
 utrum *juxta primæ quoque*  
*Legis motûs suspensionem* perspi-  
 cua valeamus mente concipere,  
 quomodo Corpus humanum ante  
 biduum vel triduum, vel ante bis  
 mille annos extinctum, ad vitam  
 revocari posset. Qui ante triduum  
 mortui sunt, alio modo-reviviscere  
 deberent, ac illi qui ante plura sæ-  
 cula obierunt ; quia illorum Cor-  
 pora adhuc integra sunt, & incor-  
 rupta, horum verò cadavera jam-  
 dudum sunt in pulverem redacta.

Ut primò explicemus quomodo  
 Corpora post<sup>a</sup> triduum à morte re-  
 suscitari possunt, observatu dignum  
 videtur, quòd Corpora omnia emor-  
 tua, vel in patibulo suspensa sunt, vel  
 in aqua immersa, vel subita morte,  
 syn-

Diversæ  
 mortis  
 species.

Art. 13. syncope nempe vel Apoplexia correpta, vel vulnere effossa, vel morbo quodam interno, in cruoris massa vel in Spiritibus sæviante, extincta sunt. Qui in furca suffocatur, vel in aqua immergitur, perit, quia defectu *respirationis* sanguis in pulmonibus stagnans ad cerebrum ascendere, & Spiritus animales quibus imprægnatur in glandulosa cerebri filtra exonerare non potest; qui Spiritus vitam, motum nempe & sensum, omnibus Corporis partibus largiuntur, renovatâ postero post obitum die *respiratione*, & indito torpescentibus humoribus *fermentationis* & *circuitus* motu, Spiritus animales in debita copia secernentur in cerebro, & vitalis motûs munia restaurabunt; quoniam solidæ partes adhuc integre sunt, & putredine nondum eliquatæ. Qui syncope vel Apoplexia corripitur, moritur, quia Cordis & Spirituum animalium motus cessat; renovato utriusque motu

Diversæ  
mortis  
causæ.

Diversi  
modi quibus  
mortui ad vitam  
revocari possunt.

motu exanime Corpus reviviscet. *Art. 13.*

Qui lethali vulnere effossus est, occidit, quia ab effuso nimio cruore Spiritus & vires prosternuntur: Sanguis effusus vel alius, iterum in venas remissus & in pristinum motum clauso vulnere concitatus exanguis Corpus ad vitam restituet.

Qui morbo interno elanguet, ex defectu *intestinali* & *circularis* motus in sanguine, tanquam consumpto τὸ βιολυχνίᾳ pabulo extinguitur, qui motus perit vel quia *salina* seu *fermentativa* sanguinis principia, præ nimio motu, uti in febribus, attrita, vappescunt, aut evolant; vel à redundante colluvie serosa nimis diluta sunt, vel nimis fixa, aut ab affuso acido veneno, vel à sævi-ente frigore coagulata sunt. Si elementa sanguinis evolarunt, iterum coacervari possunt. Si nimis attrita sunt, fragmenta & anguli apponi possunt. Si nimio phlegmate dissoluta, serum evacuari potest. Si concreta vel congelata sit cocti-  
nei



*Art. 13.* nei laticis massa, attenuari, rare-  
fieri, & fermentari potest. Sic  
quomodocunque humanum Cor-  
pus pereat, post biduum aut tridu-  
um à morte, nondum resoluta par-  
tium solidarum textura, pristinum  
humorum motum, vitamque re-  
cuperare potest.

Nunc itaque solerti investigemus  
scrutinio quomodo <sup>b</sup> Corpus huma-  
num post plura secula putrefactum,  
& in tenuem jamdudum pulviscu-  
lum friatum iterum ad pristinum  
statum restaurari potest. Quomo-  
do, inquam, Corpus ante quatuor  
mille annos in mari immersum, à  
piscibus in frustulorum myriades  
discerptum & à pisce in piscem sæ-  
piùs transmissum, ad vitam revo-  
cari potest. Constat satis quòd  
non tantum hujus Corporis partes  
integrantes, sed etiam minutissimæ  
*Terræ, Aquæ, Salis, & Sulphuris ato-*  
*mi elementares* à se invicem jam-  
dudum dissociatæ sunt, & dissitissi-  
mæ; quòd non solum quædam  
per

per totum Oceanum dispersæ sunt, sed etiam quædam in piscibus maris latitant, quædam per viscera terræ penetrarunt; quædam ad telluris superficiem cum vaporibus & fontibus elatæ sunt; quædam ex superficie terræ vegetantium radices subierunt; quædam forsân cum vegetantibus in animalia cum pascuis transferunt. Ita ut nunc forsân in omnibus Terræ plagis, in mari, & fluminibus, in piscibus, in terræ penetralibus, in vegetantibus, in animalium visceribus, in aëre ipso disseminatæ sunt unius hujus Corporis humani particulæ elementares. Præterea fieri non potest quin post tot annorum orbes hujus Corporis elementa figuras, & naturam suam sæpius deposuerint; necesse est ut salia post tam diuturnum motum, & per tot sæcula fluctuationem, angulos & spicula perdiderint; ut sulphura discerpta sint, & in aquam vel aliud principium sint jam mutata; ut aqua in

K                      ful-

Art. 13. sulphur vel salem sit conversa. Ita ut quòd tunc sal fuerit, nunc forsan sit aqua, quod fuit olim sulphur, nunc fortasse salis figuram induit, quod terra quondam, nunc aqueæ sit indolis. Nunc igitur videamus quomodo hæ particulæ per totum sic mundum dispersæ, in unum acervum rursus colligi, pristinas figuras rursus assumere, & in Corpus humanum iterum coagmentari poterunt.

Meum non est ex solidis Scriptorum argumentis, & testimonio, hic loci probare, quòd *Mortui ad vitam verè redituri sint*; sed cùm ab omnibus constanti animo hætenus creditum sit, & à plurimis firma ratione probatum, quòd qui è fatis excefferunt, iterum vivi resurgent; operæ pretium mihi visum est, juxta rationis normam, & juxta *Medicinæ principia* inquirere, quomodo, cum quo Corpore, cum qua Corporis mole, & cum quibus conditionibus iterum renascentur.

Quare

Quare pro totius rei fundamento *Art. 13.*  
hæc duo in antecessum præmit-  
tere congruum fore existimavi.  
Nempe

Quòd

*Si idem numero Corpus resuscita-  
bitur, ex eadem, qua olim;  
numero materia constare de-  
bet.*

Et quòd

*Si idem numero renascatur homo,  
cum eodem verè numero, quo  
quondam, Corpore reviviscere  
debet.*

Nemo inficiari audebit quòd su-  
premus rerum Conditor, cujus po-  
tentia rebus omnibus insitæ, cujus  
præsentia ubique diffusæ, & cujus  
scientia ad omnia, imo minutissi-  
ma quæque extensæ, nullus ascribi  
potest terminus, sciat in quibus po-  
rulis, vel cryptis latitent, in qui-  
bus fluminibus fluctuent, in qui-  
bus atmosphæræ partibus natitent,



*Art. 13.* in quibus demùm Mundi plagis, omnes hujus immersi Corporis particulæ, imo ipsa particularum fragmenta locata sunt. Dubitari quoque non potest quin immensa summi Conditoris potentia dispersas hujusmodi per Mundum particulas in unum acervum accumulare potest. Si verò semel coacervatæ sint eædem atomi, non difficilior erit ipsas ad pristinam humani Corporis formam & statum reducere, quam fuit primum homines ex informi telluris gleba construere.

Conditio-  
nes quæ  
requirun-  
tur ut i-  
dem homo  
resurgat.

Multæ tamen requiruntur conditiones ut ex coacervatis hisce corpusculis idem numero Corpus quod olim ante quatuor mille annos vixerat, iterum redintegretur. Debet primo esse una eademque numero materia, debet esse una eademque terræ, aquæ, salis, & sulphuris proportio, etiamsi necesse non sit ut eadem sit, quæ olim, ipsorum quantitas. Debent hæ partes servare eundem situm, quem antea habuerunt.

erunt. Opus est præterea ut partes quæ nunc sunt salinæ, sulphuræ, aqueæ, & terreæ eadem sint quæ olim fuerunt salinæ, sulphuræ, aqueæ & terreæ. Ex defectu enim harum conditionum etiamsi eadem omninò sit materia, idem numero non erit Corpus. Si nempe partes quæ olim truncum constituerunt, nunc caput & artus efforment; & vicissim si materia capitis & artuum in truncum abeant; vel si materia manuum in pedes, & vicissim pedum in manus convertantur, vel si pes & manus dextra sinistræ manus & pedis locum occupent; & si omnes Corporis partes proprium locum mutant, etiamsi sit eadem materia, eadem principiorum proportio, & Corpus Organicumificent, idem tamen Corpus non constituent, quia nec est eadem manus, nec idem pes, nec caput, neque truncus, ac proinde non erit idem Corpus. Imo etiamsi eadem materia quæ olim manum constituit,

*Art. 13.* tuit, nunc etiam manum efformet, non erit pariter eadem manus, nisi partes eundem omnino situm obtineant, quo olim gaudebant. Si enim particulæ quæ olim extrema manus formarunt, nunc medium manus teneant, & quæ olim erant in medio particulæ, nunc extrema occupent; nec erunt eadem extrema, nec idem medium; ac proinde non erit eadem manus. Nec erunt reliquæ partes sic formatæ eadem quæ olim fuerunt.

Ut redi-  
vus homo  
sit idem  
debet con-  
strui ex  
iisdem  
principiis.

Præterea, etiamsi eadem atomi eundem omnino locum occupent quem olim occupârunt, si ejusdem non sint naturæ, figuræ inquam, si nempe particulæ quæ olim *salinæ* fuerunt, nunc sint *aqueæ*, quæ olim *sulphuræ* fuerunt, nunc sint *terreæ*, etiamsi eadem sint particulæ quoad materiæ naturam, quia tamen eadem non est earundem figura, eadem non erunt elementa aut principia, sed longè diversa, quia ob diversas figuras diversas habent

bent proprietates & diversos pro- *Art. 13.*

ducunt effectus, ac proinde *idem*  
*numero* Corpus constituere non po-  
terunt. Ut enim *Corpus idem nu-*  
*mero* sit, non satis est quod ex *ea-*  
*dem numero materia*, & ex *iisdem*  
materiæ particulis denuò consle-  
tur; sed necesse est omnino ut ex  
*iisdem* elementis, seu particulis  
prisca figura donatis componatur.  
Unde advertendum est quòd *aliud*  
*longè est Corpus constare ex eadem*  
*materia*, & *aliud constare ex iisdem*  
*elementis*. Quatuor autem mixto-  
rum Corporum Elementa Terra  
nempe, *Aqua, Sal, & Sulphur*, à se  
invicem non nisi penes figuram tan-  
tùm discrepant, & sola cujusque fi-  
gura peculiaris, *elementi* nomen  
meretur; quare Elementum nun-  
quam potest esse *idem*, nisi eadem  
figura gaudeat, à qua figura peculi-  
aris *elementi* naturam mutuatur. Uti  
autem Elementum non potest esse  
*idem numero*, quod olim, nisi *ea-*  
*dem numero figura* donetur, sic

Figura E-  
lementa  
distinguit.



Art. 13. *Corpus humanum nunquam poterit esse idem numero, nisi iisdem numero elementis constet. Atque ita ut collecta corrupti Cadaveris miasmata idem numero Corpus humanum rursus efforment, non tantum debent esse eadem, quæ olim, numero corpuscula, & eadem primigenia stamina, sed etiam debent habere eandem Elementorum proportionem, eundem omnino respectivum eorundem situm, nec non eandem figuram & proprietates.*

Omnes dubioprocul necesse fore fatebuntur quòdeadem numerica materia à dissitis Mundi plagis in organicam formam iterum coacervetur, ut *idem numero Corpus* resurgat. Dicent tamen forsàn quòd non est necesse quòd *idem numero Corpus* resuscitetur, ut *idem numericus Homo* renascatur. Plurimi enim autumant, quòd quoniam omnis materia est ejusdem naturæ, sufficit quòd qualiscunque materia in  
Cor-

Corpus humanum disponatur, ut *Art. 13.*  
*idem* Homo resurgat; modò pri-  
stina anima huic novo & alieno  
Corpori uniatur; anima enim, ut  
ipsi aiunt, sola hominem tanquam  
forma constituit.

Durum tamen mihi videtur,  
quòd posset *idem* Homo renasci si-  
ne eodem Corpore. Si quid enim  
in redivivo homine resurgit, Cor-  
pus necessariò esse debet. *Anima*  
namque *rationalis* resurgere non po-  
test, quia à Corporis mancipio so-  
luta, eadem semper, incorrupta,  
& immutata existit. <sup>a</sup> Resurgit igi-  
tur quod cecidit, nempe Corpus.  
Corpus autem ex quavis materia  
construere, non est extinctum Cor-  
pus resuscitare, sed novum & alie-  
num Corpus formare. Quare ut  
*idem* Homo regeneretur, non tan-  
tùm debet eadem Anima uniri, sed  
etiam *idem numero* Corpus debet  
reviviscere. Corpus enim æquè est  
pars adæquata (ut aiunt) Homi-  
nis, ac *Anima* seu *spiritus cogitans*.  
Nec

Corpus est  
pars homi-  
nis essenti-  
alis.

*Art. 13.* Nec magis Anima potest esse Homo sine Corpore, quàm Corpus erit Homo sine Anima. Si enim *Anima* sola constitueret Hominem, Anima sine ullo Corpore foret Homo. Ac proinde opus non foret resuscitare pristinum Corpus, neque etiam ex quavis materia novum Corpus construere, ut *idem Homo* renascatur, modo ipsius *Anima* semper existat.

Nec sat erit arguere, quòd omnis materia sit ejusdem naturæ & indolis; ac proinde quòd quòdvis Corpus eidem Animæ associatum eundem hominem restituet; nam omnes quoque *Spiritus cogitantes* seu *Animæ rationales*, ut vocant, consimilis sunt substantiæ, ac proinde pari ratione quævis Anima novo Corpori unita constitueret eundem hominem. Sicque, si Ego & Theobaldus meus nunc moriremur, & post obitum meum statim Anima Theobaldi Corpori denuò animato, & Theobaldi Anima meo Corpori uni-

uniretur, *Idem* semper Ego forem, Art. 13.

& *Idem* foret Theobaldus; quod futile est & ludicrum; nam neque Ego forem *idem* redivivus, neque foret *idem* redivivus Theobaldus.

Inde adhuc planè sequeretur, quòd ut Darius ante bis mille annos occisus iterum reviviscat, non necesse foret quod priscum ipsius Corpus aut pristina anima in unum *Individuum* redeant, sed sat foret quòd

Debet *Idem* Corpus & eadem Anima uniri ut *idem* Homo resurgat.

nova Anima & novum Corpus crearentur; quoniam omnes Animæ rationales seu *Spiritus humani cogitantes* inter se ejusdem sunt naturæ quoad *speciem*; & omnia humana Corpora ejusdem quoque sunt structuræ & speciei. Imo hoc aliud absurdi sequeretur, nempe, quod si quotquot hætenus fuerunt ab Orbe condito Animæ & Corpora humana, nunc in nihilum redigerentur, & totidem novæ Animæ & Corpora humana crearentur, invicem per paria associarentur, & sibi nuberent: Qui in nihilum redacti sunt



*Art. 13.* sunt homines forent redivivi; quia novæ Animæ & creata Corpora consimilis forent naturæ cum Animabus & Corporibus eorum, qui in nihilum redacti supponuntur. Nova enim Corpora cum simili omninò partium textura, & pari Organorum numero formari possunt. Animæ quoque cum *iisdem* omnino *cogitationibus*, cum *eadem* omnino *substantia*, cum *eadem* propensione, cum pari conceptuum & cognitionum multitudine & numero, cum *iisdem* prorsus affectibus, reliquisque animi muniis, quoad speciei similitudinem creari possunt.

Anima rationalis non est vita Corporis.

Porro, videbimus inferiùs quòd *Spiritus humanus*, qui *Anima rationalis* perperàm vocitari solet, nullatenus est forma, anima, aut vita Corporis; sed quòd vita Corporis ab ipso Corpore, nempe à mechanica ipsius fabrica, & spontaneis humorum motibus verè & unice dependet sine ullo prorsus *Spiritus humani* influxu aut ope. Corpus enim

enim fœtûs in utero motu vitali gaudet, antequam Anima rationalis illi cœlitûs infunditur. Unde patebit quòd Corpus humanum est quid per se existens, & vivens sine ulla prorsus à Spiritu cogitante dependentia. Spiritus enim humanus, cùm libero agat arbitrio, vitales seu necessarios Corporis motus non gubernat, sed eos tantùm qui voluntatis imperio subditi sunt; imo hos quoque regit juxta ideas, & affectus, quos ab objectis externis per quinque Corporis Organa recipit. Quare tantum abest ut motus Corporis vitales ab humano Spiritu, quin imo omnia humani Spiritus munia à Corpore dependent. *Nihil est enim in Intellectu, nisi quod Corporis ministerio per sensus Organa ad callosum cerebri Corpus, tanquam ad sacram Palladis, in qua habitat, arcem advehitur.* Unde quoniam Darii Corpus ante necem substantia fuit ex se existens & vivens, & quoniam  
Darius

*Art. 13.* Darius non potuerat esse Homo si-  
ne hoc Corpore, ut *idem* Darius ad  
vitam revocetur, non satis erit  
quòd eadem ipsius Anima redeat,  
sed necesse erit ut eadem Anima ei-  
dem Corpori, pristino nempe pro-  
bæ suæ vel pravæ voluntatis mini-  
stro rursus associetur, ut post lon-  
gum quasi iter vel exilium in suo  
iterum domicilio redux mancipe-  
tur.

An quod-  
vis Corpus  
sufficiat ut  
idem ho-  
mo remas-  
catur.

Qui affirmant quòd, ut mortui  
reviviscant, satis est quòd Corpus  
ex quavis materiâ fabricetur, nobis  
asserunt, ut suam confirment Opi-  
nionem, quòd in brevi etiam præ-  
sentis vitæ curriculo Corpus no-  
strum sæpius mutatur, & novam  
ab alimentis indies ingestis accersit-  
tur. Continuo enim è toto, inqui-  
unt, Corpore effluvia foràs exhalant  
& dissipantur, & novæ particulæ à  
nutritione suppeditatæ illorum lo-  
cum replent; unde nutritio, inqui-  
unt, est continua Corporis nostri  
regeneratio; ita ut nulla portiun-  
cula

cula materiæ, ex qua Corpus me- Art. 13.  
um ante septem annos constabat,  
nunc mecum remaneat. *Idem* ta-  
men sum Homo, etiamsi nunc *idem*  
non sit meum Corpus; ac proinde  
concludunt quòd iidem erunt ho-  
mines è fatis redivivi, etiamsi cum  
pristino corpore non renascantur.

Verùm Ego non video cui fun-  
damento innitatur hæc Opinio; Partes fo-  
lidæ non  
dissipan-  
tur.  
nulla enim experientia aut ratione  
demonstrari potest, quòd septimo  
quoque anno tota Corporis mei ma-  
teria mutetur aut dissipetur, &  
quòd nova materia ipsius locum oc-  
cupet. Quinimò perspicuè, ni  
fallor, probari potest quòd primi-  
genia infantis stamina ab ortu ad o-  
bitum integra, immutata, & *ea-*  
*dem* perdurant. Fateor equidem  
quòd ab interno jugique fermentef-  
centis sanguinis calore innumera  
corpuscula per habitum Corporis  
continuò evolant, & erumpunt.  
Hinc tamen arguere non licet, quòd  
substantia partium solidiorum in-  
dies



Art. 13. dies consumatur ; sed quòd volatiles Sanguinis, Spirituum, & aliorum mobilium fluidorum particulæ effluant ; ac proinde quòd sanguis perenni ab epulis reparatione indigeat, ut transpirantis materiæ dispendium ab assumptis quotidie alimentis resarciatur. Quare sedulò observandum est, quòd duplex est præcipue alimentorum usus. Primus, ut *humores jugiter exhalantes reparentur*, alter ut *partes solidæ nutriantur*. *Alimenta* in juvenibus hos duos effectus præstant, *humores reparant, & partes solidas alunt*. Unde Juvenes majorem longe ciborum copiam ingerunt, quàm senes. Dapes verò vix ullatenus senes nutriunt cum mole Corporis non crescant, sed evanescentem tantùm vitæ flammulam pabuli instar oleosi sustentant, & perituram vappescentis sanguinis fermentationem seu calorem fovent. Ut partes solidas, jamdiu satis nutritas, & præ ingruente senectâ flaccescentes  
in

in debita tantum tensione pro munis vitæ obeundis conservent. Unde senes tanta ut plurimum non indigent ciborum copia, ac famelici & crescentes in mole Corporis adolescentes.

Etiam si ob æstuosam principorum Sanguinis luctam *Fluida* Corporis, seu humores jugiter evolent, novique humores ab affuso quotidie chylo suppeditentur, hisque rursus attritis & evanescentibus, alii novi humores per totum vitæ cursum succedant; solidæ tamen & Organicæ partes eadem semper sunt immutatae; & tantum abest ut substantia ipsarum absumatur, quin imò à nova accedente & adhærente materia ad certum ætatis gradum in molem indies tolluntur majorem. Si enim tanta ipsorum substantia evolaret, quanta accedit, homines viginti annorum molis non forent majoris, quam infantes recens nati. Unde patet quod non tantum *prima Organorum fibrilla* semper persistunt, sed etiam nova materia semper extumescunt. Aut si forte aliqua paucissima particula evolarent, illæ potius evanescent, quæ post ortum accesserunt, quia laxius adhærent, quam illæ, quæ in *semine* & in *generatione* delineatas partes constituerunt; quia hæ sibi firmitus

L                      &

*Art. 13.* & strictius alligantur. Præterea à circumeunte Sanguine, (nisi acris nimis sit & falsus, uti in phthisicis) tanquam ab irrorante & illinente Balsamo, non tantum aluntur filamenta totius Corporis, sed etiam particulæ ipsorum erupturæ tanquam in visco irretiuntur, & quasi conditæ conglutinantur. Quod manifestum sit ex eo quòd, cessante post orbitum Sanguinis circuitu & reparatione, omnia solidiorum & fluidarum partium principia, *Salina, Sulphurea, Aquea, & Terreæ*, sublato Sanguineo glutine, exalantur, & sui juris facta paulatim exhalant, unde exanime cadaver in putridum quoddam liquamen diffusâ Organorum texturâ resolvitur.

Cæterum, quis crederet quòd solida ossa successu temporis mutarentur. Si enim septimo quoque anno materia ipsorum abiret, & nova accederet, ossa adulti viri non tantum forent ejusdem magnitudinis, sed etiam ejusdem mollietiei ac ossa pueri septennis. Videmus adhuc quòd ossa per quædam sæcula post mortem integra & incorrupta perdurant, etiamsi ventis, pluviis, aliisque temporum injuriis, in cœmeteriorum præcinctibus sint exposita; ac proinde multò magis intra carnes & membranas

*inclusa,*

inclusa, & à balsamico cruore irrigata, *Art. 13.*  
per brevem vitæ cursum, nisi virulenta carie corrosa sint, integra perdurant.

Non diffiteor quin tota Corporis nostri moles à Febre ardente, Phthisi, vel alio morbo, vel ab aggravante senectute sensim extenuetur. Inde tamen inferre non datur, quòd solidiorum partium substantia paulatim absumatur. Musculi enim emaciatorum hominum, si Corporis statura respondeat, non sunt minoris molis quàm musculi pinguiorum. Nam si obesi Hominis Musculi aqua per vascula injectâ lavarentur, & à grumoso Sanguine expurgarentur, graciles evadent. Pingues igitur non sunt ideo macilenti quia partium solidiorum substantia consumitur, sed quia tota ipsorum pinguedo, quæ in millenis folliculis & *vasis adiposi*, per totum Corpus disseminatis continetur, & eadem distendit, eliquatur. Unde *vesiculae adiposæ*, quæ ambientes carnes, turgidæ ipsæ, tumefecerunt, collapsæ subsident; & cutis in rugas, imò tota Corporis moles, remanentibus tamen iisdem fibrillis & fibrillarum particulis, contrahitur. Cum igitur pateat, quòd si non fortè omnes, saltem pleræque

Quomodo  
Homines  
senio vel  
morbis  
confecti  
emaciantur.



*Art. 13.* flaminum Corporis nostri particulæ à pueritia ad senectam usque nobiscum persistant, Corpus nostrum toto vitæ cursu erit idem immutatum. Ac proinde Homo redivivus ex eodem pristino Corpore, & eadem *numero* anima rursus constare necessariò debet, ut idem, qui fuerat olim, Homo vocitari jure mereatur.

Ut idem  
Corpus re-  
nascatur,  
non neces-  
se est ut  
eadem  
materiæ  
quantitas  
resurgat.

Ut autem *idem* numero Corpus humanum denuò redintegretur, non opus est ut tota eadem materiæ moles & quantitas, & idem elementarium partium numerus iterum sibi adaptetur & resurgat; sed sufficit ut earundem partium tanta quantitas invicem admisceatur, quanta requiritur Organico Corpori conficiendo; ut enim idem sit Corpus Organicum, non necesse est ut habeat easdem omninò dimensiones, aut molem, aut pondus; sed ut habeat eandem materiam cum eadem *Organorum* fabrica, situ, & numero. Quod ut clariùs eluceat, supponamus amplissimam quandam planitiem in qua ducta hinc inde hostilis exercitûs millia æquo certamine acriùs pugnarunt; esto, quòd post contumax & acre prælium centum mille Homines ex utraque parte perierint. Sepeliantur deinde cada-

vera,

vera, non in uno tumulto, sed per campum passim pro fœcundanda tellure dissipergantur; unumquodque cadaver effossâ leviter glebâ cooperiatur. Muro cingatur spatiosum hocce *Cœmeterium*, & in duas partes interpositâ sepe dividatur. Una pars arata fructus & frumenta proferat, altera pascat pecudes; quibus in pascui medio excavabitur fons epotandus. Dubioprocul hic campus humana carne sic saginatus copioso frumento & petulante pecude luxuriabit. Sint plures familiæ quæ per centum aut ducentos annos nullum aliud alimentum fument, nisi quod ex hoc agro desumetur; & quæ præterea solæ totum id alimentum consument, quod ex hoc campo enascetur. Materia seu Elementa corruptorum cadaverum in armenta & vegetantia transibunt, & ex his utrisque in Homines, qui iisdem vescuntur; atque ita substantia, seu Corpora ipsorum, aliqua ex parte ex putrefactis cæcorum Hominum cadaveribus constabit. Supponamus hos omnes post mortem ad vitam redituros. Vel supponamus aliquem *Anthropophagum* humanâ carne toto vitæ cursu pastum, post obitum humi sepultum, & post multa sæcula redacto in pulverem Corpore, ad

*Art. 13.* pristinum vitæ statum rediturum, & reditura pariter Corpora eorum quibus ipse, & memorati jam antea Homines pasti fuerunt. Certum erit quòd vel *Sarcophagorum* Corpora, vel Corpora comestorum Hominum rediviva, aliquid de pristina materia carebunt; ac proinde alterutra cum minori quam olim, materiæ quantitate & mole resurgent. Omnes tamen erunt completi Homines & integris Corporibus donati.

Hucusque probavi satis quòd *Corpus redivivum* ex eadem debet materia constare, ex qua olim constructum fuit; probavi quoque quòd etiam si ex eadem materia construi debeat, non necesse est quod cum tota eadem materiæ quantitate rursus construatur: Nunc autem paulò altius inquiremus sub qua mole aut magnitudine, *cum qua*, inquam, *materia quantitate*, rediturum est. Quod ut solerti indagine conjiciamus, advertendum est quòd alii in utero matris extinguuntur; alii post ortum adhuc infantes pereunt; juvenes alii, alii senes, hi artibus truncati in bello, illi ulceribus & fistulis eliquati; quidam gāngrena, carie, lue venerea corrossi; alii tabe emaciati, alii denique internis morbis debellati emoriuntur. Quidam itaque  
existi-

existimant, quòd Corpora debent re- *Art. 13.*  
 viviscere cum eadem mole & cum eadem  
 materia quantitate quâcum sepulta sunt.  
 Alii verò, imò plerique malunt asserere  
 quòd Corpora omnia grandiori & robu-  
 stiori mole donata erunt, & cum eadem  
 magnitudine & materia quantitate rena-  
 scuntur, quâcum nos circa trigesimum eta-  
 tis annum exturgemus.

Videamus tamen num utraque hæc Corpora  
 opinio, aut alterutra, veritatis avidum non resur-  
 satiare valeat. Quoad primam senten- gent cum  
 tiam, haud facile quisquam credere po- tota illa  
 terit, quòd Corpora nostra resurgent materie  
 cum tota eadem materia, aut in eodem qua mori-  
 statu, cum quibus mortua sunt, & tel- untur.  
 luri mandata. Sic enim Anthropophagi  
 & comesti Homines cum eadem Corpo-  
 rum statura renascerentur, cum qua  
 primum obierunt; quod fieri non po-  
 test, ut antea inuimus. Præterea hoc  
 modo illi qui artubus erant orbi, &  
 quorum substantia ulceribus aut cancri-  
 cis humoribus ante obitum erat absump-  
 ta, sine quibusdam partibus, aut sine  
 tota partium substantia regenerarentur.  
 Unde hic sine manibus, ille sine alteru-  
 tro pede, alter sine palato, lue venerea  
 infecti sine naso, aut ossibus; cæcati  
 sine Oculis, & plurimi variis partibus



*Art. 13.* manci resurgerent; ac proinde ad vitam reduces toto Corpore non forent integri, quod rationi consonum non censetur.

Secunda quoque opinio rationi arri-  
dere non videtur. Quomodo enim te-  
nelli Infantes, qui cum parvâ Corporis  
mole mortui sunt, cum trigenarii Ho-  
minis statura resurgerent? Magnitudo  
ipsorum aut statura augeri nullatenus  
potest, nisi aliena & heterogenea mate-  
ria addatur. Cui autem usui, aut cui  
fini nova materia accerferetur? Ut for-  
san moles Corporis tumescat. Cui au-  
tem usui tanta Corporis moles? Ut  
forsan robustior renascatur Homo. Ad  
quid verò inservit tantum robur & for-  
titudo? Nullum tunc grande opus mo-  
liendum. Nullæ tunc condendæ aut  
muniendæ urbes; nullum bellum ge-  
rendum. Nullæ extruendæ turres.  
Nullæ construendæ ædes aut naves.  
Nulla inaranda tellus. Nullo super-  
ciliorum sudore vivendum. Nulli  
unquam suscipiendi labores. Quid igitur  
tam strenuæ prodesse vires?  
Quid opus tanta Corporum redivivo-  
rum statura aut mole? Ut forsân cogi-  
tationes, & reliqua animæ munia meli-  
us perficiantur; ut forsân Ratio viva-  
cius corroboretur; ut forsân plures  
ideæ,

Homines  
non resur-  
gent cum  
trigenarii  
Hominis  
statura.

idea, & rerum conceptus animæ suppe- Art. 13.

tant. Quis verò affirmare audebit, quòd *Animæ vires, conceptuum* nempe, seu cognitionum multitudo, & *rationis* vivacitas, ex viribus Corporis mensurabuntur? Etli *Nani, & Homunciones* Gigantibus Corporis viribus, & mole cedant, cognitionum tamen numero non cedunt. Quinimo parvitas Corporis & debilitas exuperante ingenii fecunditate utplerimum compensatur. Corpus enim nostrum post ortum non extumescit mole, ut Animæ operationes melius peragantur, sed ut debita sit præditum fortitudine; ut arduis, quibus subjacet, laboribus idoneum reddatur. Uti enim *motus quantitas ex quantitate materia*, sic quoque *Corporis robur ex mole Corporis metitur*. Cum igitur redivivum Corpus his non sit amplius obnoxium laboribus, pristina opus non habet statura aut dimensione. Cùm *Anima* quoque ad Corpus redux, quas novas acquirit ideas aut cognitiones, vel quas olim acquisivit, in rationis normam conjungat, & disponat, easdem sub qualicunque Corporis mole disponere poterit.

Quare  
crescit  
Corpus in  
mole?

Nec urgeat aliquis, quòd *crescente* Corporis mole *Animæ operationes vividiores* sunt, & *conceptuum numerus augetur*; non

*Art. 13.* non ideo enim augetur quia crescit Corpus, sed quia Homo diutius inter Homines versatus est, & Organa sensuum diuturniori tempore objectis externis assuefacta sunt. Quorum objectorum impressiones in quinque Organa, externarum rerum, præcipuè Corporum, imagines Animæ quasi in speculo representant. Cæci enim ab ortu, surdi, & muti, etsi paulatim mole Corporis turgent, quia tamen sensuum exercitiò destituti sunt, nullas rerum ideas concipiunt, aut saltem nullo indicio aut signis sese percipere demonstrant.

Ex his igitur omnibus haud levis concijciendi ansa offertur quòd *παλιγγενέσι* Homines, neque in eodem statu penitus, in quo mortui sunt, neque cum trigennarii Hominis mole aut magnitudine resurgent. Sed judicare fas est, quòd *Corpus redivivum* omni superflua spoliabitur materie, & tanta duntaxat constabit materiæ copia, quanta requiritur muniis Animæ & Corporis obeundis.

Cum qua  
mole renas-  
cemur.

Hujus igitur ego sum sententiæ quòd *mortui renascentur cum eodem Corpore & cum eadem materie quantitate cum qua primò nati sunt*, imò forsan & cum qua *in utero generati sunt*. Major enim non requiritur materiæ quantitas ut Anima Corpori

Corpori reuniatur, quàm necessaria olim fuit, ut in prima generatione ipsi associetur. Creditur autem ab omnibus ferè sagacioribus viris, quòd *Spiritus*, seu *pars hominis cogitans*, quæ *rationalis Anima* ab ipsis nuncupari solet, *tenello foetus in uero vivescens* corpori adhuc *pussillo calidus infunditur*. Si igitur Corpus humanum, sub illa minima mole, in primâ ipsius genesi Animam in sinu suo tanquam in proprio domicilio recipiat & amplectatur, cur, non eandem *Animam* Corpus idem redivivum sub pari quoque materiæ quantitate resumat. Unde si Corpora nostra ad vitam reditura sunt, non cum tota illa qua moriuntur materia renascentur, sed tota hac post primum ortum acquisita aliena materie spoliata, cum genuina staminum primigeniorum materia tanquam ex proprio semine iterum formata pululabunt. Quare omnes erunt æqualis magnitudinis, omnes erunt cum iisdem partibus, cum quibus geniti fuerunt, integri Homines, etiamli *Pumiliones* & *μυροσώματα*. Quamvis dixerim, quòd Corpora nostra ex suo *semine* renascentur; non dico quòd hæc *semina integra & incorrupta* (ut quidam existimarunt) per plura sæcula in tellure conserventur; nulum



*Art. 13.* lum enim est aliud semen Corporis nostri præter *primaria stamina* in utero matris delineata. Hæc autem omnia stamina & Organa in tellure corrumpuntur ; seu quod idem est, in minimas particulas dissolvuntur. Hæ autem particulae sic dissociatae, iterum in pristinum ordinem dispositæ, pristinum Corpus quasi ex proprio semine recondent.

Homo non  
resurget  
cum omni-  
bus parti-  
bus.

Cùm ex allatis hætenus argumentis inferre meritò fas sit, quòd *redivivi Corporis* moles minor longè erit quam vulgò fore existimatur ; liceat quoque ulteriori scrutinio investigare, an ad minorem adhuc molem redivivum Corpus reducetur. Quare, perpendere necesse erit an cum omnibus partibus, & Organis, quibus nunc constamus, tunc renascemur. Credibile mihi videtur quòd *Corpus nostrum resurget tantùm cum iis partibus quæ ad vitam constituendam & conservandam omninò necessaria sunt.* Hic infra videbimus quòd *vita Hominis in sensu & motu voluntario consistit*, & quòd *vita Corporis humani in respirationis, Cordis, Sanguinis, & fluidi Nervi motu involuntario sita est.* Unde construi iterum debent omnes partes quæ utrique motui, & sensui producendo inserviebant ;

bant ; uti quinque *Sensus Organâ*, *Musculi* omnes, partes quibus *Musculi* affiguntur, & quæ totam *Corporis* fabricam fulcri instar sustentabant ; qualia sunt *Ossa* & *Ligamenta*. *Cor* quoque, *Arteria*, *Vena*, *Nervi*, *Cerebrum*, & *Tegumenta* construi iterum debent. Quinque enim *Sensuum* ministerio *Anima* debet externarum rerum imagines percipere. *Musculorum* ope motus omnes, tum ii qui voluntatis arbitrio subditi sunt, tum illi qui voluntatis imperium respuunt, producentur. Necessè est ut *Sanguis* à redivivo *Corde* propellatur ; ut propulsus *Sanguis* in *Venis* & *Arteriis* agitetur & circuletur ; ut *Spiritus* *Animales* in *cerebro* secernantur ; ut secreti *Spiritus* per *Nervos* ad omnes *Corporis* partes scaturiant motum & sensum largituri. Ut denique *Tegumenta* totum *Corpus* cingendo partes omnes in debito situ, involucris instar, conservent.

Reliqua autem *Organa*, præter recensitas jam, sine quibus vivere non possumus, partes, in redivivo *Corpore* superflua forent. Uti sunt partes omnes quæ præparando *Chylo*, & secernendis à *Sanguine* humoribus destinatæ sunt. Tunc enim opus non erit alimentis ; unde

Redivivus  
Homo non  
manduca-  
bit.

*Art. 13.* de opus non erit digestionem aut Sanguinis reparatione; ac proinde nulla fiet humorum recementitionum aut excrementitionum à Sanguine secretio aut filtratio. Cum enim Hominis redivivi Sanguis ab alimentis non reparetur, si fieret humorum ab ipso secretio, tota ipsius massa citò exhauriretur. Hinc sequitur quod non est necesse ut cum Corpore ad vitam reduce *Pharynx, Oesophagus, Stomachus, Intestina, Mesenterium, Pancreas, Fecur, Lien, Renes, Vesica, Partes genitales utriusque Sexus, Thymus, Parotides, Amygdale, Glandule Ullæ* (præter cerebrum) aut *Filira, Adeps, Lymphaductus*, aut ulla vasa excretoria, præter Nervos, redintegrentur. Hæ enim omnes partes in redivivo Corpore nulli omnino inservirent usui.

Redivivus  
Homonon  
respirabit.

Imo neque partibus Respirationi dicatis opus erit, quia regeniti Homines nulla indigebunt respiratione. Ideo enim nos in hac vita respiramus, ut Spirituum Animalium jugiter evolantium jactura ab aereo pabulo refarciatur, & ut languescens post circuitum Sanguis ab admixto aere attenuetur. Nullum autem tunc fiet Spirituum aut Sanguinis dispendium, neque partium solidarum à Sanguine nutritio; sed una eademque,

quæ

quæ renata est, Sanguinis, Spirituum, *Art. 13.*  
 & partium solidarum materiæ quanti-  
 tas, incorrupta semper, & in perpetu-  
 um immutata *juxta secundam Legis motus*  
*suspensionem*, perdurabit. Quare *La-*  
*rynx, Trachea Arteria, Pulmones, Dia-*  
*phragma, Costæ, Pleura, omnes respiratio-*  
*nis Musculi*, erunt inutilia. Corpus  
 itaque redivivum non tantum tota post  
 ortum advenâ materiâ, sed etiam ab om-  
 nibus sæculentis partibus expurgatum,  
 & superfluis Organis, tanquam exuviis,  
 spoliatum, ad minimam molem reduce-  
 tur & volumen; nec desinet esse totum  
 & integrum Corpus humanum, quia  
 omnibus partibus in hoc statu ad vitam  
 necessariis constabit Homines igitur, qui  
 cum<sup>r</sup> *Naturali*, seu ponderoso & crassi-  
 ori Corpore olim obierunt, cum<sup>s</sup> *Spiri-*  
*tuali* quodam Microsomete seu pulillo  
*Corpusculo*, passerum forsan, imò for-  
 san & Muscarum instar, leves maximè,  
 agiles, & summè mobiles renascen-  
 tur.



## ARTIC. XIV.

*An multiplex potest esse Corporis  
humani Præsentia.*

*Art. 14.* Quoniam plurimi hætenus asseruerunt quod Corpus humanum posset esse in pluribus locis in eodem tempore; & alii firmiter affirmarunt quod ne etiam divinitus multiplicari posset ipsius præsentia; haud abs re fore existimavi utrorumque argumenta hîc loci perpendere; ut videamus an cum ratione, aut cum Corporis nostri fabricâ conciliari possent. Quod ut rite peragam, pro fundamento statuo, quod omnia argumenta quæ hætenus allata sunt, ut multiplex Corporis nostri præsentia probetur, non tantum rationi, sed etiam Corporis cujusvis, præcipue *Organici*, naturæ & structuræ penitus repugnant. Illa autem Argumenta, quæ vulgò solent afferri, ut refellatur ipsius *πολυτομία*, vera & consona esse reperio. Quare juxta modum quo vulgò solet ab utrisque proponi hocce problema, *Corpus humanum in duobus locis nullatenus esse potest.*  
Quod

Quod ut clariùs pateat, liceat nobis hic *Art. 14.*  
fusiùs inquirere, quot modis humanum  
Corpus non potest totum esse in pluri-  
bus locis in eodem tempore.

1. *Corpus humanum* sex pedes lon-  
gum, tres pedes in circuitu latum, &  
centum libras grave, nullatenus potest ef-  
se cum eodem pondere, cum eadem dimen-  
sione, & cum eadem quantitate materiæ, in  
duobus locis simul. Nec etiam minimum  
Corpus, uti granulum arena, vel auri,  
ex decem atomis vel particulis Elemen-  
tariis constans, potest esse cum iisdem  
particulis integris & indivisis in duobus  
locis in eodem tempore. Omne enim  
Unum, ita Unum est, ita sibi intime præ-  
sens est, ita in se indivisum, ita ab omni-  
bus aliis verè separatum, ut à seipso re-  
moveri, extra se poni, aut à seipso distare  
non posset; ac proinde in duobus locis  
esse non poterit, nisi successivè, unum  
idemque numero Corpus. Si enim Cor-  
pus centum libras grave fuisset cum eo-  
dem pondere, dimensione & cum eadem  
quantitate materiæ in duobus locis simul,  
non tantum idem Corpus foret duo  
Corpora, sed etiam centum libræ forent  
ducentæ. Cum autem pondus Corporum  
ex materiæ quantitate mensuretur, dupli-  
cari aut multiplicari non potest pon-  
dus,

*Art. 14.* dus, quin duplicetur, aut multiplicetur materia. Ac proinde centum libræ non possunt fieri ducentæ, nisi materia centum libras gravis addatur.

Fateor equidem quòd Corpus centum libras in uno loco aut tempore pendens, in alio loco aut tempore poterit nihil, aut saltem minùs pendere, (uti in barometris videre est) si à nullâ, aut saltem leviori ambiente materia deorsum prematur. Gravitas enim, aut levitas, aut ullus alius motus non sunt aliquid Corporibus insitum aut innatum, sed externus tantum ambientium Corporum impulsus; quo impulsu sublato, Corpus nec gravitabit propriè, nec levitabit, sed in inani spatio immobile, & quasi suspensum persistet. Fateor pariter quòd in quodam sensu poterit Corpus esse cum eodem pondere in duobus locis. Si enim Corpus sex pedes longum, & centum libras grave, in duas partes æquales dividatur; & quælibet pars in duobus locis seorsim ponatur; poterit quælibet pars pendere centum libras, si vis deorsum impellens duplò major fiat. Ac proinde illæ duæ partes pendebunt ducentas libras. Unde *Idem* Corpus hoc modo divisum poterit quodammodo esse in duobus locis cum eodem

dem pondere duplicato aut triplicato. *Art. 14.*

Quælibet quoque ejusdem divisi Corporis pars ita expandi potest & rarefieri intus, ut in suo quæque loco sit sex pedes longa, & tres pedes in circuitu lata. Unde idem Corpus poterit quodammodo esse cum eodem pondere & dimensione, nunquam verò cum eadem materiæ quantitate in pluribus locis in eodem temporis momento.

2. Diversæ Corporis nostri partes in pluribus simul Europæ locis seorsim locari possunt. Caput potest esse in Græcia, una manus in Italia, altera in Dania, truncus in Germania, pes unus in Anglia, alter in Gallia; & in diversis hisce locis in debito situ, & in respectiva quâdam distantia extensæ, humani Corporis formam imitari quodammodo possunt. Ex hoc tamen concludi non potest, quòd unum idemque Corpus sit in diversis locis; sed quòd unus ejusdemque Corporis diversæ partes in pluribus locis dispersæ sint. Hic autem non inquiremus utrum Corporis alicujus separatæ partes possunt esse in pluribus locis simul, hoc enim unicuique clarum patet; sed utrum idem Corpus humanum potest esse totum & integrum cum omnibus suis partibus in di-



Art. 14. versis locis, & cum omnibus partibus in singulo quoque loco in eodem tempore.

3. Partes Capitis in Græcia, Trunci in Germania, manuum in Italia & in Dania, Pedum in Anglia, & in Gallia, ita expandi & rarefieri possunt; ut in contiguitate quadam respectiva, & symmetrico quodam situ distensæ, unum latè per aera diffusum, rarefactum, invisibile, & quasi umbratile Corpus efformare quodammodo videantur. Hic quoque Corporis status nostro proposito non responderet. Namque hæ partes sic expansæ neque *Unum*, neque *Organicum*, neque *Vivum Corpus* conficiunt. Ut enim *unum Corpus* efforment, deberent esse unitæ & continuæ; ut *Organicum*, deberent non tantum cohærere, sed etiam in diversas formas & machinulas, Cornempe, Pulmones, Cerebrum abire; ut *Vivum* denique Corpus construerent, necesse foret, ut non tantum *Organicæ* texturas efformarent, sed etiam ut spiritibus & circumeunte Sanguine irrorarentur & moverentur.

4. Pes aut manus Corporis mei in plures minores & adhuc minores partes, quasi in *taleolas*, aut frustula abscindi potest. Unumquodque frustulum  
mutari,

mutari, & disponi potest in Corpus humanum integrum & vivum. Sicque ex uno Corpore humano construi possunt plusquam centies centum mille Corpora humana integra (et si *seminei* initar *germinis* exigua forent *μικροσπύματα*) & in centies centum mille Mundi locis locari possunt in eodem tempore. Quorum unumquodque *integrum* erit, & *vivum* Corpus humanum; & si nova *Anima* rationalis addatur, novus erit atque integer Homo. Hoc quoque modo non concipitur quòd Corpus *meum totum* & integrum sit in pluribus locis in eodem tempore; etiamsi in singulis hisce locis integrum sit Corpus Organicum ex Corporis mei materia constructum. Si enim digitus meus in Corpus Organicum integrum & vivum mutetur, meum Corpus non erit integrum, sed tantum pars mei Corporis in diversas texturas mutato particularum situ conversa. Nam neque est meum Caput, neque meum Cor, neque Stomachus, neque Truncus, neque Artus. Ut enim hæ partes sint *meæ*, deberent confici ex eadem numerica materia in eundem ordinem disposita, ex qua meum Caput, Cor, Ventriculus, Truncus, & Membra jam constructa sunt.

*Art. 14.* 5. Plurimi contendunt quòd *Meum* vel *Theobaldi Corpus* potest esse in pluribus locis in eodem momento per *Reproductionem*, ut ipsi loquuntur. Dicunt enim quòd caro, vel *Panis*, in pluribus, imò millenis locis à Theobaldo vivente difficilissimis, *converti possunt in verum & integrum Theobaldi Corpus*; ita ut minima carnis alicujus Animalis, aut panis portiuncula, etiamsi pondus unius grani non superet, non tantum convertatur in substantiam Corporis Theobaldi, uti solet alimentum vulgare; sed etiam ipsa fiat tota ipsius substantia. Et millenæ aliæ carnis vel panis portiunculæ fiant quoque tota ipsius substantia in millenis Mundi locis à se invicem remotissimis in eodem tempore.

Hoc autem mentem humanam superat, & Corporis viventis naturam evertere videtur. Fateor quidem quòd portiuncula Carnis, panis, imò ligni, aut saxi converti potest in integrum, Organicum, & vivum Corpus humanum; non concedam tamen quòd fieri posset integrum meum Corpus, dum ipse vivo. Nihil enim potest fieri totum meum Corpus, quia totum meum Corpus efformatum est, & vivit. Minima porro, illa carnis, vel *Panis* portiuncula

tan-

tantam materiæ quantitatem continere *Art. 14.*  
non potest, quantam continet solita Cor-  
poris nostri moles; Unde ut totum me-  
um Corpus efformet, nisi sub minimâ  
mole contineri valeat, nova materia su-  
peraddi debet, ut *creati Corporis moles*  
extumescat. Præterea, si tot *Panis* por-  
tiunculæ, & tanta panis vel alterius ma-  
teriæ massa in tam dissitis, & in tam in-  
numeris Mundi locis in meum Corpus  
converti possent, omnia totius Universi  
Corpora in meum Corpus mutari pos-  
sent, ac proinde totus ipse *Universus*  
meum Corpus fieri posset; quod vix  
quisquam credere poterit.

Cæterum, ille *Panis*, aut caro, non  
potest evadere tota Corporis mei sub-  
stantia, nisi ipsa facta fuisset prius ex  
totâ Corporis mei materiâ; quod fieri  
non potuit, quia Corpus meum cum to-  
ta sua materia adhuc integrum & vi-  
vum est. *Conversio igitur carnis, vel pa-*  
*nis, in Corpus humanum, est potius novi*  
*& alieni Corporis Creatio, quàm vera Cor-*  
*poris mei Reproductio.* Corpus enim il-  
lud ex portiuncula panis constructum,  
non magis potest esse meum Corpus,  
quàm Corpus infantis hodie vel heri na-  
ti potest esse meum Corpus. Ac pro-  
inde meum Corpus in pluribus locis per



Art. 14. hujusmodi reproductionem multiplicari nunquam poterit.

6. Demum, Mater, quæ peperit plures Infantes, qui vita fruuntur, non dicitur habere suum Corpus in pluribus locis in eodem tempore; quia quilibet infans non est totum ipsius Corpus, sed pars tantum; imò pars ritè dici non debet, quia neque Infans, neque *Germen* aut *Semen*, ex quo infans formatur, ulli inservit usui in Corpore Muliebri; sed alienum quodammodo est Corpus propagandæ speciei propriè destinatum.

Etiamsi quoque Corporis virilis <sup>3</sup> *Costa* in Corpus Muliebri totum & integrum convertatur, Corpus tamen virile non dicitur esse in duobus locis, quia Corpus Muliebri ex viri *Latere* extractum, etiamsi in se totum & integrum sit, est tamen pars tantum Corporis virilis. Præterea, Corpus *Muliebri* novâ Animâ gubernatur, cujus Animæ nutu & imperio, omnes saltem voluntarii motus peraguntur. Unde Corpus Muliebri simul cum suo *Spiritu cogitante* non tantum differt à Corpore virili, sed etiam distinctam personam efformat. Corpus enim Muliebri Animæ suæ nutui subditum, omne viri jus & imperium respuit, nisi quantum connubii Lege obstringitur. Quam

Quum ante quosdam Annos mecum *Art. 14.*  
seriò perpenderem, quòd in Humano  
Corpore nihil reverà sit præter *materi-*  
*am* diversâ figurâ & mole donatam, exi-  
stimavi, quòd nullus posset esse ipsius  
*Status super naturam*, qui mente concipi  
non posset. Concipere tamen haud po-  
tui ullatenus, quòd *idem numero Corpus*  
humanum cum tota sua materia aut  
mole posset esse in pluribus locis in eo-  
dem tempore. Nec etiam ullo alio mo-  
do hæcenus allato multiplicem posse  
esse ipsius præsentiam reperi. Post-  
quam autem in *Medicina Principiis* ver-  
satus, *Materiei* naturam, differentias,  
& figuras perpenderim; postquam  
*Chymia* ope *Elementares* Corporis hu-  
mani *particulas*, *Terra* nempe, *Aqua*,  
*Salis*, & *Sulphuris* *Atomos* inspicerem;  
postquam *Anatomes* auxilio Corporis  
humani fabricam ex vasculis & *fibris*  
vascularibus totam contextam esse re-  
perirem, postquam in *Humorum* tex-  
turam, circuitum, & effervescentiam  
inquirerem, nec non mirum ipsius ex  
puillo *Germine* ortum explorarem, post  
diuturnum, inquam, per devias *Natu-*  
*ræ* salebras scrutinium, dum fortè de  
exilibus *Embryonis* staminibus, & de  
diversis nutritionis gradibus cogitarem,  
clare

**Art. 14.** clarè tandem & perspicuè concepi, quòd *Meum vel Theobaldi Corpus*, operante *Numinis* potentiâ, novo quodam, sed unico tantummodo, & in peculiari quodam sensu, ita verè multiplicari posset, ut integrum & vivum posset esse in pluribus dissitissimis locis in eodem temporis momento, non tamen cum solitâ magnitudine. Quamvis tamen conciperem quòd Theobaldi Corpus posset esse in pluribus locis in eodem tempore vivum & integrum, concipere haud potui quòd *Anima* ipsius seu *Spiritus cogitans*, quòd inquam ipsius persona, seu totus ipse Theobaldus posset esse in duobus locis in eodem tempore; quin imo reperi quòd *unus Homo non potest esse totus simul in duobus locis in eodem instanti*. Deinde mei diffidens iudicii Opinione hancce plurimis ingenuis, probis, & eruditis viris patefeci, qui, re penitus discussa, idem mecum senserunt. Quidam autem ex illis, qui perspicaciori trutinâ hanc sententiam perpenderunt, qui eandem cum stabilitis jam Opinionibus compararunt, & ad minutissima quæque ipsam latius extenderunt, cum à reliquorum omnium sententia ipsam penitus discrepantem reperirent, existimarunt, quòd novis inter Literatos litibus, bellis in-

inte-

testinis, & nescio, quibus non forsan *Art. 14.*  
*tumultuosus Erroribus* originem daret;  
 quare suaserunt & obsecrarunt ut ipsam  
 publici juris non facerem; ut itaque  
 pacificis ipsorum votis, pacis ipse a-  
 mans, responderem, nec tutum aliis,  
 nec congruum mihi fore visum est eno-  
 datum hocce problema promulgare.

## ARTIC. XV.

De Statu Animæ secundum  
Naturam.

**H**omo non tantum ex *Materia*, seu *Art. 15.*  
*Corpore*, in multiplicem Organo-  
 rum seriem disposita, sed etiam ex *Spi-*  
*ritu*, seu substantia quadam cogitante,  
*Anima rationali* dicta, simul unitis com-  
 ponitur. Miracula quoque non in hu-  
 mano solum Corpore, sed etiam in *Ani-*  
*ma rationali* producta sunt. Quare, ex-  
 plicatis Corporis *Miraculis*, *Status Ani-*  
*ma super naturam* quanta possumus per-  
 spiciam illustrare pariter necesse erit.  
 Quemadmodum autem necesse fuit sa-  
 num & morbosum Corporis humani sta-  
 tum prælibare, ut status ipsius super  
 naturam elucescat, sic quoque *Status*  
*Anime*



Art. 15. *Anima secundum Naturam* præmittere hic oportebit, ut clarius innotescant ea, quæ de *Miraculoso ipsius statu* dicturus sum.

Omnes hodie sanioris iudicii Philosophi, ipsa rei veritate convicti, fateri coguntur, quòd *Spiritus Hominis*, seu *Anima Cogitans*, ab ejusdem materiâ, quoad substantiæ speciem, longè discrepat. Concipi enim non potest, quòd materia huic nostræ similis *Ideas* seu Rerum corporearum *Imagines* sibi formet, quòd *Ideas* easdem simplices in *Rationis* formam conjungat, quòd præteritarum rerum recordetur, quòd de absentibus cogitet, quòd de futuris iudicet, quòd de abstractis & *Metaphysicis* rerum conceptibus disputet, & de supremi sui Authoris attributis differat. Quare *Spiritus humanus* sublimioris longe indolis, & quasi *Divina Natura particula* credenda est. Quid autem *Spiritus* reverà sit, non patet. Sub nostros enim sensus non cadit; illum neque longum, neque latum, neque profundum, neque figura ulla aut ioco circumscriptum, neque divisilem, neque ullis partibus instructum, neque ulli sensibili materiæ ullatenus similem reperimus.

Anima describi non potest.

Si

Si quis diceret quodd Spiritus est substantia immaterialis & indivisibilis, idem est ac si diceret Spiritus non est materia; hoc autem veritatis avidum non satia-  
ret, quia denotat tantum quid non sit, non autem quid verè sit ipse natura. Si enim percontanti alicui, quid sit materia, responderetur, quodd est substantia non cogitans, dubioprocul non foret hoc responso satisfactus, quia genuinam materiam naturam non describit. Quis præterea audebit asserere quodd Spiritus humanus non sit sui generis <sup>YAN</sup>, seu Materia? Fatentur enim omnes quodd est Substantia, seu quid per se existens; Substantia autem omnis debet necessariò habere aliquam suæ naturæ materiam, seu ex aliqua re constare; quia nihil potest ex nihilo fieri. Atque uti Aqua Mineralia & Vegetantia, Spiritus vini Aquam, Aer ipsum Spiritum, Ether aerem, Materia subtilitate longe excedit, sic Anima forsan rationalis, materia sua tenuitate, subtilitate, levitate, mobilitate, agilitate, & pluribus aliis proprietatibus ætherem ipsum longe superare censebitur ab iis, qui Materia Naturam in crasso & vulgari sensu non intelligent.

Art. 15.

Anima rationalis est sui generis Materia.

Quidam affirmant quodd Spiritus humanus nihil aliud est quam Cogitatio seu  
Sub-

Art. 15.

Anima  
non est  
Cogitatio.

Anima  
semper  
non cogi-  
tat.

*Substantia* actu *Cogitans*. Perperam tamen; quia *Spiritus* semper non cogitat; fœtus enim, infantes recens nati, apoplexiâ correpti, crapulâ sopiti, vel sponte suâ dormientes nullatenus cogitare videntur; nulla namque ratione, nullo indicio, nulla experientia, & quod majus est, nullo ipsorum testimonio cogitare illos probari potest. Quin imo multis argumentis probari potest, quod ab omni cogitatione in somno feriantur. Si enim aliquis in somno vel vterno cogitaret, non dormiret propriè, sed suæ cogitationis foret conscius, & vigilaret, (ided enim homines vigilare dicuntur, quia cogitant) aut saltem ex somno excitatus, cogitationis suæ reminisceretur, uti plerique recordantur somnia. Qui verò ex Apoplexia forti reviviscunt, etiamsi caro ipsorum forcipibus fuerit vellicata, & tantum non dilaniata; etsi candente ferro cutis fuerit combusta, pili divulsi, scapulæ cum cucurbitulis incisæ, & etiamsi mille modis fuerint cruciati, nihil tamen aliquando se sensisse affirmant, nec de ulla alia re se cogitasse recordantur. Quare obvium cuique patet quod *Spiritus* hie semper non cogitat; ac proinde natura ipsius non est *Cogitatio*; sic enim cessante *Cogitatione* periret. Fa-

Fateor tamen quòd præcipua *Spiritus* Art. 15.  
proprietas est *Cogitatio*, uti præcipua *Animæ*  
*Corporis* proprietas est *motus*. Quem- proprietas  
admodum autem *Corpus* aliquando po- est Cogi-  
test esse sine *motu*, sic etiam *Spiritus* po- tatio.  
test nonnunquam esse sine *Cogitatione*. At-  
que uti omnes *Corporis* effectus à solo mo-  
tu, sic omnes *Spiritus* effectus à sola *Cogi-*  
*tatione* peraguntur. Uti quoque supra  
asseruimus, quòd omnis motus à supre-  
mo rerum Conditorè unicè & immedi-  
atè, concurrente tamen *Corporum* con-  
tactu & impulsu, producitur; sic om-  
nes *cogitationes* & *conceptus* ab eodem  
*Supremo Numine*, adjuvante quidem sen-  
suum & organorum ministerio, in *Spi-*  
*ritu* excitantur; & diversæ *Anima co-*  
*gitationes* sunt totidem ejusdem *Modi*,  
uti diversæ *motûs* species sunt diversi  
*Corporum modi*. Ac proinde non mi-  
nus absurdum est dicere quòd *Anima* sit  
*Cogitatio*, quàm quòd *Corpus* sit *Mo-*  
*tus*; cum *Cogitatio* & *Motus* pa-  
ri respectu sint peculiare utriusque  
*Medi*.

Cum itaque *Spiritus* propriè *Cogi-*  
*tatio* non sit, sed *Cogitationis author*, fe-  
des, vel subjectum, instituti nostri ra-  
tio hîc loci postularet ut naturam il-  
lius ulterius investigemus. Quoniam  
autem



Art. 15. autem τὸ πνεῦμα nostrum, sive *Spiritus* quinque sensuum, imò sui ipsius scrutinio subijci non potest, sui ipsius captum superat; sicque *Spiritus* ille, qui reliqua omnia capit & describit, sui ipsius naturam describere non potest. Id tantum de Animæ natura scimus, quod

Si non natura Animæ, saltem usus describendus est.

sciamus de ipsa nos nihil scire. Scimus quidem quòd cogitamus, & conscii sumus quòd Cogitatio hæc nobis intus in cerebro insit; quid verò Cogitatio ipsa verè sit, aut quænam sit vera substantiæ cogitantis natura, id penitus nescimus. Cum itaque nullo rationis lumine, aut ingenii acie *Spiritus* Cogitantis naturam detegere valeamus, liceat saltem effectus ipsius, officium, & genuinum usum quanta possumus solertia indagare, ut mutuum Corpus inter & animam commercium clariùs explicemus.

Advertere tamen obiter liceat, quòd cum *Spiritus* nullas supponatur habere partes, molem, aut magnitudinem, nullo unquam loco aut ambiente concava superficie circumscribi posse censetur, sed alicui Mundi puncto immobili & indivisibili, quod mente concipitur, ita intimè præsens esse potest, ut nulli alii Mundi puncto in eodem tempore respondere.

spondeat. *Locus itaque Spiritus erit tantum ipsius præsentia.* Multiplex autem non potest esse ipsius in eodem tempore præsentia. Uti enim hic supra diximus quòd una eademque materiæ particula indivisa, & cum eadem mole non potest esse in duobus locis in eodem instanti, sic quoque idem *indivisibilis Spiritus* nullatenus potest esse extra se positus, aut à seipso remotus in pluribus locis in eodem momento. Affirmare enim quòd meus Spiritus sit Londini, & Viennæ in eodem tempore, idem est addicere quòd neq; Viennæ est neq; Londini. Viennæ enim esse non potest, quia hic supponitur esse Londini. Londini par ratione non existit, quia Viennæ in eodem instanti esse supponitur; aut si in utroque loco in eodem tempore existeret, foret dubioprocul duo Spiritus, & haberet duas liberas & forsan contrarias cogitationes in eodem tempore. Hic enim Spiritus Londini (sæviente nunc Francorum bello) libere posset cogitare de bello gerendo, & alter Viennæ de sancienda pace. Unus autem idemque Spiritus non potest unquam esse duo Spiritus, nec potest unquam habere nisi unam semel cogitationem, & non potest cogitare nisi de unica tantum re in eodem temporis instanti; ac proinde

Art. 15.

Anima non potest esse in duobus locis in eodem tempore.

Anima non potest habere duas simul cogitationes.

N fieri

*Art. 15.* fieri non potest quòd de duabus rebus oppositis in eodem momento cogitet. Nec proderit dicere, quòd dum hic de Viena cogito, hic & Viennæ fit mea cogitatio; aliud enim est cogitare de Viena, & aliud cogitare Viennæ; aliter enim si nunc de Bello Punico cogitarem, cogitatio mea nunc existeret, & eadem extitisse deberet tempore Hannibalis.

Ut itaque jam tandem *Animarationalis* in humano Corpore effectus & Officium ritè detegamus, *duplicem in nobis vitam* observare prius oportebit, *vitam nempe hominis, & vitam Corporis humani.* Vita hominis est *mutuus influxus Spiritus cogitantis in Corpus, & Corporis in Spiritum;* cujus influxus beneficio sensus perficitur, & motus voluntarius. Vita autem Corporis est *motus involuntarius Cordis, respirationis, nec non fluidorum perennis circuitus.* Omnes hujusmodi motus vitales spontaneos à Spiritu humano, qui anima perperam vocitari solet, produci, hætenus creditum est. Existimarunt enim quòd hic *Spiritus cogitans,* ut suas operationes efficacius perficeret, fuisset totus in toto Corpore, & totus in qualibet Corporis parte. Jam autem demonstravimus quòd Spiritus non potest esse in duobus locis,

Duplex est  
in nobis  
vita, vita  
Hominis  
& vita  
Corporis  
humani.

Anima  
non potest  
esse tota in  
toto Corpore  
& in  
qualibet  
Corporis  
parte.

cis, nec propriè in ullo loco; ac proinde non potest esse totus in qualibet Corporis parte; forent enim totidem *Spiritus*, seu, ut malunt, *Anima* quot sunt Corporis partes. Unum igitur Corporis

Art. 15.

partii, callosæ nempe cerebri medullæ, seu origini nervorum præsens est Spiritus hicce rationis iudex. Nobis enim ipsis conscii, videmus, quòd neque Pes, neque Manus, neque Cor, neque Os, Nasus, Oculus, neque Auris, neque ullum aliud Organum cogitat, sed in nobis verè sentimus quòd Cogitationes nostræ, perceptiones, memoria, somnia, deliria, reliquæque Animi Operationes cerebro intunt.

Anima in solo cerebro sita est.

Nunc igitur perpendamus utrum Spiritus hicce cerebri meditullio sic insitus, *Anima Hominis*, vel *Corporis humani*, vel utriusque *Anima* dici ritè mereatur: Humani quidem Corporis Animæ officium aut munus præstare nullatenus potest: concedunt enim omnes quòd quicquid hicce Spiritus præstat, sua cogitatione, & ex libero suæ voluntatis arbitrio peragit. Quot autem, amabò, motus in Corpore nostro sine ullo Animæ imperio ex necessitate quadam mechanica peraguntur. In ipso somno, nedum cogitante, multò minus

Anima rationalis non animat Corpus.



*Art. 15.* imperante Anima, cibi sponte sua in Ventriculo eliquantur. Chylus formicante τῶν ἐντέρων motu per vasa lactea ad Cor propellitur, & in Sanguinem convertitur; Cor ipsum perenni & æquali motu cietur; Pulmones jugi respiratione dilatantur; Sanguis debito fermentationis conflictu atteritur & circulatur; Spiritus Animales in debita copia in corticalibus cerebri filtris secreti per nervorum canaliculos distribu-

Anima rationalis non est causa motuum vitalium in visceribus.

Vera Corporis vita.

untur. Brevi, omnes vitales motus in alto sopore ritè perficiuntur. Porro, dum etiam vigilamus, motum Cordis, respirationis, pulsum, & alios naturales motus ex imperio Animæ neque accelerare, neque retardare, multò minus suppressere valemus. Cum igitur non tantum invitâ, sed etiam nedum consciâ Anitâ *vita Corporis* propagatur, indicium est sanè luculentum quodd nutui vel imperio *Spiritus cogitantis* nullatenus subjicitur; sed à mechanica organorum structura, & fluidorum motu unicè conservatur. Omnes enim iidem motus vitales in Brutis sine ullo Spiritu cogitante perficiuntur. Tenellum quoque Embryonis humani Corpus in utero Matris vivit, antequam Anima ipsi coelitus immissa est; quia non nisi post quos-

quosdam à conceptione menses ipsi in-  
funditur; & tamen ipsum per hocce tem-  
pus vixisse patet, quia Cordis, seu *pun-*  
*cti salientis*, & Sanguinis motus vige-  
bat. Præterea, si infans sine artubus  
cum capite tantum & trunco nascere-  
tur, cæcus, surdus, mutus, & in tota  
cute paralyticus, modo Cordis motus  
& respiratio supersint, vita fruetur, e-  
tiam si *Anima rationalis* nullas exercere  
videatur functiones.

Cum nuper Anno 1694. Varsoviæ in  
aula Johannis Sobiesci defuncti jam Re-  
gis Poloniæ aliquandiu versatus fuerim,  
in nemoribus ad Lithuaniam & Russiæ  
confinia sitis à venantibus Sylviculis  
captus fuit inter gregem urforum juve-  
nis Sylvaticus, decem circiter annos na-  
tus, aspectu horridus, & pilis hirsutus;  
qui neque rationis, neque loquelæ, imò  
neque vocis humanæ usum gaudebat: pe-  
dibus & manibus instar quadrupedis in-  
cedebat: nihil cum homine commune  
habebat præter externam nudi Corpo-  
ris figuram. Cum autem vultu saltem  
hominem imitaretur, lavacri fonte fuit  
initiatus; & à brutorum grege semo-  
tus, humanæ societatis ipsum primò  
tædere videbatur; inquietus enim,  
anxius, & ad fugam propensus erat,

*Art. 15.* quasi in carcere seipsum detineri crederit : Donec, levatis contra murum manibus, pedibus tandem stare, uti infantes vel catuli solent, edoctus, & dapibus humanis paulatim assuefactus, post longum tempus cicuratur ; & verba quædam raucâ & inhumanâ voce proferre incepit. Interrogatus autem de Sylvestris vitæ cursu non magis recordatus erat, quàm nos meminimus eorum, quæ acta sunt, quando in incubulis vagivimus. Rex ipse, Plurimi Senatores, & multi horum locorum fide digni Indigenæ, mihi certò asseruerunt, & publica est & indubitata fama in tota Polonia, quòd nonnunquam infantes ab ursis aluntur. Dicunt enim quòd si infans ante fores, vel prope sepem, vel in agro ab incautis parentibus relictus à famelico urso in vicinia pascua summente corripereetur, in frustula statim discerptus, devoratur ; si verdà lactante ursa captatus fuerit, ad ursile vehitur, & inter ursulos, tanquam inter germanos fraterculos ; materno quodam amore potrectis uberibus nutritur ; & post aliquot annos à venantibus rusticis aliquando capitur ; uti anno 1669. casus alter huic nostro similis contigit, quem tunc temporis Varisaviæ se vidisse mihi

Puer inter  
ursos altus  
& captus.

mihi hic Londini jam asserit Excellen- *Art. 15.*  
tissimus Vir Joannes Petrus van den  
Brande Dominus de Cleverskerk ad  
Aulam nostram nunc Legatus Batavus.  
Quem casum fusiùs describam in tractatu  
de Regimine Regni Poloniæ quem brevi  
in lucem sum in vernaculo nostro ser-  
mone editurus.

Nunc quæso cui usui inserviebat Spi-  
ritus huic homini vitam inter ursos de-  
genti inditus. Nullo rationis exercitio  
ipsum gaudere constat, quia sui miseri  
status foret conscius, & ad humanum  
consortium fugeret, aut saltem inter  
homines degens, non foret pristinæ syl-  
vestris vitæ cupidus. Hinc arguere fas  
est quòd hominis sylvatici vita aut ani-  
ma non fuerit ipsius Spiritus, sed quod  
more Infantis recens nati, more apo-  
plectici hominis vel dormientis, & more  
brutorum vita ipsius à spontaneo Cor-  
dis, & intestino fluidorum motu unicè  
dependebat. Neque alia verè est in  
humano Corpore anima præter illam  
quæ ipsi communis est cum reliquis ani-  
mantibus, imò forsan & cum plantis;  
*Animantia enim sunt progressiva quedam  
vegetantia. Anima igitur, seu vita Cor-  
poris humani est involuntarius solidarum  
& fluidarum partium motus.* *Quid vita.* Qui motus



*Art. 15.* non à *Spiritu cogitante*, sed à mutuo utrorumque influxu procedit. Solidæ enim partes à *fluidis* seu à Sanguine, & nerveo fluido moventur; Sanguis vicissim & Spiritus animales à Cordis, aliorumque Organorum impulsu in motum cientur vitalem. Qui motus turbatus, auctus nempe nimis, vel diminutus, morbus vocatur; suppressus autem penitus, *Mors* ritè nuncupatur. Non ideo igitur vivit Corpus, quia ipsi cœlitus demissus est Spiritus cogitans, neque ideo moritur, quia eadem substantia cogitans ab ipso recedit; sed ideo vivit, quia partes solidæ sponte sua & juxta necessarias Naturæ Leges, sine ullo *Animæ* imperio, à fluidis, & fluida vicissim à solidis moventur: Et ideo extinguitur, quia utrorumque motus à veneno, morbo interno, vulnere, aut aliquo casu externo supprimitur. Quo semel suppresso *Spiritus cogitans* suas operationes perficere amplius non potest, ac proinde ab exanimi cadavere, ruptis quasi carceris repagulis recedit. Necesse quoque maximè erat, ut vita nostra ex libero fragilis & ventosæ voluntatis arbitrio non dependeat, ne præ timore aliquando, ira, furore aliove violento Animi affectu, vitales

Quid  
morbus.

Quid  
Mors.

tales Cordis & Sanguinis motus mentis imperio suppressere vellemus, mortemque nobilinet ipsis ferocientes inferamus. Sicque *statuas Naturæ Leges* in nostra foret potentia pro arbitrio violare. Quare providus Rerum Conditor pro nostra tutela longæ melius statuit, ut vita Corporis ab ipso Corporis motu, non verò ab inconstanti vindicis voluntatis nutu dependeat.

Non ideo creatus est homo ut vivat, sed ut vivus in reliqua non tantum animalia, sed etiam, quod longè difficilius est, in seipsum imperium exerceat; & ut sui Authoris imperio & legibus sese totum subjiciat. Bruta omnia ex sola materia in plurimas machinulas & elateres disposita componuntur. Homo verò solus non tantum ex materia, sed etiam ex Spiritu, & materia in Organicas quoque texturas formata coalescit. Quoniam itaque jam demonstravi quod materia Hominis seu Corpus ipsius vitam non mutuatur ab influentia *Anima cogitantis*, sed à proprio & insito motu, operæ pretium videtur hic ulterius investigare quinam verè sit *Anima rationalis* in humano Corpore usus & Officium.

Duplex

Art. 151

Duo sunt  
usus Ani-  
mæ in  
Corpore  
Humanó.

Tria sunt  
instru-  
menta A-  
nimæ.

Duplex est in nobis *Spiritus* cogitan-  
tis usus, *primus*, ut sit sensus *Author* ;  
*alter*, ut sit liberi motus arbiter ; ut in-  
quam ideas habeat & conceptus de suo  
Corpore, & de omnibus ambientibus  
corporibus tam nocivis quam salubri-  
bus ; & ut Corpus in motum agat, ut  
noxia Corpora fugiat, & proficua am-  
plectatur ; ut, brevi, Corpus nostrum  
juxta rationis normam gubernet & con-  
servet. Nunc itaque obiter videamus  
quomodo juxta *Oeconomia Animalis* Le-  
ges sensus & motus perficiuntur.

Ut *Spiritus* rationalis Corpora ex-  
terna percipiat, suumque Corpus li-  
berè moveat, tres illi subserviunt mini-  
stri, *Spiritus* nempe *Animales*, quinque  
*sensuum Organa*, & *Musculi* qui habent  
*Antagonistas*. Cor enim, *Diaphragma*,  
*Musculi* *Respirationis*, & cæteri, qui  
non habent *Antagonistas*, imperio Spi-  
ritûs non subjiciuntur. *Spiritus* Ani-  
males & quinque *Organa* simul, soli  
sensui sunt destinata. *Spiritus* anima-  
les & *Musculi* motui voluntario inser-  
viunt. *Spiritus* animales aerei sunt &  
invisible quædam aura vitalis, qui in  
*Cerebri glandulis* à *Sanguine* secernun-  
tur, & per *nerveos canaliculos* per to-  
tum Corpus motum & sensum largituri  
dispen-

dispensantur, & sese habent seduli instar *Art. 15.*  
& officiosi nuncii inter Animam, quin-  
que Organa, & Musculos. Animæ e-  
nim denunciant, quæ aguntur in Orga-  
nis; & in Musculis excitant motus quos  
imperat Anima. Duo autem hic nobis  
præcipuè incumbit inquirere, *quomodo*  
*nempe primò Spiritus animales submini-*  
*strant animæ ideas Corporum externorum,*  
quæ vel sono suo nervos aurium feriunt,  
vel colore & lumine Nervos Opticos  
percutiunt, vel odore Nervos nasales  
Membranae pituitariæ vibrant, vel sa-  
pore nerveas linguæ papillulas titillant  
aut vellicant, vel contactu Nervos cu-  
tis premunt. Et *secundò, qua Lege iidem*  
*Spiritus animales ita nutui Animæ subji-*  
*ciantur,* ut juxta conceptas rerum ideas  
voluntarios in Musculis motus ex men-  
tis arbitrio producant.

Prolixum nimis hic foret abditam  
Spirituum animalium Naturam, diver-  
sam quinque Organorum structuram,  
& genuinam Musculorum texturam  
describere. Quare satis erit obiter  
observare, quod quinque Organa &  
Musculi omnes, præter Cor, innume-  
ras nervulorum propagines à cerebro  
recipiunt; quod per eosdem nervulos  
continuo depluunt roris instar à cerebro  
insensiles



**Art. 15.** insensiles Spirituum animalium rivuli, sensus in Organis, & motus in Musculis parentes. Ut itaque sensatio fiat, Spiritus animales ab Organo sensorio ad cerebrum resuere debent, ut illuc objecti externi imaginem animæ advehant; ut autem motus peragatur, iidem Spiritus animales à cerebro cursu contrario ad musculos in majori quàm sponte sua solent, copia, ex animæ imperio mandari debent. Nunc igitur breviter videamus qua mechanisimi lege sensus & motus in nobis producuntur.

Quomodo  
fit sensatio  
in quin-  
que Orga-  
nis.

**Auditus.**

**Visio.**

Sensatio, primò, seu objecti perceptio, necessaria quadam *Motus Lege* in quinque Sensuum Organis perficitur. Quoad *Auditum*; *Sonus*, seu aer undulatione quadam vibratus, ab *Aure externa*, tanquam à concava quadam concha collectus, in *Tympanum* irruit, illudque retrò pellit: Tympanum aetern sic retrò pulsum appensa ossicula, *malleum* nempe, *incudem*, *stapedem*, & *Os Orbitulare* retrorsum contra nervulum auditorium ponè in *labyrintho* & *ductibus semicircularibus* ad vestibulum *fenestra ovalis* & *rotunda* situm, urget, eundemque premit, quam pressionem sequitur perceptio soni. Quoad *Visionem*; co-  
tores,

lores, seu radii luminis ab objecto reflexi *Art. 15.*  
 membranam oculi corneam, aqueum, cry-  
 stallinum, & vitreum humorem refracti  
 permeant, donec ad *retinam*, seu nervum  
 opticum in fundo Oculi situm perveni-  
 unt, illumque leviter concutiunt & pre-  
 munt; hæc pressio visionis causa est. Quo-  
 ad *Olfactum*, ab odoriferis Corporibus *Olfactus.*  
 salina exhalant miasmata, quæ nerveas  
 naris fibrillas irritant, & comprimunt,  
 cujus compressionis effectus est Olfactus  
 seu perceptio Odoris. Salia quoque  
 vel salina Corporum principia lanugi- *Gustus.*  
 nosos nervulorum lingualium villos  
 pungendo & comprimendo saporem ad  
 cerebrum transmittunt. Corpora quo-  
 que cutaneos nervos premendo, solidi- *Tactus.*  
 tatem suam vel fluiditatem, asperita-  
 tem vel lævitatem, calorem vel frigus,  
 figuram, aliasque sensiles qualitates A-  
 nimo repræsentant. Omnes igitur *Sen-* *Modus*  
*sationes* fiunt à nervorum contactu & *sensationis.*  
 compressione, hoc modo: omnes nervi  
 canaliculo exilissimo pervii sunt, per  
 quem tubulum Spiritus Animales ad  
 omnes Corporis partes jugiter vehunt.  
 Quando igitur aliquis nervus compri-  
 mitur, meatus ipsius coarctatur, vel  
 penitus occluditur; unde *Spiritus Ani-*  
*males* à cerebro defluentes per coarcta-  
 tum

**Art. 15.** tum ductulum iter pergere non possunt, ac proinde undulatione quadam refluerere coguntur, & in cerebrum quodammodo respui, ibique sui nervi originem concutientes Animam eorum, quæ in Organo acta sunt, certiore & consciam efficiunt.

**Textura  
Musculi.**

**Quomo-  
do sit mo-  
tus Muscu-  
laris.**

Motus quoque *Muscularis* necessario causarum mechanismo producitur. Omnis nempe musculus multis staminibus seu fibrillis cavis constat; omnes hæ fibræ si non in tota sua longitudine, saltem versus medium laxæ, raræ & dilatabiles sunt; per cavitatem cujusque fibræ sanguis jugiter affluens circulatur; & ad quamlibet fibram fluidum nervorum à cerebro continuò depluit per appensos nervos. Unde fibræ omnes Musculares Sanguine & Spiritibus semper turgidæ, tensæ sunt, & quasi contractæ; contractis autem pari virium robore fibræ antagonisticis, pars cui affiguntur, uti malus nautica oppositis rudentibus distracta, flecti, extendi, aut aliquaversus moveri non poterit, sed in constanti quodam contractionis æquilibrio immota retinebitur. Si autem jussu Animæ major fluidi nervei copia à cerebro demittatur ad unum musculum quàm ad alium, ad extensorem nempe muscu-

musculum, quàm ad flexorem, exten- Art. 15.  
sor geminato contractionis impetu re-  
nitentiam antagonistæ superabit, &  
partem extendet.

Hucusque igitur quanta potui brevi-  
tate perpendi quantum quinque Orga-  
na, Musculi, & Spiritus Animales in-  
ternuncii, sensationi, & motui muscu-  
lari producendis conferunt. Clarè  
enim patet, quòd compressis nervis,  
fluitantes in ipsis Spiritus Animales ad  
cerebrum refluere coguntur; & quòd  
demissis iisdem Spiritibus à Cerebro in  
majori quantitate ad unum musculum  
quàm ad alium, musculus qui iisdem est  
magis saturatus & turgidus partem ap-  
pensam ad se contrahere debet. Quo-  
modo autem Spiritus Animales Cor-  
porei ad cerebrum refluentes, rerum  
corporearum imagines *Anima cogitanti*  
*incorporea* communicant, & quomodo  
eadem Anima cogitans ex voluntatis  
suæ arbitrio Animales Spiritus ad unum  
musculum potius quàm ad alium in ma-  
jori copia determinet, neque experi-  
mentis Chymicis, aut Anatomicis, ne-  
que ex ullo *Medicina* aut Rationis prin-  
cipio, neque ulla *Spiritus cum Corpore*,  
aut *Corporis cum Spiritu* affinitate, ne-  
que ex efficaci ulla alterutrius virtu-

Imperium  
Animæ in  
Corpus, &  
influxus  
Corporis  
in Ani-  
mam.

te,



Art. 15. te, neque ex ulla prorsus *Natura* vel *Motûs* *Lege* mechanicâ deducere possumus.

Ad solam igitur *Supremi Numinis* potentiam & voluntatem recurrere necesse est, ut non tantum motum à Corpore in Corpus transmissum, sed etiam mutuam *Animæ* in Corpus, & Corporis in Animam influxum explicemus. Statuere itaque meritò licet, quòd quoniam Deus *Animam* *Corpori*, diversas naturâ substantias, connubio quodam simulassociavit, *Leges* quasdam, & quasi *pacta conventa* inter utrumque sancivit, quibus aeterno sui decreti sigillo munitis, in sese mutuo operarentur, uti ex statutis *Motûs* *Legibus* Corpora omnia reciproco quodam impulsu sese movent. *Leges* autem *Animam* inter & Corpus stabilitæ, duæ tantum hæ recenferi possunt.

Nimirum quòd

- 1<sup>o</sup>. *Juxta* *peculiares* in *Humano* *Corpore* *Motus*, *peculiares* in *Anima* *excitantur* *idæ*.

Et

## Et quod

2°. *Juxta diversas Anima Cogitationes, & Affectus, peculiares in Corpore motus vicissim producentur.*

Hi autem reciproci affectus & effectus ab Anima ipsa, aut à Corpore, verè non producentur, sed ab Illo solùm qui Leges has inter utrumque pepigit. Illius enim solius est Legum tenorem conservare, & Legum mandata exequi, qui Leges condidit; ac proinde Supremus Legislator non erit duntaxat *Motus Corporum* & effectuum eorundem causa unica, sed etiam Cogitationum Animæ, saltem primigeniarum, Perceptionum, & Sensationum omnium immediatus Author. Primæ, inquam, Rerum Ideæ, nobis ad præsentiam Rerum ipsarum per quinque sensuum Organa cælitus infusæ sunt. Quando enim primò vidi Elephantem, Anima mea non potuit esse hujus visionis causa, quia licet Anima, cum libero semper agat arbitrio, Elephantem aperto oculo posset non vidisse; motus quoque *fluidi nervi*, aut ipsorum oculi nervorum *vibratio* non potuit in Anima mea primam Elephantis

Uti Deus  
est Motus  
immediatus  
causa, sic  
& Cogitationis est  
unicus Author.

*Art. 15.* imaginem natura sua verè depingere, quia cùm motus unius Corporis, ut supra innui, non potest esse vera causa cur aliud Corpus moveatur, multò minùs motus fluidi Corporei in re incorporea effectus ullos producet. Unde sequitur quòd motus Spirituum Animalium est tantùm *Occasio* cur Anima Cogitet; & Voluntas Animæ est tantùm *Occasio* cur Corpus humanum, aut aliqua ipsius Musculea pars à supremo *Motùs* Authore juxta statutæ Legis tenorem in motum liberè cieatur.

Quamvis autem Spiritus noster *primarias Rerum Ideas* sibi ipsi, insita quavis vi, aut virtute propria, formare non valeat, sed illas tantùm ex *statuta Lege* aliunde advenas passiva recipiat; receptas tamen semel ideas simul associare, à se disjungere, in *Rationis* formam illas connectere, unam ideam ex alia inferre, unum velle, aliud nolle, hanc propositionem admittere, illam rejicere, aliasque complexas *Animi operationes*, juxta, imò aliquando contra, recta *Rationis* principia, nunc sibi consonus, nunc interæstuosas *Cogitationum* procellas sibi dissonus & quasi naufragus cum libero *Voluntatis* exercitio producere potest.

## ARTIC. XVI.

## De Statu Animæ super naturam.

EXtra præfixos Instituti, imo Ingenii *Art. 16.*  
 mei limites foret, de *Animâ* ab  
 extincto Corpore separatâ sermonem  
 habere. Quare de cælesti ejusdem, vi-  
 vo adhuc Corpori unitæ, supra *Unio-*  
*nis* suæ *Leges* elevatae statu, propositæ  
 Methodi Ratio hic tantum tractare po-  
 stulat. Cum itaque Corporum status  
 super naturam, & *Animæ Cogitantis* sta-  
 tum secundum naturam quantâ potui  
 perspicaciâ & brevitate illustrare ten-  
 taverim; congruum quoque erit *Mi-* *Miracula*  
*raculosos Animæ Status* pari rationis *Animæ:*  
 scrutinio in Operis complementum ex-  
 plorare; ut uterque *Materia & Spiritus*  
 status innotescat, & immensa summi  
 Conditoris potentia plenius eluce-  
 scat.

Hic superius observavi sedulo, quod  
 uti Motus Corpori, sic Cogitatio Ani-  
 mæ inditur; Atque ita quoniam Cor-  
 pus quodvis ex alterius irruentis Cor-  
 poris occasione movetur; Anima pari-



Art. 16. ter ex Objectorum externorum quinque sensuum Organa ferientium, & sui imagine afficientium præsentī occasione cogitabit. Cogitabit igitur Anima de iis tantum objectis, aut saltem ea tantum objecta clarâ Mente concipiet, quæ Sensus Organa percutiunt. Sola autem Corpora Sensuum Organa feriunt; ac proinde sola Corpora, non verò Spiritus, clarā sui imaginem seu ideam per Sensuum nervulos ad commune Cerebri Sensorium transmittent, & Animæ imprimēt. Potest quidem Anima de multis Rebus cogitare, imò potest certior esse de multarum Rerum existentia; quarum Naturam, utpote abditam, penitus ignorat, imò non potest non ignorare. Nihil autem perspicuè concipere potest, nisi quod mole sua, utcunque exigua, aut materiæ contactu Sensuum Organa immediatè afficit. Unde quò diutius Sensus nostri Objectis externis assuesfacti fuerunt, eò luculentiori *Conceptuum* seu *Idearum* numero & serie sapiemus. Quare mirum non est quòd Infantes recens nati nullos habent, aut saltem paucissimos Rerum *Conceptus*: Senes verò innumeris Ideis sint cogitabundi. Hæ autem Ideæ non exhibentur Animæ ex innata ulla aut in-

Anima nostra non  
nisi sola  
Corpora  
verè concipit.

sita

sita Organis virtute, sed ex sancitis, *Art. 16.*  
quas suprâ recensui, Sensus inter & A-  
nimam Legibus. Nunc igitur videamus  
utrum everso vel suspenso harum *Le-*  
*gum* ordine, status Animæ super natu-  
ram concipere valeamus.

Dubitandum non est quin Deus, uti  
*Motûs Leges*, sic quoque Animæ & Cor-  
poris Leges, quas ipse liberè stabilivit,  
pro arbitrio, & prout necessitas postu-  
labit, suspendere valeat. Suspensis  
autem semel his Legibus, æquè clarè  
miraculosi Animæ status explicabuntur,  
ac status ipsius secundum naturam jux-  
tas statutas jam ipsius Leges explicari  
possunt. Cùm autem hæ Leges præci-  
puè sint quoddam affectus Corporis animo  
advehantur, Affectus Animi in Corpus  
influant, & quod Cogitationes Animi  
ab Organis Sensuum dependeant; su-  
spensa duplici modo harum Legum vir-  
tute & tenore patebit,

Quodd,

1<sup>a</sup>. *Anima poterit cogitare sine ulla facta* *Leges Ani-*  
*in Organis Sensuum impressione.* *mæ dupli-*  
*ci modo*

*suspen-*  
*duntur.*

O 3

Et

## Et quòd

2°. *Factâ in Organis Sensuum Impressione,  
Anima poterit non cogitare.*

Quoad primam suspensæ Legis Regulam obvium cuique patet, quòd quoniam Anima, ut suprà probavi, objecta externa non percipit ex efficaci ulla aut insita ipsorum virtute, sed quia ex eorundem præsentium, & Sensus Organa serientium *Occasione*, ut in Corporum motu diximus, supremus Motor solâ voluntatis suæ efficaciam objectorum imagines passivæ menti immediate infundit; poterit summus Opifex, uti unum Corpus movere potest sine occasione alterius Corporis impellentis, sine ulla objectorum impressione, imò nè quidem eorundem præsentia, *Rerum Species* Animæ repræsentare.

Unde planè sequitur quòd<sup>a</sup> Homo quivis sine ullo studio, sine ullis præceptis, & sine ullo prorsus Animi labore, poterit, etiam post<sup>b</sup> ortum rerum adhuc omnium penitus ignarus, clario-

ri longè ingenii lumine multò plura sci- *Art. 16.*

re, quàm nos innumeris experimentis, fervido rationis scrutinio, diuturno cum hominibus commercio, & continuis lucubrationibus post longam annorum seriem & experientiam addiscimus.

Nec tantùm veram, uti in se est, *Rerum*

<sup>e</sup> *Naturam* & *Esse* clarâ mente ipse concipere, sed etiam eandem aliis sub aptis diversorum sonorum seu <sup>d</sup>linguarum vocabulis exprimere poterit. Poterit

Miracula  
primæ Le-  
gis suspen-  
sæ.

quoque non tantùm immutabilem *Rerum Essentiam*, sed etiam mutabiles fluxilium & caducarum *Rerum* <sup>e</sup> *Effectus*, & dubios <sup>f</sup> *Eventus* in veracem & apertâ mentis arêâ insculptos, & tanquam in fido speculo sine larvâ aut fuco expressos cernere. Ex eadem Lege poterit quæ ante multa sæcula evenerunt certò <sup>g</sup> *di-judicare*, & quæ post multa sæcula e-ventura sunt, certo vaticinio <sup>h</sup> prædicere. Ex eadem *Suspensa Lege* latentem <sup>i</sup> *somniorum*, aliarumque <sup>k</sup> *Mystica-rum Rerum* Sensum cæco caliginis velo obductum explicare, & in apertam lucem proferre valebit. <sup>l</sup> *Spectrorum*, *Lemurum*, aliorumque *Umbratili-um Phantasmaton* *Imagines* *Mentis aciei* obijci possunt contemplandæ, etsi sen-



Art. 16, suum Organa verè non afficiant. Brevi omnes Rerum<sup>m</sup> Conceptus, qui officioso quinque sensuum Ministerio juxta *Statutas Unionis Leges* paulatim instillantur, sine ullo prorsus sensuum auxilio suspensis iisdem Legibus à Supremo Legislatore subito infundi possunt.

Miracula  
secundæ  
Legis sus-  
pensionæ.

Quoad secundæ Legis suspensionem patet, quòd uti Anima poterit objectorum Imaginès persentire sine ullâ factâ in Organis sensuum impressione; sic factâ in iisdem impressione poterit pari ratione nihil percipere. Unde sequitur quòd, etsi toto Corpore sim sanus, & nullo somno, veterno, aut Apoplexiâ correptus, possem in clarâ meridie<sup>n</sup> adstantes Homines, aut aliud<sup>o</sup> obvium Corpus apertis Oculis non videre; etsi Aër Tormentorum bellicorum tonitruis totus personet, possem nihil audire; etiamsi Corpus meum unguibus, hamis, forcipibus dilanietur, etsi spinas, aciculas, clavos acutissimos manibus tractarem, & manum in aquam fervidissimam, in *Aquas Stygias*, imò in medias ardentissimas flammâs comburendam immitterem, possem, quasi in *Extasi* vel *Catalepsi*, mente captus<sup>p</sup> nihil

hil omninò perſentire. Cum enim, *Art. 16.*  
 ut jam ſupra innui, *Spiritus noſter cogi-*  
*tans* objecta non percipiat ex eo verè  
 quòd Senſuum Organa percutiant, ſed  
 quia ex occasione hujus percuſſionis in  
 Organis factæ ſummus ipſe Archetypus  
 in Anima ideam eorundem excitare dig-  
 natur, poterit, ſuſpenſo aliquandiu  
 voluntatis ſuæ decreto, nullam ideam,  
 aut ſaltem non niſi <sup>9</sup> peculiarem, Ani-  
 mæ inſundere: Etiamſi mille objectis  
 omnia Corporis Organa in eodem tem-  
 pore afficiantur. Nec hoc ita ſtupendum  
 eſt cum ex ſumma Animi rei alicui ap-  
 plicatione, homines aliquando ſine ſen-  
 ſu & motu, membris rigidi, apertis o-  
 culis, tanquam vivæ ſtatuz, in Cata-  
 lepfim incidant; uti Philiatro cuidam,  
 dum monſpeliū moratus fuerim, ex ni-  
 mio ſtudio contigit, cujus Affectum *ca-*  
*talepticum* in Tractatu meo de *Antris*  
*Lethiferis* obiter recensui. Certum e-  
 nim eſt, quòd, cum Anima non poteſt  
 ullatenus cogitare niſi de unica tantum  
 re in eodem temporis instanti, ſi de  
 hac unica re ſumma cum attentione co-  
 gitaret, non poterit ullatenus aliorum  
 objectorum Organa ferientium imagi-  
 nes in eodem momento percipere.

In

*Art. 16.* In angusto hujus Opusculi gyro quantâ potui brevitate & solertiâ conatus sum, utrumque *Materia & Spiritus*, seu Corporis & Animæ, statum, *Naturalem* nempe & *super Naturam*, non observare duntaxat, sed etiam quanto potui ingenii Acumine concipere, & ad *Vigentes, vel suspensas Legum Motûs Regulas* aptè reducere; ut pateat, quantum vera Medicinæ Principia, firmis Experientiæ & Rationis fundamentis, *Chymia*, inquam, & *Anatomia*, tanquam duplici fulcrô innitentia, non tantum abditis Rerum naturalium Causis detegendis, verum etiam miraculosis Causarum Supernaturalium Effectibus illustrandis inservire valent. Mihi autem non vacat, nec convenit, ulterius progredi; meum enim non est *Motûs Leges cum Morum Legibus comparare*; nec quantum ille his confirmandis conferunt indagare. Quare, quæ de Naturali & Miraculoso Rerum Statu hætenus proposui, maturo Eruditorum judicio emendanda subijicio; nec non probis & sagacibus Rerum Sacrarum Præconibus Fidei Mysteriis, patefacto itinere, applicanda relinquo


linquo. Uti enim *Ipsi* conservandæ  
Animæ Saluti totos se consecrant,  
sic *Ego* restaurandæ tantum Corporis  
Humani Valetudini totum me devo-  
veo.

---

FINIS.

---





Loca hæc ex *Bibliis* collecta in  
*Appendicis* modum hic subjungi  
volui, ut ad *Notas* per totum  
Librum passim dispersas, suo  
quæque ordine, apte referantur.

Pag.		
2	a	<b>R</b> Om. 2. 14, 15.
	b	Exod. 20. 2 Tim. 3. 15, 16, 17.
	c	Gal. 1. 11, 12, 1 Cor. 11. 23.
		Matt. 28. 19. 19, 20. 1 Cor. 9. 16.
3	e	{ Marc. 16. 20. Heb. 2. 4.
	g	
	f	
	g	
		{ Heb. 12. 18, 19, &c. Exod. 19. 20.
4	h	Luc. 24. 37, 39.
11	a	1 Theff. 5. 23.
62	a	Pfalm. 72. 18.
	b	Joan. 3. 2. 9. 30, 32, 33. 10. 21.
63	c	Act. 15. 12.
69	a	{ Gen. 1.
	b	

Gen.

Pag.

- c Gen. 5. 24. 2 Reg. 2. 11. Marc. 16. 19.  
Act. 1. 9.
- 70 d Matt. 27. 51.  
e Exod. 14. 21, 22.  
f Gen. 7. 11.  
g Exod. 10. 21,  
h Matt. 27. 52.
- 71 i Joh. 20. 19.  
k Joh. 11. 39, 44.  
l 2 Reg. 5. 14, 27.
- m  
n  
o } Luc. 7. 22. Matt. 15. 30, 31. Act. 8. 7.  
p  
q
- 72 r Luc. 1. 20, 22. Act. 8. 18.  
s Num. 16. 46.  
t Lev. 13. 3.
- 73 u Luc. 22. 44.
- 77 x Joh. 2. 9.  
y Exod. 7. 20.  
z Joh. 6.  
1 2 Reg. 4. 4, 5.  
2 Exod. 7. 10.  
3 Exod. 8. 16.  
4 Gen. 2. 7.  
5 Gen. 19. 26.
- 82 a Dan. 6. 22.  
b Joh. 1. 17.

Dan.

Pag.		
83	c	Dan. 3.
	d	Exod. 3. 3.
84	e	} Exod. 34. 28.
85	f	
	g	
87	a	Jos. 3. 16.
88	b	Jos. 10. 13.
	c	Act. 5.
	d	Exod. 14. 22.
89	e	Matt. 14. 25. 29.
	f	2 Reg. 6. 6.
91	g	} Act. 1. 9.
	h	
	i	
107	a	Matt. 1. 18.
109	b	Luc. 2. 6.
113	a	Gen. 2. 7.
123	b	} Gen. 2. 21, 22.
	c	
124	d	} Gen. 1. 12, 120.
	e	
125	a	Matt. 28. 8.
128	b	} Matt. 27. 52.
130	c	
137	d	} 1 Cor. 15. 42, &c.
155	e	
• 159	f	
	g	
168	a	Gen. 2. 22.

Exod.



Pag.		
198	a	Exod. 35. à v. 30. ad fin. cap.
	b	2 Genes. 19. 20.
	c	1 Reg. 4. à v. 28. ad fin. Marc. 16. 17.
199	d	Act. 2. à v. 4. ad v. 12. Act. 19 5.
	e	1 Cor. 12. à v. 4. ad v. 12.
	f	2 Reg. 6. à v. 8. ad 13.
	g	2 Tim. 3. 16.
	h	Is. 44. 28. Dan. cap. 7. 8, 9, 10, 11.
	i	Joel 2. 28. Act. 2. 17, 18.
	j	Gen. cap. 37. 40, 41. Num. 12. 6.
	k	1 Reg. 3. 5. Dan. cap. 2. & 4. Matt.
	l	1. 20. Joel 2. 28. Act. 2. 17, 18.
	m	Dan. 5. 25, &c.
	n	Act. 10. à v. 10. ad 18. Act. 22. 17, 18.
200	o	Joh. 14. 26. Act. 9. 1 Cor. 12. 9. Heb.
	p	11. Matt. 17. 20. Gen. 22. Exod. 3. 20.
	q	1 Reg. 19. 12. Matt. 3. 17. 9. 35. Joh.
	r	12. 28. Act. 9. 7, 10. 2 Pet. 1. 17.
	s	2 Reg. 6. 18, &c.
	t	Dan. 3.
201	u	Luc. 24. 16.

FINIS.

1

---

Nobili Viro  
**D. EDVARDO SOUTHWEL**  
Cl. ROBERTI SOUTHWEL,

Equitis Aurati, sæpius antehac Societatis Regiæ Lond. Præsidis,

FILIO, Ejusdem Societatis Socio;

Tentamen suum Epistolare

**De Secretione Animalī,**

BERNARDUS CONNOR.

**T**IBI, Vir orpate, notum factis est, quod inter varias corporis nostri Partes vix ulla occurrunt Organa, quarum textura & munia ancipites Eruditionum animos magis torqueant, quam *Glandula*. Quoniam itaque plurimi varia, & pauci vera de illis judicia protulerunt, liceat mihi hic, Vir meritissime,

A 2      time,

sime, Tibi, tanti Parentis vestigia sequenti, in meæ erga Te, Patremque, observantiæ testimonium, quanta possum brevitate, proponere, quid de glandularum usu, & de humorum Secretione, post diuturniorem indaginem verisimillimum videtur.

Quid vitæ  
& quomodo conser-  
vatur.

Corporis Humani *vita est mutuum Partium solidarum in fluidas, & fluidarum in solidas partes influxus*; qui influxus a jugi sanguinis circuitu & fermentatione reliquorumque humorum motu conservatur. Sanguis ipse à cordis, tanquam ab hydraulicæ machinæ; motu, in orbem agitur, & agitur motorem suum in motum vicissim concitat. Fermentatio sanguinis ab intestino principiorum ejusdem certamine fovetur. Ex perenni autem hacce particularum sanguinis lucta & conflictu, Elementa ejusdem, salina præsertim, atteruntur nimis, & eorundem paulatim abraduntur anguli, donec fermentationi tandem & calori vitali fovendo inepta redduntur. Quare novæ indies & dissimiles particulæ ab ingestis alimentis in

Necessariæ  
sunt glandulæ in  
corpore humano.

ventriculo extractæ admisceri debent. Ne autem à diuturno *Chyli* accessu vasa sanguifera nimis turgeant, aut disfruantur, sanguinis ramenta, seu effœta cor-

corpuscula à sanguine secedere debent, ut adventanti *Chylo*, & *fermentationem* inituro, locum cedant; unde innumera hinc inde per totum corpus diffusa sunt *Glandulae* seu filtra, in quibus debellati hujusmodi & vappescentes latices fecernuntur, hinc foras extra corpus confestim amandandi. Uti in Renibus copiosa *Urina*, in Glandulis cutis miliaribus *Sudor* & *transpirationis materia*, in utero *menstrua*, necnon in Testiculis *fermentum Viri seminale*, filtrantur. Nec tantum excrementitii, sed etiam utiles humores e sanguine, in sanguinem redituri, colantur. In Glandulis oculorum *Innominatis Lachrymae*, in membrana nasi pituitaria mucus narium, in Parotidibus & buccarum glandulis saliva, in ventriculo fermentaceus succus, in Hepate bilis, in Pancreate & Glandulis Intestinorum Lymphaticus liquor, cribrantur. Qui omnes humores cum Chylo ad sanguinem, tanquam ad primi, ex quo orti sunt, Parentis gremium revertuntur. In variis Corporis partibus pellucidus quidam liquor, qui *Lympha* vocitari solet, fecernitur, ad sanguinem pariter rediturus. In glanduloso Cerebri Cortice, & in Medulla Spinali, tenuissimum & invisibile

Diversi  
succī qui  
in glandu-  
lis secer-  
nuntur.



fluidum percolatur, per nervos ad sanguinem, ex quo derivatur, refluxurum, quod *Spiritus Animales* vulgo nuncupari solet.

Coccinei igitur Laticis massa, Oceani instar, qui varios rivulos per ambigiosos *Telluris* meatus ad superficiem ejusdem emittit, eosdemque denuo peracto circulo in suum sinum ebibit, diversos Humores in plurimis colatoriis deponit, eosdem rursus in sui Torrentis gremium absorpturus. Quamvis tamen omnia hæc fluida ex eodem fonte, nempe ex purpurea massa sint oriunda, natura tamen longe diversa sunt; *illis* enim à *Lympha*, *Urina* à *Seminis*, *Spiritus Animales* à saliva, Sudor à *Lachrymis*, Cerumen aurium ab humore Pericardii & ab Adipe, non tantum juxta sensuum testimonium & scrutinium, sed etiam juxta rationis indaginem, in manibus & ulibus longe discrepare videntur. Hic autem animus est quanta possum solertia breviter investigare, quomodo fit filtratio Humorum in glandulis, & quomodo diversi Humores in diversis Colis secernuntur; quod ut rite peragatur, Glandularum structura prius erit obiter delineanda.

Secreti  
humores  
natura di-  
versi sunt.

Plu-

Plurimi hæcenus existimarunt quod *Glandula* nihil aliud fuerint quam *vena*, *arteria*, *nervi*, & *alia vascula in nodum vel glomum complicata*. Hæc autem Opinio non tantum nullo experimento fulcitur, sed etiam *filtrationis* naturæ repugnat. *Filtratio enim est peculiaris cujusdam Fluidi à sanguine per Glandulas quasi per cribra, Secretio*. Concipi autem non potest, quod vasa, quæ sanguinem vehunt, utut contorta, ipsa eadem aliquem liquorem à sanguine separant. Sanguis enim ab arteriolæ pilosæ extremo, per mediam *intercapedinem*, in hians adstantis venulæ ostiolum transmissus, nihil sui, aut à se, deponere potest, nisi quamdiu adhuc in arteriola fluit, vel dum in venula gliscit, vel quando ab extremo unius in osculum alterius per medium intervallum præterlabitur. Nullus autem Humor à sanguine adhuc in arteriola contento, aut à venula absorpto, secerni potest. Unde in solo interjacente spaciolo percolari debet. Ibidem quoque filtrari non potest, nisi bibulum & cribriforme occurrat colum seu *Glandula*, per cuius hiantes porulos transire valeat. Innumeræ igitur *Glandularum*, seu *vesicularum*, ut vult *Cl. Malpighius*, mul-

*Glandulæ non sunt vasa complicata.*

*Quid filtratio.*

tis

Glandulæ  
congloba-  
tæ & con-  
glomeratæ

tis foraminulis perviarum Myriades, per totam passim Corporis Humani machinam disseminatæ reperiuntur. Quædam *conglobatis acinis* haud dissimiles, cavarum Partium parietibus *solitaria* adherent; uti observari potest in membrana Narium *pituitaria*, in membrana internas fauces & tracheam arteriam investiente, in œsophago, in tunica villosa Ventriculi, Intestinorum, in Utero, in basi Cordis, in Cute pro sudore filtrando, & in Carne musculosa pro secernenda Lympha. Aliæ vero Glandulæ in cumulum *conglomeratæ* sunt, & pluribus furculis uni caudici insertis racemorum instar implantatæ adherent. Ulti Cortex Cerebri, *medullium Medullæ Spinalis*, Glandula Pituitaria, Glandulæ Lachrymales, Parotides, Thyroides Glandula, Amygdalæ faucium, Thy-mus, Hepar, Pancreas, Renes, Testes, Glandulæ inguinales, Axillares, Mesenterice & Aliæ, & Renes Succenturiati. Omnes Glandulæ extus convexæ sunt, intus concavæ & vesiculares præter Testes: qui soli, ut mihi Romæ, memini, innuit paulo ante obitum sagacissimus Glandularum scrutator *Malpighius*, vasculares, rubulosi, & in tota longitudine, tibiæ instar muscæ, perforati sunt;

ut

ut feminale Viri fermentum in contortis hisce, & quasi serpentinis ductibus rectius elaboratum, grande Generationis opus efficacius moliatur.

Unaquæque igitur *Glandula est membranula cava foraminulis pertusa*, arteria, vena, nervo, & excretorio vasculo stipata. Ab arteria sanguinem recipit, non tantum ut nutriatur, sed etiam ut à sanguine per foraminulas, cribri instar, peculiarem quendam succum secernat, & per excretorium ductulum ad destinatum locum amandet; Vena residuum sanguinem ad cor revehit, nervus autem spirituosum fluidum à cerebro advehit, qui foraminularum Sphincteres, seu circulares pororum fibrillas subiens, eosdem ad debitum tonum contrahit & angustiam, ut proprius humor non tantum in ea, in qua par est, quantitate, sed etiam ut sine aliorum liquorum consortio à cruore impermixtus, secernatur. Si enim præ Spirituum Animalium inopia laxata nimis sint Glandularum ostiola, filtrandus succus purus non erit, sed aliis fluidis comitatus inquinabitur; unde effectus evadet, & destinato usui minus idoneus. Uti in teneris infantibus, & in vietis senibus observare licet;

Quid Glandula.

Ufus spirituum animalium in glandulis.



Quare in-  
fantes &  
f. nes debi-  
les sunt.

Ætas ca-  
duca &  
mors natu-  
ralis.

cet; quibus, præ virium, seu fluidi ner-  
vei defectu, Glandularum fores nimis  
apertæ sunt & tensiles; unde serum &  
reliqui sanguinis liquores cum fecer-  
nendo succo promiscue præterfluent;  
sicque omnia corporis infantilis & se-  
nilis fermenta longe debiliora erunt,  
& multo segnius operabuntur, quam  
fermenta juvenum; qui vividiori san-  
guinis motu incalescunt, & uberiori  
Spirituum Animalium proventu luxu-  
riant. Hinc digestio, motus progres-  
sivus, & reliqua corporis atq; animi  
munia in senibus paulatim elangue-  
scunt, donec laxata tandem, & ener-  
vata colatoriorum compage, sanguis  
neq; laudabili *Chylo* reparatus, neq; de-  
bita filtratione depuratus, vappescit  
indies; & cessante demum ipsius cir-  
cuitu & fermentatione, mors natu-  
ralis, nullis forsitan aliunde morbis accele-  
rata, sponte sua furtim obrepit, &  
vitæ terminum præcludit.

Quilibet itaq; acinus glandulosus à  
circumeunte sanguine peculiarem suc-  
cum per apertas *laminula interioris* fora-  
minulas in cavitatem suam exugit; quem  
hinc aliorsum per appensum & hian-  
tem canaliculum transmittit; cana-  
liculi autem ab omnibus *Glandula con-*  
*glomerata*

*glomerata* globulis cavis & cribrosis, tanquam totidem radiculi, in unum truncum abeunt, ut sese fortius sustineant, & ut *Acinos glandulosos*, qui aliunde fluxiles forent, in constanti situ alligatos, frænulorum instar, cohibeant. Ubi autem tubuli hujusmodi excretorii strictius sibi cohærent, & transversis aut decussantibus staminibus carneis, & contractilibus, tanquam in retiformibus intervallis, implicantur, & corroborantur; textura Glandulæ firmior longe & robustior erit; hinc est quod Renes Hepate, Parotides Testibus, Pancreas, Thymus, & reliquæ Glandulæ lymphaticæ glandulosa Cerebri substantiâ compactiora sunt.

Textura  
Glandularum.

Ex his itaq; clare percipitur quomodo Humores à sanguine per glandulosa hujusmodi filtra secernuntur; mirum enim non est quod, appellente ad bibulos Glandularum porulos sanguine, Humores quidam per eosdem, tanquam per setaceum, aut per manicam Hippocratis, transcolentur. Stupendum autem videbitur, quod peculiaris quidam humor in qualibet glandula constanter filtretur, quod, inquam, Bili in solo semper Jecore, Urina in Renibus, Semen in Testibus, Lympha

Quomodo  
fit filtra-  
tio.

Quomodo  
peculiaris  
humor in  
qualibet  
glandula  
secernitur.

De Secretione Animalī.

in Glandulis Lymphaticis, Spiritus Animales in Cerebro tantum, & reliqui Humores in proprio quisq; loco seorsim impermixti fecernantur. Mirum censebitur quod Urina, seu *Serum sanguinis*, quæ fluida maxime est, per Hepātis acinos non transeat, cum easdem Bilis, quæ crassior longe est, pervadat. Quare Lympha, quæ tenuis satis est & limpida, vasculares Testiculorum Glandulas non permeet, cum spermaticus succus, qui viscosus est & consistentia crassus in iisdem filtretur; & quare Spiritus Animales, his omnibus longe tenuiores, per Glandulas Salivales, Stomachicas, Intestinales, Nasales, & reliqua totius Corporis filtra pleno alveo non separentur, cum ipsi invisiles per insensiles Corticis Cerebri glandulas & nervulos fluant. Ut itaq; nubilam harum Difficultatum caliginem novo quodam Rationis & Experientiæ lumine abigere valeam, aliorum Sententias circa easdem prius hic obiter recensere necessum est.

An sint  
fermenta  
in glandu-  
lis.

Plurimi assèruerunt *Anatomici*, cum alias rem explicare non valuerint, quod in omnibus Corporis Glandulis diversa hospitantur fermenta; quorum beneficio quælibet Glandula peculiarem fecernit

cernit Humorem. Verum, amabo, ubinam situm erit hoc fermentum? An in cavitate Glandulæ, vel in foraminulis ejusdem? In foraminulis dubio-procul non censebitur habitare, quia vel easdem obturaret, & transituro humori aditum præcluderet, vel appellentis humoris impulsui cedens, in cavitatem Glandulæ retro pelleretur; sicq; Humor à tergo secuturus fermento destitueretur. Præterea undenam hocce fermentum præ Glandulæ foribus sic adstans procederet? Quo filtro à sanguine separaretur? Non potuit à Glandula ipsa secerni, quia nondum cavitatem ipsius intravit; unde manifestum est quod in Glandulæ ostiolis stare non potest hocce fermentum. Nec etiam in Glandulæ cavitate habitare poterit, quia sic secretioni non inferviret; foret enim à præterfluente sanguine & secernendo latice remotum; & antequam filtrandus Humor latitans in Glandulæ cavitate fermentum attingeret, foret jam secretus; à sanguine enim per ostiola Glandulæ in cavitatem ejusdem foret prius transmissus, ac proinde post secretionem foret inutile hocce Fermentum.



Fermen-  
tum non  
potest esse  
in cavitate  
ullius glandulæ.

Præterea in Glandulæ cavitate sistere se non potest hoc Fermentum, quia à Secreto jugiter humore in apertum vas excretorii ductulum confestim volveretur; sicque liquor pone secernendus fermento privaretur. Porro, quæ via fermentum ad cavitatem Glandulæ primum appulit? Per foraminulas respondebitur? Peculiare autem Fermentum non posset filtrari in una Glandula potius quàm in alia, juxta horum medicorum rationem, nisi aliud fermentum peculiare ibidem præextitisset, sicque Fermentum foret seipso prius, ac inæ foret Secretionis Fermentum.

Cæterum, si Fermentum Glandulæ cujusvis in porulis ipsius filtraretur, vel foret ejusdem naturæ cum Humore cui secernendo inservit, vel discrepantis prorsus indolis. Ejusdem naturæ nequit esse; quia Fermentum in Chymia à fermentando corpore ubiq; diversum est; nullum enim fermentum cum seipso fermentationem init, sed cum dissimili Corpore luctatur. Si vero diversæ indolis foret, diversi Humores per eosdem Glandulæ porulos transirent, quod ipsi *Fermenti Glandularis* Fautores asserere non audebunt. Unde plane sequitur quod decantatum  
nunc

nunc in toto Orbe Medico Secretionis Animalis Fermentum neque Experimento ullo detegi, neque ratione concipi potest; cum neque ante Glandularum fores, neq; in Glandularum foraminulis, neq; in cavitate earundem filtrari, neq; residere valeat.

Alii igitur, ut Secretionem Animalem clarius explicent, non opus est, asserunt, ad Fermentum ullum in Glandulis latitans recurrere; sed malunt secernendi liquoris & secernentis poruli conformes figuras statuere; <sup>An conformis sit figura porulorum & humoris in illis secernendi.</sup> superponunt enim quod aliæ Glandularum foraminulæ triangulares sunt, aliæ pentagonæ, aliæ polygonæ, & juxta multiplicem figurarum varietatem varios quoque Humores secernunt. Partes nempe sanguinis triangulares per foraminulam trigonam, cubicæ per cubicam, quadrangulares per tetragonam, & reliquæ sanguinis particulæ per eos Glandularum porulos, quibus figuræ eorundum adaptari possunt, percolantur. Sicque *Bilis* in *Hepate*, *Urina* in *Renibus*, *Lympha* in *Glandulis Lymphaticis*, *Fluidum Nervinum* in cinereo *Cerebri & Cerebelli Cortice*, & reliqua Corporis Fluida ex sancita hacce particularum & porulorum insensilium affinitate

nitāte & correspondentia in propriis Colatoriis deponuntur.

Hæc pariter Opinio nullo Experimento confirmari, & nulla cum ratione conciliari potest; quin imo utriq; repugnare videtur. Observamus enim quod p̄r quemlibet Glandulæ porulum omnes sanguinis diversarum figurarum particulæ permeant. Urina enim, Bilis, Saliva, Semen, Lympha, & reliqui Humores ex peculiari particularum, *Aqua*, *Terra*, *Salis*, & *Sulphuris* connubio sub diversa tamen proportionē coalescunt; ac proinde quælibet Jecoris, Renis, & aliorum filtrorum vel minima globata Glandula particulas multiplici & discrepanti figura donatas secernit. Dissimiles enim esse Terræ, Aquæ, Salis, & Sulphuris figuras diversus eorundem Sapor, & discrepantes effectus apprime demonstrant. Si respondeatur forsā quod Bilis, *v. g.* Elementa Terra nempe, Aqua, Sal, & Sulphur diversis quidem figuris à se discrepant singula, unita tamen sub certa & peculiari proportionē in peculiarem abeunt figuram à singulorum figura discrepantem & Glandularum figuræ conformem. Verum hæc non arridebit responsio, quia quælibet Bilis molecula,

ex

ex Terræ, Aquæ, Salis, & Sulphuris proportionem orta, fluida est, ac proinde in omnes figuras formari potest; atq; ita Bilis cum fluxilis sit, non tantum foraminulis Glandularum Hepatis, sed etiam porulorum aliarum omnium Glandularum figuris adaptari poterit. Unde promiscua fieret omnium Humorum in qualibet Glandula sine ullo discrimine Secretio. Præterea fit aliquando quod, obstructo aliquo filtro glanduloso, Humor per aliam Glandulam transit. Sic obstructis in Nephritide Renibus Urinam sæpe per stomachum & per os excretam observavi. Obstructo Hepate Bilis flavescens colore Corporis habitum tingit; Melancholici, qui multum expuunt, paucam Urinam excernunt. Unde patet quod dissimilis adeo non est diversorum humorum & filtrorum figura, nec tam dispar eorundem proportio, quin aliquando pro data occasione sibi adaptari valeant.

Cum igitur indubitatum sit quod in diversis Corporis Animantis (imo Vegetantis) colis diversi succi secernantur, & cum hujus discrepantis secretionis causa supponi non potest fermentum ullum aut conformis Humoris  
&



Similes fi-  
guræ simi-  
libus gau-  
dent figu-  
ris.

& Filtri figura, alia nobis excogitanda est ratio, cur tam constans & stupendus effectus, producat. Observare igitur liceat quod Fluidi alicujus Corporis Particulæ, si similis sint figuræ & superficiei, sibi associari ambiunt. Sic fluxiles Mercurii globuli in plana superficie rotati, quando sibi occurrunt, sese amplectuntur: Sic, aqua per siccum pannum in globulis pariter aspersa, panno non adhæret, sed fluitat, & obviis aliis globulis sese immiscet. Sic, Sal Cornu Cervi, Cranii Humani, Viperarum, aut alius sal Animalium volatilis, ex spiritu eorundem in *Vasis Sublimatoriis* igni impositis in altum elevatur, & concavo *Capitelli* vertici in sicca forma affigitur. Sal quoq; cujusvis mixti corporis fixus per lixivium extractus, facta aliqua decocti evaporatione ad parietes vasis in aere frigido in peculiaris figuræ crystallos abit. Sic quando corrosivi sanguinis nostri sales in aliqua corporis parte sistere se, & nidulari cœperunt, uti in Gangrena, Carbunculo, Cancro mammarum videre est, reliqui virulenti sales huc confluunt, & crudelius ferocientes tanto ægrotos tormine cruciant, ut si forte, amputata mamma vel

vel parte Sphacelo corrosa, affluxus eorundem impediatur, in sanguine detenti, ad internos Corporis recessus non sine Vitæ periculo nonnunquam recurrunt. In Podagra acidi sanguinis sales ad articulos, iisdem antea aggravatos, à sanguine, in quo aliter forsan morbos foverent, exonerantur. In Febre maligna, aut in Peste, ferale sanguinis Fermentum ad applicatas cucurbitulas aut velicatoria ex congeneris figuræ suæ similitudine amandatur. Et quemadmodum quædam particulæ sibi adjunguntur ex conformi superficiecularum figura, sic aliæ sibi, ex dispari earundem proportionem, uti *Oleum Aqua*, associari nullatenus possunt.

Cum itaq; experientia doceat quod consimiles Corporum figuræ eadem conjungant, & dissimiles eadem dissolvent, & cum Humorum in diversis Corporis nostri filtris secretorum diversa sit indoles, ac proinde dissimilis particularum earundem figura, diversa earundem textura, & dispar omnino proportio, haud levis conjiciendi ansa offertur, quod *vera ratio cur bilis, v. g. in Hepate, aut alius quivis humor in sua potius Glandula quam in alia filtratur, non est quia similis est pori & humoris figura,*

*Vera ratio cur humores peculiares in singulis Glandulis secretantur,*

Cc

sed

*sed quia integrantes succi biliosi Partes, seu molecula ex peculiari suorum Elementorum proportionē, atque ex consimili textura & figura sibi ipsis facilius uniri possunt, quam moleculis Lymphæ, Urinæ, aut alterius liquoris; ac proinde per glandulosos Hepatis acinos, quoniam per ipsos primo post fœtus conceptionem in utero filtrari cœpit, ad Vitæ terminum cribrari perseverabit.*

Hoc illustrare facile est Experimento vulgari cum Oleo, Aqua, & Charta Chymicorum emporetica seu bibula celebrato. Oleum Aquæ limpidæ nullo sale aculeatæ affundatur, & spatula, quantum potest, agitatum eidem intime admisceatur. Si animus est Aquam ab Oleo separare, fumatur charta in aquam prius immersa, & in hanc chartam vasi impositam Oleum & Aqua affundantur; tota Aqua per chartæ porulos aqueis particulis jam repletos, relicto pone oleo, transibit. Si vero quis vellet Oleum prius ab Aqua fecernere, charta in oleum immergatur; & nihil præter oleum per poros illius oleo prius gravidos percolari poterit. Eodem modo concipi facile potest quod omnes Corporis nostri Glandulæ, etiam dum adhuc in exiguo pusilli germinis.

minis gyro inclusæ sunt, peculiari liquore saturatæ consimiles tantum huic latici succos fecernent. Sicque Cerebrum Animales tantum Spiritus, Renes urinam, Testes Fermentum feminale, Jecur bilem, Parotides Glandulæ salivam, Glandulæ cutis milliares sudorem, aliæ Glandulæ Lympham, singulæ demum, peculiari & diverso destinatæ officio, fluida utilia & noxia, ob conformes secreti jam, & jam à tergo statim fecernendi *Fluidi* figuras, necnon ob parem Elementorum ejusdem proportionem, & contextum, à præterfluente Cruoris massa, tanquam ab inexhausto torrente, per totum Vitæ cursum jugiter percolabunt.

Si tamen fortasse purpurei torrentis massa peculiari aliquo liquore, uti urina, vel bile, nimis sit imprægnata & diluta, conformes hujusmodi moleculæ à luxuriante hocce latice ita à se invicem divulsæ erunt & remotæ, ut sibi immediate per filtrum succedere non valeant, sed aliæ redundantis succi interjacentes particulæ cum iisdem promiscue transibunt. Sic obstructis in *Nephritide* Renibus, & suppresso Urinæ profluvio, serum sanguinis per Ventriculi & Intestinorum Glandulas, aut per

Ratio cur  
Glandulæ  
aliquando  
alienos humores  
fecernant.



Morbi glandularum sunt Tumores tantum tres.

alia Colatoria filtrabitur; unde *Vomit*  
*us*, vel *Alvi Fluxus* forsan sequetur.  
 Obstructo Hepate, Bilis flavo *Icteri* co-  
 lore Corporis habitum tingit. Sup-  
 pressis menstruis, sputum cruentum per  
 certas periodos aliquando recurrit.  
 Obstructis autem penitus Glandularum  
 cavitatibus, vel excretoriis earundem  
 ductibus, cavitas à stagnante vel reten-  
 ta materia præter modum aliquando  
 ampliabitur, & ad molem nonnunquam  
 enormem extumebit, uti *Parisiis* olim ob-  
 servavi in Vidua quadam ex *immani Hy-*  
*pogastrii Sarcomate* mortua, in cuius Solo  
 utero *Carneam Excrescentiam* duas &  
 quadraginta libras gravem reperi. Si  
 vero materia in Glandularum cavitate  
 detenta, fluida remaneat, *Hydatides*,  
 seu *Cystides Vesiculares* liquore repletas  
 efformabit. Si spissa fiat, Schirros pro-  
 ducet. Si demum obstructas Glandu-  
 las nutriet, & nutriendo paulatim di-  
 stendat, Sarcomata creabit. Unde om-  
 nes Glandularum Tumores ad Hyda-  
 tides, Schirros, & Sarcomata, tan-  
 quam ad tres tantum Classes reduci pos-  
 sunt.

Quare glandulae non fecernunt Spiritus Animales.

Si quis forte miraretur cur Spiritus saltem Animales, qui tenuissimi sunt, & oculorum, imo mentis aciem fu-

fugiant, per omnes Glandulas sine ullo discrimine cum reliquis fluidis non filtrentur, mirari desinet, quando secum perpendet, quod omnes Glandularum foraminulæ ita suo, vel alieno liquore semper sunt saturatæ & repletæ, quod ne quidem invisili Spirituum Animalium auræ aditum largiri valeant; ac proinde in glanduloso tantum Cerebri Cortice secerni poterunt. Etiamli autem *aereum hocce Nervorum Fluidum* in solo Cerebro, & in appensa Medulla Spinali pleno alveo filtretur, in aliqua tamen, sed pauciori, copia cum reliquis Humoribus, in loculis eorundem & in Principiorum interstitiis fluitantes, per omnes alias Glandulas pertranseunt. Unde fit quod in majori, quam par est, Humorū excretionē, in contumaciori *Vomitū*, in violentiori *Purgatione*, in Alvi *Fluxu* colliquante, in copioso *Urinæ Profluvio*, in nimio *Sudore*, in diuturniori salivatione, in immodico *Fluore albo*, in immoderato *Menstruorum Fluxu*, in Gonorrhœa tabida, ex nimio *Fluidi Nervei* & volatiliū sanguinis Principiorum dispendio Vires elanguescunt, &, non sine Vitæ periculo, nonnunquam prosternuntur.

Quare nimix evacuationes debilitant.

F I N I S.

---

## LECTORI Admonitio.

*H*æc duas, quæ sequuntur, Epistolas ex Anglico Idiomate ab eruditis D. G. B. & J. W. Studios. Oxon. in Latinum conversas huic Operi Appendere hisce de causis visum est. Quoniam scilicet isti, quæ mox subjiçietur, novo Oeconomix Animalis Exemplari, tanquam fundamento, tota hujus Libri ratio immititur; & ut etiam Tabula isthæc, utpote compendiosa admodum, aliis, in Disquisitionibus suis habendis veluti norma præsto sit, quicunque hujusmodi posthac Exercitationes instituent.

---

Epistola

# Epistola à Literato

Quodam Cantabrigiensi data ad

BERNARDUM CONNOR, M.D.

Londin. de Prælectionibus suis

*Chymicis & Anatomicis*

OXONII habitis Ann. 1695.

VIR DIGNISSIME,

**Q**uanto cum applausu, quantaque omnium comprobatione Anatomicas tuas, Chymicasq; Prælectiones Oxonii nuper habuisti, hic auditum est. Ut etiam vota omnium & animos explevisti, cum nonnullas hujusmodi Exercitationes Parisiis aliquot abhinc annis instituisti, ab oculatis quibusdam testibus, qui & ipsi quoq; perscrutandæ Naturæ non inanem dederrunt operam, mihi insuper innotuit; ex quo Te, quippe cui Germaniam,  
Ita-



Italiam, Poloniam, Belgiumque peragranti cum Malpighio, Bellino, Redo aliisque; celeberrimis ibi gentium Medicis familiaritas intercessit, recondita Medicæ Artis Arcana penitus indagasse nullus dubito. Illas etiam *Dissertationes* tuas *Medico-Physicas*, ubique referentes Autoris Ingenium, *Oxonii* nuper excusas de *Antris nempe Lethiferis, noxiis Exhalationibus, Venenis Subterraneis, De montis Vesuvii Incendio*, aliisque stupendis Naturæ Phænomenis summa cum delectatione perlegi. Hisce de causis mihi ipse persuasi Te non modo *Chymiam Anatomiamque*, feliciter excoluisse, sed Rationem porro quandam excogitasse, qua potis es alios etiam has Artes multo citius, quam usu venire solet, edocere; quam mihi hac in parte persuasionem confirmarunt Amici cujusdam *Oxonienfis* Literæ. Non ipse quidem hic loci unicus is sum, cui maxime in votis est, ut aliquot saltem Menses apud nos etiam agas, modo continuæ tuæ hoc à Te impetrari sinant Occupationes: Turba mehercule sumus, qui nobismet, ut primum æstate jam nunc elapsa de tuo ab *Oxonio* discessu percrebuit fama, præpropere tuum ad nos adventum gratulabamur.

Cum

*Animalis Exemplar.*

25

cum autem tua Te Praxis *Londini* occupatiorem habeat, quam ut pari beneficio Academiam quoque nostram obstringas, Schedulam saltem de instituta Exercitationum tuarum Methodo à Te exorare fas sit. Lubens etiam rescirem, siqui Te prælegentem audire cupiant, an Te *Londini* publicis hisce Studiis vacare sinant Res tuæ. Hanc à Te Gratiam plurimi petunt, at præ cæteris, \*

*Tui Observantissimus,*

*Cantabrigiæ,*  
id. Octob.  
1695.

C. P.

D d

CON-

---

---

## CONNORI Responsio

In qua Novum suum

*Oeconomiae Animalis,*

Exemplar Exhibet.

**Q**uicquid, Vir eximie, propter nimiam tuam in me Benevolentiam, in meas aut Libelli mei laudes prædicare libuit, id prorsus humanitati tuæ dandum est, nec aliud quicquam Tibi reponam quàm quod pro virili mea semper enitar ut non de ingrato bene meruisse videaris. Oxoniensi Amico tuo plurimum debeo, quod de me adeo honorifice loquutus est, & nullam usquam Academiam me magis humaniter accepisse gratissimo quidem animo fatendum est.

Ut vero non ea Te lateat Methodus, qua rerum harum cupidos ad interiorem Humanæ fabricæ, temperamen-

mentorum, morborumq; notitiam rite perducendos suscepi, en! Tibi totius instituti rationem.

Hominem inprimis considerare libet, veluti quiddam à Spiritu & Materia compositum: cum autem circa hanc tantum versetur Ars Medica, Corpus Humanum propius intueri visum est, ejusque fabricam ab aliorum Animantium constructione haud abssimilem esse expertus novi. Ut vero nihil prorsus Hominis nos fugiat, non solum examini subjicienda sunt illa quibus extructus est Membra, sed ipsa circum ubiq; corpora, quotquot eum quoquo modo afficiunt, aut quicquam ei conservando subministrant, accurate perscrutanda sunt. Cum igitur Animalia, Tellus, Aer, Planetæ, Sol & Stellæ sint suo quæque modo ad vitam humanam oppido necessaria, in totum ideo Mundi Systema & Elementa, easque præsertim Qualitates, quæ Saluti humanæ officere vel prodesse possunt, penitus inquirendum est. Trium etiam mixtorum, Animalium nempe, Vegetantium & Mineralium, Natura diligentissime prius est excutienda, quam poterimus Generationis, Nutritionis, sani morbosique status, & Mortis de-



mum causas aliqua saltem tenus investigare, aut, sic uti par est, explicare miram illam fabricam, Mechanicos Hydraulicosque motus, Præparationes Chymicas, aliaque non innumera minus quam stupenda Corporis Humani Phænomena.

Methodus igitur ea mihi videtur optima, quæ à prævia majoris Mundi disquisitione ad hujusce minoris examen analytice progreditur. Ut rite igitur hoc Opus ordiamur, per Experimenta Chymica Elementa rerum imprimis sunt indaganda, præsertim vero particularum istarum figuræ qualitatesque, quæ Corporum omnium mixtorum, & ipsius præcipue Sanguinis, sunt Principia. Medicorum hac in parte incuriam (nec adeo tamen alte latent isthæc Principia, ut erui nequeant) novos Philosophiæ Naturalis & Artis Medicæ progressus impediisse nemo inficias ibit. Hoc enim ita mihi persuasum est ac quod maxime, neminem usquam fore, modo rem secum recte perpenderit, omnesque corporum operationes ad Naturales tantum Causas absque Miraculorum ope retulerit, qui non mecum illico sentiet, posse nimirum morborum causas atque

atque remedia non incassum ad examen vocari; adeoque protinus evanescet decantatum isthoc Axioma, *Medicina* scilicet *nihil inesse Certitudinis*.

Etsi non adeo sum amans mei, ut existimem memet unum integram eam & perfectam omni ex parte Methodum excogitasse, quam apprime necessariam duco ad recludenda magis recondita Naturæ arcana; at sperare tamen fas sit, *Tabulam* mox subjiciendam, juxta quam meas Oxonii Prælectiones instituebam non prorsus inutilem fore.

---

Nova

Nova Tabula  
Oeconomiae Animalis  
Demonstratae

OXONII primum, Ann. 1695, dein  
LONDINI, & tandem CANTA-  
BRIGIÆ Ann. 1696.

1. **D**E Elementis, Fabrica & Systemate  
Mundi, & de mutuo partium ejus  
nexu & dependentia.
2. De Corporum terrestrium Elementis,  
ubi (post Chymica quaedam Experimenta)  
ad Examen vocantur Natura, Proprietates,  
Figura & Effectus Terra, Aqua, Salis &  
Sulphuris, uti & Animantium, Vegetabili-  
um & Mineralium Ortus.
3. De Corporis Humani fabrica, ejusque  
in partes solidas & fluidas divisione, ubi de  
solidarum præcipue Partium Natura & con-  
textu.
4. De Fluidis Corporis Humani Parti-  
bus; de Natura, Principiis, Fermentatione,  
& Circuitu Sanguinis, de Febre, de Nutri-  
tione;

tione ; de Temperamentis ; de variis Humoribus in Sanguine contentis ; ubi etiam de Juventute, Senectute & Morte.

5. De Sanguinis reparatione ; de Chylo, Vasis Lacteis & Ductu Chylifero ; de Masticatione, Digestione, & Fermento Ventriculi ; de Precipitatione seu Separatione Excrementorum a Chylo ; ubi de Oesophagi seu Gula, Ventriculi, & Intestinorum structura ; de Motu Peristaltico & Antiperistaltico ; de Glandulis ; de Mesenterio ; de Lympha, Vasisque Lymphaticis.

6. De Cordis Fabrica, Motu & Usu ; ubi de variis Pulsuum generibus ; de Polypo & Deliquio ; Nova item assertur Hypothesis de Cordis Motu, & de Sanguificatione.

7. De Arteria Trachea, Pulmonumque structura ; ubi de Respirationis Usu & Causa ; de Pleuritide, Phthisi, Asthmate ; Natura etiam Aeris, Nitri, & Spirituum Animalium, aliter quam hactenus, explicatur.

8. De Praecordiis seu Vasis Sanguiferis Cordi appensis ; ubi de Venarum ac Arteriarum Structura, Motu, & Differentia.

9. De variis Vena Porta, & utriusque Cave, Propaginibus.

10. De utriusque Aorta per totum Corpus propagatione.

11. De



11. De Cerebro & Cerebello; ubi de Generatione; ac Motu Spirituum Animalium; de Perceptione, Somno, & Vigilia; de Deliriis; Mania, Phrenitide; de Anima in Corpus Influxu & Effectu; ubi de Sensatione & quinque Sensuum Organis.

12. De Oculo, Lachrymis, Ductibus Aqueis & Nasalibus; de Visione, Luce, Coloribus, Cacitate, & praesertim de peracuto quorundam Animantium Visu.

13. De Nasi Fabrica; de Membrana Pituitaria; de Muco, Olfactu, & Sternutatione; de mutuo Nasi & Linguae Consensu.

14. De Lingua, Palato, & Gingivis; de Motu & Musculis Linguae; de Gustu & Voce.

15. De Larynge, de Mutis, Pharynge, & Osse Hyoide; de Amygdalis, Salivatione & Saliva; de Parotidibus, Gargareone, Siti, deglutitione, &c.

16. De Tactu, Cuticula, Cute, Pilis, Glandulis Milliaribus; de Corpore Reticulari & Mucoso; de Pinguedine, Transpiratione, Sudore, Scabie, &c.

17. De Aure, Aquaductu, Auditu, Surditate, &c.

18. De Fabrica, Numero, & Usu Nervorum; de Motu & Sensatione; de Pari Vago, & Nervis Intercostalibus per totum Pecto-

Pectoris & Abdominis Viscera diffusis.

19. De Structurâ, variisque Musculorum figuris; de Fibris Vascularibus; ubi de Motu Musculari, Naturali & Spontaneo; de Pandiculatione, Oscitatione, Saltatione, Natatione, & Volatu; de Motu Convulsivo, Tonico, Sympathico, Epileptico, &c.

20. De Hepate, Bile, & Pancreate; ubi de Bilis & succi Pancreatici Secretione, & Motu, eorundemque cum Chylo mixtione. De colico dolore.

21. De Glandularum omnium Naturâ & Differentiis; de variis Humoribus, qui Excrementitii & Recrementitii nuncupantur, Filtrationibus.

22. De Lienis Usu & Structurâ; ubi de Melancholiâ, de obstructionibus, &c.

23. De Renibus, Glandulis Atrabiliaribus, Tubulis Urinariis & Vesicâ; ubi de Sero Sanguinis, de Urinae Colore ejusque Contentis; de Calculo, Arenis, &c.

24. De Corporis Fulcris, sive de Ossium structura, Lamellis, Fibris, Cavitate, Medulla, de Ossificatione, de Apophysibus, de Ligamentis, Articulis, Podagra, Rheumatismo, Rachitide, &c.

25. De Partibus Viri Genitalibus; de Naturâ & formatione Seminis; ubi de

E e Ef-

*Effectibus ejus in Utero Muliebri, de Eunuchis, Gonorrhæa, Lue venerea, &c.*

26. *De Partibus Genitalibus Mulieris; de Ovis & Ovario; de Generatione, Conceptione, Prægnatione, Fluxu Menstruo, Partu, Monstris. Quomodo Mulier Lue venerea inficitur & inficit. De Sterilitate.*

27. *De situ, Nutritione & Involucris Embryonis in Utero; de Vasis Umbilicatis, Secundinis, de Vi Materna Imaginationis, & de Modo peculiari Circuitus Sanguinis in Fœtu.*

28. *Animadversa quedam de Anima & Corporis Unione.*

In hæc Tabula, Vir/ Erudite, post varias Mundi Partes suis quasque locis explicatas, ipsaque Corporum Principia ad Chymix examen vocata, Corpus denique Humanum in solidas fluidasque Partes distinctum vides. Prius autem quam solidas singulatim Partes perscrutarer; me neutiquam abs re facturum existimavi, si ope Chymix Humores omnes, præsertim verò Principia Motusque Sanguinis, qui quidem totius Corporis est quasi *Primum Mobile*, diligentius explorarem. Quam ob rem icire necessum est, quâ ratione, cibus

Con-

concoctus in Chylum, & Chylus itidem in Sanguinem abit; quo etiam modo, Sanguine in Ossa & Carnem indurescente, perpetuis Alimentis reparanda sunt ejus dispendia; quo impetu Cor micat, assiduumque in Sanguine motum ciet, qua vi Sanguis iste è Corde mox expulsi, & Pulmonum tandem Aere rarefactus, per Arteriarum ductus in omnes Corporis partes derivatur, & ab iisdem ad Cor tanquam ad Vitæ fontem per Venarum denuò gyros recurrit. Ut autem pro certo habeamus quo Modo Sanguis in omnes Corporis partes usquequaque diffuit, quasque longo tandem Circuitu formas subit, ipsis oportet oculis variam omnium Corporis partium fabricam perlustrare, Sanguinisque ad Cerebrum usque Canales investigare, ubi Spiritus Animales eliciuntur, qui jugi Motu Ideas, cerebro prius impressas, Animæ subministrant, & inde per Nervos in omnia Corporis Membra sese dispergentes, in Musculis motum, in quinque Organis sensationem excitant, quibus ad Animam transfertur cujusvis externi Corporis Species. Hunc inde Sanguinem in Glandulas omnes insector, ubicunque superflui Humores exonerantur; in



Jecur, ubi Succus Biliosus fecernitur ; in Lienem, ubi motus ejus tantisper retardatur ; in Renes, ubi Particulas quasdam serosas deponit ; in Testes, per quos percolatur glutinosus quidam, & oleaceus Liquor, quem *Semen* cum vulgo nuncupare fas esto. At ipso tandem Homine satis perspecto, placuit accuratiùs expendere isthoc providæ Naturæ Artificium, quo speciem suam procreare solet, & alterum sui similem generare.

Homo, quod nunc iterum dico, è duabus Substantiis, Animâ scilicet, & Corpore, conflatur. Anima Rationis ope Corpus conservat, idemque per Motus Voluntarios dirigit. At Corpus vicissim Animæ subministrat Rerum Corporearum Ideas. Vita Hominis est Convenientia quædam, ac mutua Corporis Animæque Necessitudo. Vita verò Corporis est Naturalis Spirituum & Sanguinis Motus, quo paulatim deficiente Mors tandem obrepit. Quicquid habent vitæ motûsque solidiores Corporis Humani partes, totum hoc Sanguini & Spiritibus acceptum ferunt ; nec sanè Sanguis & Spiritus ullum sibi motum proprio jure vindicant, nisi quem iis summus rerum Opifex juxta  
san-

fancitas Naturæ Leges indidit. Ut verò conservetur mutuum hoc Corporis Animæque commercium, omnes Corporis Humores & Organa rectè se habeant necesse est; non enim Animæ dissociatio, quæ tamen opinio apud plerosque invaluit, sed eversa Organorum Humorumque Dispositio Corpori mortem accersit. Prius enim moritur Corpus, quàm avolaverit Anima; cujus excessus non aliud quidquam est quàm intimi sui mutuique cum Corpore consortii dissolutio, quippe quod omnis inibi Motus planè defecerit. Integram hanc Corporis habitudinem lædunt labefactantque Morbi, qui, Sanguini primùm insiti, sensim in solidas sese partes insinuant, eæque contagio inquinatæ, novâ vicissim peste Sanguinem inficiunt. Etiam si verò nihil unquam Contagii tibi Sanguinem polluat, nec ullis unquam morbis intabescas, nihilo tamen minus, Partibus tandem solidis à diuturno jugique Humorum circuitu relaxatis nimium, & attritis, (qui Corporis habitus sibi *Senectutis* nomen asciscit) juxta Naturæ Leges moriendum est.

Non telatet, Vir Egregie, diffusum hoc & sublime Argumentum universam quodammodo Mundi molem complecti.

Nec

Nec te nescire vellem, esse mihi in animo, in Eruditorum eorum gratiam, quibus curæ sint Medicæ Disquisitiones hyeme jam instante publicas iterum *Praelectiones* hic Londini habere : in quibus, post prima Rerum Principia, secundum *Tabula* meæ Rationem, Chymicè investigata, Cultro deinde Anatomico totam Humani Corporis fabricam ipsis oculis subijciam. Cave igitur expectes me in omnes singulatim partes hîc fusiùs expatiaturum. Fas sit hoc Operis missum facere, donec Res hasce novis Experimentis accuratiùs exploravero, ac tum forte Tibi quædam aut nondum, aut minus Observata in manus dabo, quæ Tibi oblectamentum, Arti Medicæ lucem forsan afferant, ad quam promovendam omnes perpetuò Nervos Curasque intendet.

Lond. 4° Non.

Tui Studiosissimus,

Nov. 1695.

*Bernardus Connor.*

F I N I S.

Rerum

## Rerum Elenchus.

### ART. I. De Statu Corporis, præcipue Organici, secundum Naturam,

D	Uæ Naturæ Leges, Leges Motûs & Morum,	p. 1.
	Natura Materiæ,	p. 2.
	Materiæ Species,	p. 4.
	Materia est solida, unde impenetrabilis,	p. 5.
	Quid Corpus Inorganicum,	ibid.
	Quid Corpus Organicum,	p. 6.
	Tres Corporis Humani Status,	ibid.
		p. 8.

### ART. II. De Statu Corporis Humani secundum Naturam,

Tres Hominis partes,	p. 11.
Spiritus non est Anima,	p. 11.
Animæ Natura & Officium,	ibid.
Corporis humani duæ partes,	p. 12.
Elementares Corporis Humani partes,	ibid.
Partes Organicæ,	p. 13.
Textura Corporis Humani,	p. 14.
Partes fluidæ & Organicæ,	ibid.
Tres Motus Sanguinis,	p. 15.
Digestio & Chylus,	p. 16.
Chyli processus,	p. 17.
Sanguificatio,	p. 18.
Uusus Sanguinis,	ibid.
Circuitus Sanguinis,	p. 19.
	p. 20.
	Secretio



## Rerum Elenchus.

Secretio Animalis,	p.21.
Motus Muscularis,	p.23.
Structura Corporis Humani,	p.24.
Quid Sanitas,	p.25.
Diversi Corporis Humani Affectus,	ibid.

### ART. III. De Statu Corporis Humani præter Naturam,

Quid Sanitas, quid Morbus,	p.27.
Sedes Morborum,	p.28.
Tres Morborum Classes,	p.29.
Morbi Chirurgici,	p.30.
Morbi Sangumis,	ibid.
Sanguis spissus,	p.31.
Sanguis falsus,	p.32.
Dolores unde,	p.33.
Morbi Spirituum,	ibid.
	p.34.

### ART. IV. De Statu Corporis Humani super Naturam,

Status supernaturalis Corporis,	p.36.
Discrimen inter mixtum & mixti particulas,	p.36.
Effectus naturales verè supernaturales sunt, &	p.39.
vice versa,	p.40.

### ART. V. De vigentibus Motus Legibus,

De Naturâ Motûs,	p.42.
Motus in se nihil est,	p.42.
Motus diversi à diversis Corporum motorum conditionibus,	p.43.
Nullæ sunt veræ Causæ Naturales,	p.47.
	p.49.

### ART. VI. De suspensis Motus Legibus,

Leges Naturæ suspendi possunt,	p.52.
Duo Motus,	p.54.
Motus solidi,	ibid.
	Motus

## Rerum Elenchus.

Motus fluidi,	p. 54.
Quid fermentatio,	p. 55.
Modus Miraculorum inquirendus.	ibid.
Tres Motus Leges,	p. 57.
Quid Miraculum,	p. 58.
Vulgaris Miraculi definitio,	p. 60.
Vera Miraculi Natura,	p. 62.
Tres Motus Legum suspensiones,	p. 64.
Anima adversio,	p. 66.

### ART. VII. De Prima Motus Lege suspensâ.

Ubi ostenditur quod Corpus moveri poterit sine occasione motus alterius Corporis irruentis,	p. 68.
Tres modi primæ suspensionis,	p. 68.
Primus movendi modus,	p. 69.
Secundus movendi modus,	p. 70.
Sudor Sanguineus,	p. 73.
Tertius movendi modus,	p. 74.
Qualibet materiæ figura in omnes alias figuras potest mutari,	p. 75.
Conversio unius substantiæ in aliam secundum Naturam,	p. 78.
Alimenta acido redundant.	ibid.
Aqua in terram conversa,	p. 79.

### ART. VIII. De secundâ Motus Lege suspensâ,

ubi probatur quod, datâ Corporis irruentis occasione, Corpus poterit non moveri,	p. 81.
Quomodo homo potest fieri invulnerabilis,	p. 81.
Feritas belluarum refrænata,	p. 82.
Potest flamma non comburere,	p. 83.
Quomodo quis potest vivere in æternum,	p. 84.

### ART. IX.

## Rerum Elenchus.

ART. IX. De Tertiâ Motûs Lege suspensâ.  
Ubi cernitur quod Corpus in motu positum,  
motum suum subito deperdere poterit, non  
communicato eodem alteri Corpori ambienti,  
p. 87.

ART. X. De Humani Corporis genesi ex Mare  
& Fœminâ, p. 93.  
Partes generationis Viri, p. 94.  
Partes genitates fœminæ, p. 95.  
Semen continet omnes partes, p. 96.  
Quomodo generatio perficitur, ibid.  
Punctum saliens est Cor, primum vivens ut ulti-  
mum moriens, p. 98.  
Diversi ætatis gradus, p. 99.  
Partus quomodo fit, p. 100.  
Prærogativa Matrum præ Patribus, p. 104.  
Fœminæ non sunt verè Matres sed Matrices,  
p. 106.

ART. XI. De Corporis Humani genesi ex Fæ-  
minâ sine Mare, p. 107.  
Quid generatio, p. 107.

ART. XII. De Corporis Humani ortu sine  
Mare & Fœminâ, p. 112.  
Corporis Humani Analysis Chymica, p. 114.  
Stupenda instrumenta humanâ arte confecta,  
p. 118.  
Corpora stupendo Naturæ artificio constructa,  
p. 119.

ART.

## Rerum Elenchus:

### ART. XIII. De Humano Corpore redivivo,

p. 125.

Diversæ mortis species, p. 125.

Diversæ mortis causæ, p. 126.

Diversi modi quibus mortui ad vitam possunt  
revocari, ibid.

Conditiones quæ requiruntur ut idem Homo re-  
surgat, p. 132.

Ut redivivus Homo sit idem debet constitui ex  
iisdem principiis, p. 134.

Figura distinguit Elementa, p. 135.

Corpus est pars hominis essentialis, p. 137.

Debet idem Corpus & eadem Anima uniri ut i-  
dem Homo resurgat, p. 139.

Anima rationalis non est vita Corporis, p. 140.

An quodvis Corpus sufficiat ut idem Homo re-  
nascatur? p. 142.

Partes solidæ Corporis non dissipantur, p. 143.

Quomodo Homines senio vel morbis confecti  
emaciantur, p. 147.

Ut idem Corpus renascatur, non necesse est ut  
eadem Materiæ quantitas resurgat, p. 148.

Anthropophagi, p. 149.

Corpora non resurgent cum totâ illâ materiâ  
quâ moriuntur, p. 151.

Quare crescit Corpus in mole, p. 153.

Cum quâ mole renascemur, p. 154.

Homo non resurget cum omnibus partibus,  
p. 156.

Redivivus homo non manducabit, p. 157.

Redivivus Homo non respirabit, p. 158.

### ART. XIV. An multiplex potest esse Corporis

Humani Præsentia, p. 160.



## Rerum Elenchus.

<b>ART. XV. De Statu Animæ secundum Naturam,</b>	p. 171.
Anima describi non potest,	p. 172.
Anima rationalis est sui generis Materia,	p. 173.
Anima non est Cogitatio,	p. 174.
Anima semper non cogitat,	ibid.
Animæ proprietas est Cogitatio,	p. 175.
Si non natura Animæ, saltem usus describendus est,	p. 176.
Anima non potest esse in duobus locis in eodem tempore,	p. 177.
Anima non potest habere duas simul Cogitationes,	ibid.
Duplex est in nobis vita, vita Hominis & vita Corporis humani,	p. 178.
Anima non potest esse tota in toto Corpore, & in qualibet Corporis parte,	ibid.
Anima in solo Cerebro sita est,	p. 179.
Anima Rationalis non est causa motuum vitalium in visceribus,	p. 180.
Vera Corporis vita,	ibid.
Stupendus casus pueri inter urfos alti & capti in Polonia,	p. 181, 182.
Quid vita,	p. 183.
Quid Mors,	p. 184.
Duo sunt usus Animæ Rationalis in Corpore humano,	p. 186.
Tria sunt instrumenta Animæ,	ibid.
Quomodo fit sensatio in quinque <i>Organis</i> ,	p. 188.
Auditus,	ibid.
Visio,	ibid.
Olfactus,	p. 189.
Gustus,	ibid.
Tactus,	ibid.
Modus	

## Rerum Elenchus.

Modus sensationis,	p.189.
Textura Musculi,	p.190.
Quomodo sit motus Muscularis,	ibid.
Imperium Animæ in Corpus, & influxus Corporis in Animam,	p.192.
Uti Deus est Motus immediata Causa, sic & Cogitationis est unicus Author,	p.194.
Liberum arbitrium Animæ in quo consistit,	p.195.

### ART. XVI. De Statu Animæ secundum Naturam,

Miracula Animæ,	ibid.
Animæ nostra non nisi sola Corpora verè concipit,	p.197.
Leges Animæ duplici modo suspenduntur,	p.199.
Miracula primæ Legis suspensæ,	p.200.
Miracula secundæ Legis suspensæ,	p.201.

---

De

## Elenchus Alter.

### *De Secretione Animalī,*

	p. 1.
<b>Q</b> uid Vita, & quomodo conservatur,	p. 2.
Necessariæ sunt glandulæ in Corpore hu-	mano,
	ibid.
Diversi succi qui in Glandulis secernuntur,	p. 3.
Secreti Humores natura diversi sunt,	p. 4.
Glandulæ non sunt Vasa complicata,	p. 5.
Quid filtratio,	ibid.
Glandulæ conglobatæ & conglomeratæ,	p. 6.
Quid Glandula,	p. 7.
Uusus Spirituum Animalium in glandulis,	ibid.
Quare Infantes & senes debiles sunt,	p. 8.
Ætas caduca & Mors Naturalis,	ibid.
Textura Glandularum,	p. 9.
Quomodo fit filtratio,	ibid.
Quomodo peculiaris humor in qualibet glandu-	la secernitur,
	ibid.
An sint fermenta in Glandulis?	p. 10.
Fermentum non potest esse in cavitate ullius	glandulæ,
	p. 12.
An conformis sit figura porulorum & humoris	in illis secernendi,
	p. 13.
Similes figuræ similibus gaudent figuris,	p. 16.
Vera ratio cur humores peculiare in singulis	glandulis secernantur,
	p. 17.
Ratio cur glandulæ alienos humores secernant,	p. 19.
	Morbi

## Elenchus Alter.

Morbi glandularum sunt Tumores tantum tres,

p.20.

Quare glandulae non secernunt Spiritus Anima-

les,

ibid.

Quare nimiae Evacuationes debilitant,

p.21.

*Novum Oeconomiae Animalis Exemplar*, p.24.

**N**ova Oeconomiae Animalis Tabula, p.27.

---

FINIS.

---



## ERRATA


**P**Ag. 25. lin. 6. pro fluidas lege fluidas. Ibid.  
 l. 11. pro vicissim l. vicissim. p. 44 l. 21. pro  
 spacio l. spatio. p. 48 l. 24. pro tanum l. tautum.  
 p. 59 l. 23. pro census l. sensus. p. 70. l. 3. pro re-  
 moveri l. diffindi. p. 82 l. 7. pro divellantur l. di-  
 strahantur. p. 83. in Not. Marg. pro combuere l.  
 comburere. Ibid. l. ult. pro impetu l. impetūs.  
 p. 95 l. 24. pro vāsculæ l. vesiculæ. p. 111 l. 11.  
 pro effectum l. effectuum. p. 117. l. 19. pro per-  
 pendebit l. perpennerit. Ibid. l. 21. pro constuere  
 l. construere. p. 125 l. 2. pro indagere l. indagare.  
 p. 133. l. 12. pro abeant l. abeat. Ibid. l. 14. pro  
 convertantur l. convertatur. p. 138 l. 23. pro mo-  
 riremur l. moreremur. p. 139. l. 10. pro aut l. &.  
 p. 145. l. 6. pro principorum l. principiorum,  
 p. 185. l. 7. pro longæ l. longè. p. 159. l. 4. pro  
 juxra l. juxta.

In Epistolâ de *Secretione Animalis.*

**P**Ag. 5. lin. 24. pro spaciolo lege spatiolo, p. 17.  
 l. 25. pro earundum l. earundem.


id.  
pro  
um.  
re-  
di-  
el.  
us.  
a.  
er-  
ere  
are.  
pro  
no-  
&  
um,  
pro

7.









11th July  
A

